

Ilanngussaqq 6-1



Inatsisartut Aningaasaqarnermut Akileraartarnermullu Ataatsimiititaliaat
/Maani

Mittarfiit pillugit Aningaasaqarnermut Akileraartarnermullu Ataatsimiititaliamut akissuteqaat

27-07-2018
Suliap nr.: 2018 - 14613
Dok. nr. 8346731

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Ataatsimiititaliaq inatsisissatut siunnersuummik matuminnga peqqissaartumik suliaqarneranut, minnerunngitsumillu apeqqutinut itisiliisussanut tiguneqartunut, qutsavigerusuppara. Aallaqqaasiutitut misissueqqissaarnerit aamma misissueqqissaarnerit immikkoortut suut inatsisissatut siunnersuummut matuminnga tunngaviusimangersut aammalu taakkua inuiaqatigiinnut aamma missingersuutitut aningaasaqarnikkut naatsorsuiffigineqarnerinik, naatsumik Ataatsimiititaliaq ilisimatissavara. Najoqqutassat annertunerpaartai Ataatsimiititaliamut ingerlatinneqareerput, allallu akissuteqaammut matuminnga ilanngussatut ilanngullugit nassiunneqarlutik. Kiisalu najoqqutassat ilai aalajangersimasut sapinngisamik piaartumik nassiunneqassapput.

Ataatsimiititaliap ilisimariigaatut, inatsisissatut siunnersuut manna sioqqullugu ukiorpassuarni piareersaalluni sulisoqarpoq. Najoqqutassat, misissueqqissaarnerit aamma naatsorsuinerit annertooujussuupput. Taamaattumik inatsisissatut siunnersuummut tunngaviusutut najoqqutassatut suut isigineqarnerisut Ataatsimiititaliap aamma Naalakkersuisut isumaqatigiinnissaat, taamaalillunilu taamatuttaaq najoqqutassat suut tunngaviusunut najoqqutassani ilaatinneqannginnerisut, taamaalilluni isumaqatigiinnissaat, pingaaruteqarpoq. Najoqqutassat pioreersut toqqaannartumik ilaatinneqannginnerannut assersuutigalugu pissutaavoq, taakkua pisoqalisimanagerat, najoqqutassat nutaanerusut taakkununga taarserneqarsimanagerat imaluunniit najoqqutassat allamut matuminnga allaanerummut tunngatillugu suliarineqarsimanagerat.

Takussutissiami matumani ersersitsissutaapput toqqammavissiat Inuiaqatigiit aningaasaqarnerannut sunniutaasussanik nalilersuinerimut naatsorsuinerit aallaviat.



Najoqqutassanut inatsisissatut siunnersuummut matumunnga tunngaviusunut najoqqutassani ilaatinneqanngitsunut assersuutigineqarsinnaavoq nalunaarusiaq *"Mittarfiit ilusiligaanerisa allanngortinneqarnerat aqqutigalugu Takornariartitsisarneraq, Ineriartortitsineq aamma siuariartortitsineq"*, Rambøll 2015. Rambøll allakkiamit nutaami naatsorsukkat nutaat pisariaqartippai, Angalanermut akit akikillineri pillugit allakkiaa"-neersut takornariaqarneraq pillugu nalunaarusiami angalanermi aningaasartuutitut sipaarutaasussat tunngasumut taarsiullugit.

Takornariartitsineq pillugu nalunaarusiaq takornariartitsisarnermut tunngatillugu naleqquppoq, kisianni eqqarsaatigissasat allat nalunaarusiami tassani nalilersorneqarsimanngissinnaapput aammalu pingaaruteqartinneqanngissinnaallutik. Assersuutigalugu innuttaasunut pilersuinerup isumannaatsuunissaa, akulikissutsit imaluunniit nunarput angisooq akimorlugu angallassinikkut ataqatigiinnerit eqqarsaatigalugit. Taassuma tunngaviusunut najoqqutassani ilaatinneqannginneranut pissutaasoq alla tassaavoq, aningaasaqarnikkut angallassinikkullu misissueqqissaarnerit nutartikkat annertunerujussuarmillu tamakkiisumillu suliarineqarsimanerat, tassani atituumik isiginnilluni aallussillunilu mittarfiit ilusiligaaneranni tamarmiusumi sunniutaasussat isiginiarneqarlutik.

Taamaallutik najoqqutassat matuma kingulianiittut pingaarnertut tunngaviusunut najoqqutassaapput, aammalu Naalakkersuisut matumuuna siunnersuutigissavaat siunissami oqallinneq annertunerpaamik taakkunaniitinneqassasoq.

Najoqqutassat Ataatsimiititaliamut ingerlatinneqareersut:

- Inuiaqatigiit aningaasaqarnerannut sunniutaasussanik nalilersuineq, Alloriarneq 1
- Inuiaqatigiit aningaasaqarnerannut sunniutaasussanik nalilersuineq, Alloriarneq 2
- Inuiaqatigiit aningaasaqarneranni misissueqqissaarnerup katiternera, Alloriarneq 2
- Kalaallit Airports A/S-ip Ingerlatsinissamut Aningaasalersuinissamullu pilersaarutaa
- Suliami nr. 2016-713 aalajangiinissaq pillugu Aningaasaqarnermut Akileraartarnermullu Ataatsimiititaliamut Naalakkersuisut isummernissamut tunngavissiaat aamma Aningaasaqarnermut Akileraartarnermullu Ataatsimiititaliamit ilisimatitsissut
- Aalajangiinissamut suliap ingerlaneranut 30. maj 2018 Hotel Hans Egede-imi isumasioqatigiinnermit PowerPoint atorlugu saqqummiineq

- Naalackersuisup Simon Simonsen-ip inatsisip teknikkitaasa allaaserineqarneranut allagai ilanngunneqartut
- PowerPoint atorlugu saqqummiineq – inatsisissatut siunnersuutip teknikkitaasa saqqummiunneqarnerat 27. juni 2018 atorineqartoq
- Pilersitsinermut uppernarsaat Kalaallit Airports A/S
- Malittarisassat Kalaallit Airports A/S
- Timmisartoqarfiit pillugit Inatsisartut inatsisaat kiisalu inatsimmut nassuiaatit
- Suliami nr. 2016-776 aalajangiinissaq pillugu Aningaasaqarnermut Akileraartarnermullu Ataatsimiititaliamut Naalackersuisut isummernissamut tunngavissiaat aamma Aningaasaqarnermut Akileraartarnermullu Ataatsimiititaliamit ilisimatitsissut
- Inatsisissatut siunnersuutip teknikkitaasa allaaserineqarnissaannik piunasaqaateqarluni Aningaasaqarnermut Ataatsimiititaliamit allakkat
- Aningaasaqarnermut Akileraartarnermullu Ataatsimiititaliamut kiisalu Sanaartornermut Ataatsimiititaliamut allakkat 13.12.2017-imeersut
- Nalunaarusiaq: Kangerlussuarmi Mittarfiup siunissaa pillugu periarfissatut ilusiliat tallima

Najoqqutassat sapinngisamik piaartumik nassiuunneqassapput:

- Ilanngussaq 1 Kalaallit Airports A/S-ip akissuteqaatinut tapiliussai
- Ilanngussaq 2 Tapiliussatut ilanngussaq apequt 35-mut aqissuteqaammut Kalaallit Airports A/S-ip
- Ulloq 28. juni 2018 inatsisissatut siunnersuutip nassuarneqanera Aningaasaqarnermut Akileraartarnermullu Ataatsimiititaliaq apeqqutinut akissuteqaat
- Narsarsuup siunissaa pillugu periarfissatut ilusilianik nalilersueqqissaarneq

Kalaallit Airports A/S-imut tunngatillugu torersaarnissaq eqqarsaatigalugu oqaatigissavara, ingerlatseqatigiiffik ingerlatseqatigiiffiup siulersuisuinit pisortaannillu atsiorsinnaatitaaffigineqarmat. Ingerlatseqatigiiffiup Ingerlatsinissamut Aningaasalersuinerimullu pilersaarutaa misissueqqissaarnernut tunngavigineqartunut tamarmiusunut tunngavissaaqqarneqarpoq, taamatullu mittarfiliassani ataatsimoortuni periarfissaqarfiusunut aamma aningaasaqarnikkut sunniutaasussanut iluaqutaasunik paasisimasaqarnissamut iluaqutaalluni. Ingerlatsinissamut Aningaasalersuinerimullu pilersaarut Kalaallit Airports A/S-imit suliarineqarpoq, aammalu Kalaallit Airports A/S tamatumunnga akisussaasuulluni. Akissuteqaammut allakkiami matumani tassunga innersuussinerit Kalaallit Airports-ip akuersineratigut pipput, aammalu tassunga itisiliisussanik apeqquteqartoqassappat ingerlatseqatigiiffimmu taassuma siulersuisuinut imaluunniit pisortaannut saaffiginnittoqartariaqarluni.

Aammattaaq tassunga atatillugu oqaatigineqassaaq, akissuteqaammut allakkiami matumani akissuteqaatit ilanngussallu arlallit isertuussassaatinneqarmata, tassami taakkua Kalaallit Airports-ip Ingerlatsinissamut Aningaasalersuinerimullu pilersaarutaani ilaatinneqartunut, ingerlatsinermik mianerinninnissaq aallaavigalugu isertuunneqartussanut, annertunerusumik annikinnerusumilluunniit toqqaannartumik innersuussimmata.

Matuma kinguliani apeqqutit tulleriinneri ilusiligaanerilu apeqquteqarnermi atorineqartut malillugit akissuteqarfigalugit, Ataatsimiititaliaq sulilluarnerminik ingerlatseqqinnissaanik kissaappara.

Kapitali 1-imut – Siunertaq aamma aqqissuussaaneq:

Apeqquut 1: Qaqortumi mittarfissamut piginnittuunermut aammalu aningaasalersuineranut, sanaartornermut ingerlatsinermullu tunngatillugu Qaqortumi mittarfik aqqissuussaaneq Kalaallit Airports A/S-imut (KAIRS) qanoq akuutinneqassava.

Akissut: Qaqortumi mittarfik Nuummi aamma Ilulissani mittarfiit assigalugit, piginnittuunermut, sanaartornermut ingerlatsinermullu tunngatillugu, Kalaallit Airports A/S-ip suliassaqaarfiini ilaatinneqassasoq naatsorsuutigineqarpoq.

Qaqortumi mittarfiup aningaasalersorneqarnissaanut tunngatillugu taanna nammineq aningaasaatinut akiliuteqarnikkut 100%-imik aningaasalersorneqassasoq naatsorsuutigineqarpoq. Tamanna paasineqassaaq imatut, nammineq aningaasaatinut akiliuteqarneq tamarmiut Qaqortumi mittarfissamut sanaartornermut aningaasartuutit 100%-iattut annertussuseqassasut. Nammineq aningaasaatinut akiliuteqarnermi sinneruttut Nuummi aamma Ilulissani mittarfinnut aningaasaliinernik aningaasalersuinerup ilaatut inissinneqassaaq.

Taamaattoq takuuk apeqquummut 2-mut akissuteqaat.

Apeqquut 2: Qaqortumi mittarfiup mittarfiit sinnerinit marlunnit avissaartinneqarnissaa Naalakkersuisunit qanga aalajangiunneqarpa?

Akissut. Naalakkersuisut Qaqortumi mittarfiup avissaartinneqassasoq aalajangiinngillat. Inatsisissatut siunnersuummi Qaqortumi mittarfiup, tamanna aningaasaqarnikkut imaluunniit ingerlatsinikkut naleqquttoq paasinarsissagaluarpas, aqqissuussaaneq allatut inissimalersinneqarsinnaanera ajornarunnaarsinneqarpoq.

Taamaalilluni Qaqortumi mittarfiup aqqissuussaaneq piginnittoqarnikkullu inissimalersinneqarsinnaaneranut periarfissat arlaqarput, Qaqortumi mittarfimmut, taamatullu imarpiq qulaallugu timmisartunut mittarfinnut nutaanut aamma taakkununga aningaasalersuineranut periarfissanut kiisalu nunatsinni mittarfiit sinnerinut pitsaanerpaanik atugassaqaartitsinissamut iluaqutaasinnaalluni. Aqqissuussaaneq allatut inissimalersitsineq taamaattoq Kalaallit Airports A/S-ip iluani ingerlatseqatigiiffimmi immikkoortortaasumi imaluunniit ingerlatseqatigiiffimmi suleqatigineqartumi imaluunniit ingerlatseqatigiiffinik piginnittumi 100 %-imik pigineqartumi annertunerusumik annikinnerusumilluunniit avataani aqqissuussaaneq inissimalersitsinikkut imaluunniit allatut ittumi assersuutigalugu Mittarfeqarfinni, pisinnaavoq. Periarfissaq alla tassaavoq mittarfiup Nunap karsianit aningaasalersorneqarnera, Kalaallit Airports A/S-imit pigineqarluni sanaartorneqarlunilu aammalu Mittarfeqarfinnit ingerlanneqarluni.

Apeqquummut 18-imut akissut aamma takuuk.

Apeqquut 3: Nuuk Ilulissallu kisimik ingerlatseqatigiiffiup ataatsip ataaniilissappat?

Akissut: Naamik, takukkit Apeqquummut 1-imut aamma 2-mut akissutit.

Apeqquut 4: Qaqortumi mittarfik KAIRS-imut pinnani Mittarfeqarfiit ataani inissimalissava?

Akissut: Qaqortumi mittarfik Kalaallit Airports A/S-ip ataaniissaaq. Taamaattoq Apeqquutinut 1-imut aamma 2-mut akissuteqaatit.

Kapitali 2-mut – Mittarfiit nutaat:

Apeqqut 5: Tikinneqarsinnaassuseq inissisimaffissarlu eqqarsaatigalugit Qaqortumi mittarfissaq sumut killippa?

Akissut: Naalakkersuisut Kalaallit Airports A/S-imiit akissuteqaammut ilassutissanik piniarput. Aammattaaq tamatumunnga itisiliinissamut llanngussa 1 innersuussutigineqarpoq.

Siusinnerusukkut narsaannarmi silasiorfimmit normutigut naatsorsuinerit, sullukkoortitsilluni anorlertarneranut misileraanerit aamma anorimik nalunaarsuinerit ingerlanneqartut, Qaqortumi minnissamut silamik pissuteqartumik ammasarfissanut naatsorsuinerit tunngavigineqartut, ammasarfissatut naatsorsuutigineqartup taamaallaat 75-80 %-iulluni tupaallannartumik pitsaanngitsumik inerneqarneranik malitseqarput. Tamatumunnga pingaartumik, anorip sammivigisarnerpaasaanit anorip 11-12 m/s-imik sakkortussuseqalernerani aarlerinartumik nunameersumik aalaruluttartussaana, pissutaavoq.

Taamaattumik uuttuutit naatsorsuinerit ilusiliani tunngavigineqartuni ilaasut uppersarinnissaannik suliaqarneq KAIR-ip siunnersortini peqatigalugit aallartippaa. Tamanna Qaqortumi mittarfimmum silamik pissuteqartumik piffissamik eqquisarnerup tamarmiusup missingersornissaanut pitsaanerusunik tunngavissaqalernissaq siunertaralugu INUPLAN, ASIAQ, FORCE aamma timmisartortartut misileraataasussat Air Greenland-imeersut qanimut suleqatigalugit ingerlanneqarpoq.

Apeqqut 6: Ilulissani nunanit tamalaanit mittarfissap, nunatta aningaasaqarnera siuarsarniarlugu sananeqartussap, pilersaarutit malillugit ukiumut qaammatit pingasuinnaat ammasarnissaa piviusorsiorpa?

Akissut: Naamik, Ilulissani mittarfik ukioq tamaat timmisartuussinermut ammassaaq. Ingerlatseqatigiiffiup piffissami angallaffiunerpaami Danmarkimit toqqaannartumik Ilulissat timmisartuussivigisarnissaa taamaallaat naatsorsuutigigaa pillugu Air Greenlandimit oqariartuutigineqartut apeqqummut tunngaviusut, Naalakkersuisut naatsorsuutigaat; tassa imaappoq ukiumut qaammatini pingasuni. Mittarfik soorunami ukioq tamaat timmisartuussivigineqartassaaq, soorlu ullumikkut tamaattoqartoq.

Ilulissani mittarfissaq timmisartuussisartut angallannermi pioreersumi Air Greenlandip ukioq tamaat timmisartuussivigisartagaani ingerlatitseqqinnissaannut, minnerunngitsumillu ineriartortitseqqinnissaannut aammalu Air Iceland Connect-ip ukiup ilarujussuani mittarfimmum timmisartuussisarnissaanut iluaqutaassasoq naatsorsuutigineqarpoq. Tassunga ilanngutissaaq timmisartuussisartut allat, taamatuttaaq mittarfimmum timmisartuussisalnissaannut periarfissaqarnerat.

Apeqqut 7: Nunanit tamalaanit mittarfissat sananeqarnissaannut aningaasanik pissarsiniartoqassappat qaqugu sanaartorlugit aallartinneqarnissaat naatsorsuutigineqarsinnaava?

ISERTUUSSASSAQ Akissut:

Apeqqut 8: Nuummi Ilulissanilu mittarfiit 1199 meteri tikillugu tallineqassappata pilersaarusiornissaat sanaartorneqarnissaallu Mittarfeqarfinit tiguneqarsinnaava?

Akissut: Taamaattoqassappat apeqqutip taassuma malersoqqinnissaanut pissutissaqalerluni, sanaartornissamut pilersaarusiornissamut taamaattumut aammattaarlu sanaartornermik suliassamik taamaattumik isumaginninnissamut Mittarfeqarfiit maannakkorpiaq piginnaasaqarfinnik, aningaasassanik pisariaqartunik pigisaqanngilaq imaluunniit aaqqissuussaankkut ilusiligaanani. Aningaasassat taamatullu aaqqissuussaankkut ilusiliineq Kalaallit Airports A/S-imiitineqarpoq.

Tassunga tunngatillugu aammattaaq eqqumaffigineqassaaq, Mittarfeqarfiit maannakkut aaqqissuussaankermini suliffeqarfittut imminut ingerlattut taarsigassarsinnaangimmat.

Mittarfeqarfiit sanaartornermut suliassaq taanna tigussappagu, qanoq pisoqaraluarpalluunniit siunertamut aningaasanut inatsimmi aningaasaliissutinik pilersitsisoqartussaassaaq.

Kisiannili maannakkorpiaq taamatut suliassamik tunniussinissamut erseqqinnerusumik isumaliutersuuteqartoqanngilaq. Taamatut ilusiliinissamut piareersaalluni suliaqarnernut Inatsisartut UKA2015/18+167-imi aalajangiinero tunngavigalugit aallartinneqartunut aammalu suliassanut tamatuma malitsigisaanik Inatsisartunit Naalackersuisunut suliakkiissutigineqartunut, naapertuutinnginnera tamatumunnga pissutaavoq. Ilanngullugu suliassat ukiuni kingullerni ilassutitut aningaasaliissutinut aamma aningaasanut inatsisini oqaasertaliussani Inatsisartunit akuerineqartuni inatsimmi tunngaveqartumik ullumikkut aallartinneqarsimasut, pingaartumik innersuussutigineqassapput.

Apeqqut 9: Nuummi, Ilulissani Qaqortumilu mittarfinnut neqeroortitsinissamut KAIRS-ip aningaa-sartuutissai qanoq amerlatigisussatut naatsorsuutigineqarpat?

Akissut: Naalackersuisut Kalaallit Airports A/S-imit akissuteqaammut ilassutissanik piniarput. Aammattaaq tamatumunnga itisiliinissamut Ilanngussa 1 innersuussutigineqarpoq.

Apeqqut paasineqarpoq, neqeroortitsinerup ingerlanerpiaanut aningaasartuutit apeqqutigineqartut, aammalu sanaartornermut aningaasartuutissarpiat apeqqutigineqaratik.

Neqeroortitsinerup ingerlanerpiaata ingerlanneqarnissaanut aningaasartuutissat annikitsuinnaapput, aammalu siullermik pingaarnertullu neqeroortitsinerup najoqqutassat inaarutaasumik naammassineqarnissaannut nassiunneqarnissaannullu teknikkinut inatsisilerinikkullu siunnersuisartunut, neqeroortitsinerup ingerlanerata nalaani neqerooruteqartussanit apeqqutinik akissuteqarnernut, neqeroorutinik tiguneqartunik nalilersuinerup, kiisalu sanaartugassanut akigititanut isumaqatigiissummut imaluunniit entreprenørimut ajugaasumut isumaqatiginninniarnermut aningaasartuutit ilaatinneqassallutik. Tamatuma saniatigut sanaartornermik aqutsineq aamma nakkutillineq pillugit isumaqatiginninniarnermut aningaasartuuteqartoqartussaavoq. Ataatsimut isigalugu neqeroortitsinerup ingerlanerata sinneruttup ingerlanneqarnissaanut aningaasartuutissat 5–10 mio.kr. missaannik annertussuseqassasut naliliisoqarpoq.

Kapitali 3-mut – Mittarfiit nutaat sanaartornissaannut aningaasalersuineq:

Apeqqut 10: Mittarfiit tallineqarnissaasa inuiaqatigiit aningaasaqarnerannut kingunerisassaanik misissueqqissaarnermi Alloriarneq 2-mit takuneqarsinnaavoq periarfissatut ilusiliaq 1 ullumikkut sinneqartoorfiusumik naleqarpoq, taamaalillunilu imminut akilersinnaalluni, akerlianilli periarfissatut ilusiliaq alla 2 aammalu periarfissatut ilusiliaq aallaaviusoq (ullumikkut naliusoq malillugu nalikinnerpaaq) tamarmik ullumikkut amigartoorfiusumik naleqarput, taamaalillutillu imminut akilersinnaanatik. Naliliinerit siuliani taaneqartut Aningaasaqarnermut Siunnersuisoqatigiinniit apeqquserneqarnerat oqaaseqarfigeqqullugu Naalackersuisut qinnuigineqarput.

Akissut: Tunngaviusoq

Inuiaqatigiit aningaasaqarneranni misissueqqissaarnermut aallaaviusoq tassaavoq, UKA2015/18+167-imi mittarfiit ataatsimoortitat pillugit Inatsisartuni amerlanerussuteqarluarluni aalajangiineq. Tassa imaappoq, misissueqqissaarnermut ingerlanneqartunut tunngaviusut tassaangillat, mittarfiit ataatsimoortitat saniatigut aningaasaliinissamut periarfissanik assigiinngitsunik arlalinnik misissueqqissaarnissaq aammalu aningaasaliinissamut periarfissani assigiinngitsuni taakkunani maannakkut naliusut imminnut sanilliunneqarnissaat.

Naalackersuisut Aningaasaqarnermut Siunnersuisoqatigiit allakkiaat imatut paasivaat, pingaartumik inuiaqatigiit aningaasaqarneranni misissueqqissaarnermut tunngatillugu immikkoortut qimerloorneqartut marluk qaqqineqartut:

- Periarfissatut ilusiliat allat aamma Periarfissatut ilusiliaq tunngaviusoq aalajangiisuusunik assigiinngissuteqarpat?
- Aarlerinaataasunut tunngasortai naammattumik paasinarsisineqarpat

Matuma kinguliani misissueqqissaarnerit Naalackersuisut suliaritissimasaat tunngavigalugit apeqqutit marluk taakkua allaaserineqarput:

1) pillugu Periarfissatut ilusiliat allat aamma Periarfissatut ilusiliaq tunngaviusoq aalajangiisuusunik assigiinngissuteqarpat?

Immikkoortoq manna innersuussutigalugu Aningaasaqarnermut Siunnersuisoqatigiit allakkiaanni immikkoortoq qimerloorneqartoq Naalackersuisut imatut paasivaat, periarfissatut ilusiliani pineqartuni maannakkut naliusumik naatsorsuinerit assigiinngissutai apeqquserneqartut:

"Takorluukkanik assigiinngitsunik sanilliussinermi aamma eqqarsaatigineqassaaq, tunngaviusumik takorluukkami KAIR-imut aningaasaliissutit 2.1 mia. kr.-iusut sinnerlugit atugassanngortitsisoqarsimanngimmat. Taamaattumik tunngaviusumik takorluukkami 1 mia. kr.-it siunertanut allanut atorneqarsinnaanngortippai. Tunngaviusumik takorluukkamik tunuarsimaartumik naliliinermi, tassani 1 mia. kr.-it atorneqartussaannngitsut kisiisa eqqarsaatigalugit, maanna naliusut takorluukkami tassani nul-imut qaninnerussapput minus 1.085 mio. kr.-inut qaninnerunatik.", qupperneq 13, Allakkiaq 2018-1, Aningaasaqarnermut Siunnersuisoqatigiit 2018.

Siunnersuisoqatigiit tunngavilersuinerat taamaalilluni imatut paasineqarpoq, Periarfissatut ilusiliani tunngaviusumi aningaasat sipaarneqartut 1 mia. koruunit atorneqanngitsut (matuma kingorna taagorneqartut aningaasat atugassanngortinneqanngitsut). Aammattaaq paasineqarpoq aningaasat atugassanngortinneqanngitsut taakkua siunertanut allanut mittarfinnit allaanerusunut atorneqarsinnaasut, taamaattumillu taakkua

Periarfissatut ilusiliap tunngaviusup nalilersorneqarnerani ilaatinneqartariaqaraluartut, taamaalilluni taanna 1 mia. koruuninik pitsaanerulersinneqarluni.

Naalakkersuisut Siunnersuisoqatigiit inerniliinerat eqqortumik paasisimappassuk, taanna inuiaqatigiit aningaasaqarnerannut sunniutaasussanik nalilersuineq pillugu ilitsersuut malillugu pisussanit allaanerusumik aallaaveqarsimassaaq. Aningaasat atugassanngortinneqanngitsut matuma siuliani nassuiarneqartutut maannakkut naliusunik ilanngussivigineqarsinnaanngillat.

Taamaattoq taamaakkaluortoq aningaasat atugassanngortinneqanngitsut ilanngunneqarsimappata, periarfissatut ilusiliani tamaginni, aammalu Aningaasaqarnermut Siunnersuisoqatigiit siunnersuutigisaattut taamaallaat periarfissatut ilusiliani tunngaviusumiinnaanngitsaq, aningaasat atugassanngortinneqanngitsut sillimaffigineqarnissaat pingaaruteqarpoq. Tassunga ilanngutissaaq, periarfissatut ilusiliani tunngaviusumi aningaasat atugassanngortinneqanngitsut ilanngunneqassappata, aningaasat sipaarneqartut 1 mia. kr., taakkua tassaasussaannngillat ilanngunneqartussat. Taamaattoqassappat taakkua tassaassapput isertitat/iluaqutissartaasut aningaasat sipaarneqartut pilersitassai. Taamaattumik periarfissatut ilusiliani tunngaviusumi 1 mia. koruunit ilanngunneqarnissaat pillugu tunngavilersuutaasut malinneqarsinnaanngillat, tamannalu assersuummit matuminnga takussutissiivigineqarsinnaavoq:

Aningaasaliinerup aningaasartai annikitsut atugassanngortinneqanngitsut, suliassamut aningaasaliivigineqartussamut maannakkut naliusumik ilanngussivigineqarsinnaassappata, tamanna kukkulluinnartunik inerniliinernik malitseqartussaavoq. Assersuutigalugu naatsorsuutigigaanni suliassat aningaasaliiviusussat marluk 200 aamma 100 mio. koruuninik aningaasaliinissamut killissalernerneqartut ukiumut 4 procentimik kingumut ernialiinermi maannakkut naliusooq 25 aamma minus 25 mio. koruuniulluni. Aningaasaliinerup assigiinngissutaa 200 aamma 100 mio. koruuniusooq suliassami aningaasaliiviusussami annikinnerpaami maannakkut naliusooq minus 25 mio. koruuniutinneqarluni, tamanna 75 mio. koruuninik aningaasartaqarluni inerneqartussaavoq.

Kisianni suliassaq aningaasaliiviusussaq annikinnerpaaq imminut akilersinnaanngitsooq, maannakkut naliusooq amigartoorfiummat, ukiumut 4 procentimik appasinnerusumik pissarsiaqarfiusussaq, toqqarneqartussaassasooq, tamatuma soorunami malitsigisussaannngillaa.

Assersuut	Aningaasaliiffigisatit ingerlataq 1	Aningaasaliiffigisatut ingerlataq 2
Aningaasaliiffigisaaq, mio. kr.	100	200
Ullumi nalinga	-25 mio. kr	25 mio. kr.
Aningaasat piginnngisat	100 mio. kr	0 kr.
Kukkusumik inernera, ullumi nalinga + aningaasallu piginnngisat	75 mio.kr.	25 mio. kr.

Aamma Periarfissatut ilusiliani tunngaviusumi 1 mia. koruuninik "sipaagaqarnermi" inuiaqatigiinnut sipaarutaasussat, aningaasaliinerup malitsigisassai, annaaneqartussaapput, tamannalu aamma isiginiarneqartuni ilanngunneqartariaqaraluarluni. Ilusiliani matuma kingulianiittumi Inuiaqatigiit aningaasaqarneranni misissueqqissaarnermi periarfissatut ilusiliani aningaasaliinernut tamarmiusunut, sipaarutaasussanut aamma inuiaqatigiinnut ilanngaaseereermermi maannakkut naliusumut, takussutissiisoqarpoq.

Ullumikkut aningaasat nalli (mio. kr)	Aningaasaliitnerit	Ukiut 25-it sinnerluigit inuiaqatigiinnut sipaarutaasut	Ukiut 25-it sinnerluigit inuiaqatigiinnut ilanngaasee-reermi maannakkut naliusut	Inuiaqatigiinnut aningaasat malittaasut allaaviasaq. Minatta karsia sipaarutissat uluumut ingerlatsinermut atakkat allaaviasaq.	Sunniinert ineriartortuutussat arlaqarput amerfassut-leruminaatsut
Periarfissatut ilusiliaq allaaviasaq	-1.370	+ 285	= -1.085	0	○
Periarfissatut ilusiliaq alla 1	-2.365 ¹	+ 2.644	= 280	20	●
Periarfissatut ilusiliaq alla 2	-2.706 ¹	+ 2.464	= -241	5 ³	●

1) Nuummi, ilulissani aamma Qaortumi mittarfit aningaasalersorneqarannut ilaatillugu KAIR tassunga taarsigassarsissaaq. Taarsigassarsianit aningaasalersuneq KAIR-imi ingerlatsinermut taamaalillunilu Namminersorlutik Oqartussanut pissarsiaasunik agguassinermut sunniuteqarnerlutussaaq. Tamanna ukiut 25-it sinnerluigit inuiaqatigiinnut sipaarutissat annikillisinneqaranni naatsorsuinerit sunniissaaq.
2) Ukiuumut ingerlatsinermi angusat maannakkut MIT-imit 12,9 mio. kr. saniaqut. Kolonne-mi kisitsisit er fra 2026-miit siumut (patajaallisakkat annertussaaq).
3) Selvom værdien er positiv efter 2026 kingorna nalinga sinneqartoofugaluartoq, 2026 sioqullugu ukiuni amigartoorteqarpoq, taamaattumillu Periarfissatut alla 2-imi Nunap karsianut ingerlatsineq immiut ataqatigiingilaq.

● Periarfissaqarfiit tamakkisut ○ Periarfissaqarfeqanngilaq

Periarfissatut ilusiliaq alla 1-imi 1 mia. koruuninik aningaasaleeqqinneq taamaalilluni ukiut 25-it ingerlaneranni inuiaqatigiinnut 2,6 mia. kr. missaannik sipaaruteqartitsissaaq.

Tamatuma saniaqut Periarfissatut ilusiliaq alla 1-imi sunniinermut ineriartortuutussanut/malittaasunut periarfissaqarfiusut annertuut piviusunngortinneqarnissaannut periarfissaqarpoq, annertussusilerneqanngitsunik aammalu naatsorsuineri ilanngunneqanngitsunut. Ilanngullugu assartuussinermut periarfissat ajornannginnerusut akikinnerusullu siunissami inuussutissarsiornermut ineriartortitsinermut ineriartortuutussanik/malittaasunik annertuunik sunniuteqarsinnaapput, tamannalu aamma Aningaasaqarnermut Siunnersuisoqatigiit tikkuarpaat.

2) pillugu Aarlerinaataasunut tunngasortai naammattumik paasinarsisinneqarpat: Aningaasaqarnermut Siunnersuisoqatigiit allakkiaanni allassimavoq, mittarfissanut ataatsimoortitani aarlerinaataasut naammattumik paasinarsisinneqarsimanngitsut. Taamaattoq aarlerinaataasunut misissueqqissaarnerit suut Siunnersuisoqatigiit maqaasinaat, Siunnersuisoqatigiit oqaatiginngilaat.

Tassunga atatillugu oqaatigissallugu pingaaruteqarpoq, inuiaqatigiit aningaasaqarneranni misissueqqissaarnermi tunngavissanut qitiusunut malussarissutsimut naatsorsuinerit arlallit, ataatsimut katillugit aarlerinaataasunut misissueqqissaarnermut tunngaviusut, suliarineqarsimammata. Tamanna aammattaaq suliaasaqarfimmi ilitsersuutinut suleriaatsinullu atuuttunut naapertuuppoq.

Tassunga ilanngullugu oqaatigineqassaaq, Inuiaqatigiit aningaasaqarnerannut sunniutaasussanik nalilersuineri aarlerinaataasunik misissueqqissaarnermut ingerlanneqartumut ilanngullugu, Kalaallit Airports A/S-imi sanaartornermut aningaasartuutinut malussarissutsimut misissueqqissaarnerit annertunerusut suliarineqarsimammata. Tassani inerniliinerit Inuiaqatigiit aningaasaqarnerannut sunniutaasussanik nalilersuineri malussarissutsimut misissueqqissaarnerit inerniliinerit assigai.

Sanaartornermut aningaasartuutit qaffasinnerusut taakkua Inatsisissatut siunnersuummi aningaasaqarnikkut killissaliussat iluanniitineqarpata, periarfissatut ilusilianut allanut malussarissutsimut misissueqqissaarnerit nalunaarusiami inerniliinerit allanngortinnissaannut pissutissaqalersitsisimangillat. Taamaassimangippat, Nunap karsia Periarfissatut ilusiliaq alla 2-imi pisutut, aningaasassanik taakkuninnga allami nassaarniartariaqalissaaq imaluunniit suliassaq iluarsisariaqalissallugu.

Aarlerinaataasunik nalilersuinermi aammattaaq ilaavoq, siuariartortitsinertaani tunngavigisat atorpeqartut mianersortumik inissillugit aallaavigineqarnerat. Tamanna pingaartumik takornariat amerlinerannut atuuppoq.

Apequt 11: Inatsisissatut siunnersuut una malillugu qularnaveeqqusiinissamut, taarsigassarsinissamut taakkuninngalu ingerlatseqatigiiffinnut ingerlateqqillugit taarsigassarsiarititsinissamut, piginneqatigiissummik aningaasaliissuteqarnissamut imaluunniit aallarniutit akiliuteqarnissamut kiisalu taarsigassarsianut akisussaaffeqarfiusunut aningaasaliinissamut Naalakkersuisunik piginnaatitsinerit tamarmik Aningaasaqarnermut Akileraartarnermullu Ataatsimiititaliamik siumoortumik akuerineqartumik pisarnissaat ataatsimiititaliamit kissaatigineqarpoq. Tamanna aamma atuuppoq piginneqatigiissutit aningaasaliissutinik, taarsigassarsianik kiisalu qularnaveeqqusiissutinik qaffaanissamut imaluunniit aningaasaqarnikkut allatut annertuumik salliutitsinissamut Naalakkersuisut piginnaatinneqartillugit. Tamanna oqaaseqarfigeqqullugu Naalakkersuisut qinnuigineqarput.

Akissut: Naalakkersuisut inatsisissatut siunnersuuteqarnermini piginnaatitsissutit oqaasertaliussat Inatsisartunit akuerineqartut naapertorlugit Naalakkersuisunut piginnaatitsissutaareersut nalinginnaasumik attatiinnarniarsaat.

Taamaalilluni 2018-imut Aningaasanut inatsimmi kontumut pingaarnermut 10.13.11 Aktiaateqarluni ingerlatseqatigiiffinnut toqqaannartumik aningaasartuutit, oqaasertaliussami atuuttumi kiisalu inatsisissatut siunnersuummi matumani §§ 5-7-imi aalajangersakkani piginnaatitsisuni allassimavoq:

Naalakkersuisut piginnaatinneqarput:

- Kalaallit Airports A/S-imut avataanit attartorfiit uppernarsaammik allanngortinneqarsinnaanngitsumik tunissallugit, Namminersorlutik Oqartussat piginneqatigiissummik aningaasaliissuteqassasoq aamma taarsigassarsianut akisussaaffeqarfiusunut aningaasanngorlugu 2,1 mia. koruunit tikillugit aningaasaliilluni.
- Kalaallit Airports A/S-imi aktianut aningaasaatinik ataasiarlutik arlaleriarlutilluunniit qaffaanissamut.

Naalakkersuisut tamatuma saniatigut Inatsisartut Aningaasaqarnermut Akileraartarnermullu Ataatsimiititaliaanit akuerineqartumik, Kalaallit Airports A/S-imut avataaneersut taarsigassarsititsisut taarsigassarsiarititaannut qularnaveeqqusiinissamut, imaluunniit nunap karsiani taarsigassarsinissamut taakkualu Kalaallit Airports A/S-imut ingerlateqqillugit taarsigassarsiaritinnissaannut, piginnaatinneqarput.

Matuma siulianiittut taamaalillutik piginnaatitsissutini 2018-imut Aningaasanut inatsimmi akuerineqarneranni Inatsisartunit aalajangersarneqartuni piumasaqaatinut, taamatullu inatsisissatut siunnersuummi matumani aalajangersakkanut piginnaatitsiviusunut, naapertuupput.

Inatsisissatut siunnersuummi saqqummiunneqartumi Naalakkersuisut aalajangersakkat piginnaatitsiviusut, Inatsisartunit akuerineqartut, aallaavigalugit sulipput.

Inatsisissatut siunnersuut Aningaasaqarnermut Akileraartarnermullu Ataatsimiititaliamit kissaatigineqartunut naapertuuttunngortinneqassappat, aappassaanneerinissamut atatillugu tamatumunnga allannguutissatut siunnersuummik saqqummiussisoqartussaassaaq.

Kisianni aalajangersakkat piginnaatitsiviusut akuerineqareersut naammattut Naalakkersuisut isigaat, tassami qularnaveeqqusiinissaq qanoq pisoqaraluarpalluunniit taarsigassarsinissamut taamatut tunngavigineqartussaammat, Naalakkersuisut taamatullu Inatsisartut Aningaasaqarnermut Akileraartarnermullu Ataatsimiititaliaata qularnaveeqqusiinermut atatillugu taarsigassarsinissaq aammalu tamatumunnga atugassarititaasut akuersissuteqarfigisussaassallugit.

Apeqqut 12: Nunatta aningaasaqarnerata innarlinginnissaa pillugu aningaasalersueriaaseq matumani pineqartoq toqqarneqarsimava?

Akissut: Aap, aningaasalersuinermit ilusiliineq Missingersuusiornermut Naatsorsuutinullu inatsimmi § 6-ip oqaasertaa taamatullu anersaava eqqarsaatigalugit toqqarneqarpoq. Taamaalilluni suliassamut taarsigassarsinerup, taarsigassarsianut erniat aamma akilersuutit atuisut akiliutaannit, pisortat aningaasartuutaannit annikillisinneqartunit imaluunniit pisortat malittaasumik isertitaqarnerulernerannit matussuserneqarsinnaanerannit annertunerunnginnissaasa qulakkeerneqarnissaa pingaaruteqarsimavoq.

Aningaasalersuinermit ilusiliineq siunnersuutigineqartoq, tamatuma saniatigut ilaatigut aningaasartuutit sapinngisamik appasitsinnissaat qulakkeerniarlugu kiisalu ilaatigut Namminersorlutik Oqartussat attaveqarnerup pingaaruteqartup aalajangiusimaannarnissaanut aalajangiisinnaatitaanerat – qanittoq taamatullu ungasissoq isigalugu – qulakkeerniarlugu, toqqarneqarpoq.

Nammineq aningaasaatinut akiliutissani siunnersuutigineqartuni avataaniit aningaasalersuinissamut pisariaqartitsineq annikillisinneqarpoq, taamaalilluni tamatumunnga ernianut aningaasartuutit killilersimaarneqassallutik. Sanaartornermut aningaasartuutit ilai, nammineq aningaasaatinut akiliutit atorlugit aningaasalersorneqanngitsut, Namminersorlutik Oqartussanit qularnaveeqqusiissutitalimmik taarsigassarsineq aqqutigalugu aningaasalersorneqassasut naatsorsuutigineqarpoq. Qularnaveeqqusiinikkut taarsigassarsiat sapinngisamik aningaasaqarnikkut iluaqutissartaqarsinnaanissaat naatsorsuutigineqarpoq.

Naalakkersuisut aammattaq isumaqarput Namminersorlutik Oqartussat attaveqarnermut pingaaruteqartumut, mittarfiit taamaammata, aalajangiisinnaatitaanerat, attatiinnarneqartariaqartoq. Aningaasalersuinermit piginnittuunermullu aaqqissuussinerit allat isumaliutersuutiginerisigut, assersuutigalugu tamakkiisumik ilaannaasumilluunniit

namminersortut piginnittuutillugit, aalajangiisinnaatitaaneq taanna annikillisinneqartussaavoq. Taamaalilluni mittarfiit ammasarfii sullissinerullu annertussusaa ingerlatsinerup eqqarsaatigineqarnissaanut sanilliullugu nalilersorneqartussaalluni aaqqissuussineq takorloorneqarsinnaassaaq, tamatumalu nunatta soqutigisaannut ataqatigiissinnaassuseqarneranullu tamarmiusunut pinngitsoorani ajoqusiinnaassaaq.

Naggasiutigalugu oqaatigineqassaaq, Kalaallit Airports A/S-imi taarsigassarsineranut atatillugu qularnaveeqqusiinissaq immikkut Inatsisartut Aningaasaqarnermut Akileraartarnermullu Ataatsimiititaliaanit politikikkut suliarineqartussaammat aammalu akuersissuteqarfigineqartussaammat, takuuk Apeqqummut 11-mut akissuteqaat.

Apeqqut 13: Nunit allanit aningaasaliissutit nunanit tamalaanit mittarfissat aningaasalersornissaannut atorneqarusunnginnerannut suna pissutaava?

Akissut: Qanoq pisoqaraluarpalluunniit Nuummi aamma Ilulissani mittarfissanut suliassat inatsimmi nassuiarneqartut piviusunngortinniarlugit nunanit allanit aningaasaliinissaq pisariaqartinneqartussaavoq. Tassunga atatillugu aningaasaliisut aningaasalersuinerat, taarsigassarsianik aningaasalersuineq aamma nammineq aningaasalersuinerup akornanni immikkoortitsinissaq pingaaruteqarpoq. Aningaasalersuisut aningaasalersuineranni suliffeqarfimmi aktiaatit namminersortunut tunineqassapput, taamaalilluni taakkua piginneqataalissallutik. Taarsigassarsianik aningaasalersuinermit taarsigassarsiat aningaasalersuineranut tamakkiisumik ilaannaasumilluunniit atorneqassapput. Nammineq aningaasaatinik aningaasalersuinermit nammineq aningaasaatit tamakkiisumik ilaannaasumilluunniit aningaasalersuineranut atorneqassapput.

Inatsisissatut siunnersuummi naatsorsuutigineqarpoq Kalaallit Airports A/S-imi kisimiillutik piginnittuusut. Taamaalilluni aningaasaliisut aningaasalersuinerat atorneqanngilaq. Taamatuttaaq naatsorsuutigineqarpoq ingerlatseqatigiiffik Nuummi aamma Ilulissani mittarfiit sanaartornissaat piviusunngortinniarlugu taarsigassarsissasoq. Taamaattumik mittarfiliassat marluk taakkua piviusunngortinneqarnissaannut ilaatigut taarsigassarsianik aningaasalersuineq eqqarsaatigineqarpoq. Qaqortumi mittarfik nunap karsiani aningaasaliissutinit 100 %-imik aningaasalersorneqassaaq. Taamaalilluni nammineq aningaasaatinik aningaasalersuineq atorneqassaaq.

Naalackersuisut taamaalillutik Kalaallit Airports A/S-ip mittarfiliornissanut taarsigassarsianit aningaasalersuineranut iluseqartumik nunanit allanit aningaasalersuinermit atuinissaa itigartinniannngilaat. Paarlattuanik Naalackersuisut paasivaat Kalaallit Airports A/S mittarfissanut aningaasalersuinerup ilaatut nunanit tamalaanit taarsigassarsiniartarfiit misissorniarai. Tamanna pissutigalugu Kalaallit Airports A/S Den Danske Bank-imit aningaasalersuineranut siunnersortissatut isumaqatigiissuteqarpoq, aammalu aningaasalersuisussatut inassutigineqartut nunanit tamalaanit aningaasalersuisartuni nassaassaassasut ilimanaateqartorujussuartut isigineqartariaqarpoq.

Kisianni apeqqummut 12-imit akissuteqaammi nassuiarneqartut Naalackersuisut isumaqarluinnarput, aningaasalersuineq sapinngisamik aningaasartuutit appasitsinnissaannik malitseqartussamik, aammalu Namminersorlutik Oqartussat attaveqarnermut pingaaruteqartumut aalajangiisinnaatitaanerat attatiinnarneqartussanngorlugu, pisariaqartoq. Taamaalilluni sapinngisamik pituttuisussat

ikinnerpaatillugit, aammalu Namminersorlutik Oqartussat nuna tamakkerlugu angallannerup ilusaanik aaqqissuussinissamut atugassiinissamut periarfissaannik killiliinngitsumik, aningaasalersuisartunut isumaqatigiissuteqarsinnaanissaq aalajangiisuulluinnartumik pingaaruteqarpoq.

Apeqquut 14: 4-5-6 %-inik ernialinnik taarsigassarsinermit ernianut aningaasartuutit qanoq amerlatigissappat?

Ernialiusat taakku mittarfissanut qanoq kinguneqassappat?

Akissut: Ernianut annertussusiliussani assigiinngitsuni ernianut aningaasartuutissat naatsorsuutigineqartut aamma taarsigassarsianit pissarsiasatut naatsorsuutigineqartut 1,6 mia. koruunit takussutissiami matuma kingulianiittumi allassimapput

Ernianut annertussusiliussaq	1 %	2 %	3 %	4 %	5 %	6 %
Ukiuq siulleq ernianut aningaasartuutit	16	32	48	64	80	96
Ukiut 25-it ingerlaneranni ernianut aningaasartuutit	150	360	571	781	986	1202

Nassuiaat: Ukiut 25-it ingerlaneranni ernianut annertussusiliussani 4 % inorlugu annertussusilinni ernianut aningaasartuutit assigiimmik annertussuseqartitsilluni naatsorsorneqarput.

Taarsigassarsianut qularnaveeqqusiineq Naalakkersuisunit aamma Inatsisartut Aningaasaqarnermut Akileraartarnermullu Ataatsimiititaliaanit akuersissuteqarfigineqartussaavoq. Ernialiusatut pitsaanerpaatut anguneqarsinnaasumi aammalu atugassarititaasuni pitsaanerpaatut anguneqarsinnaasumi aningaasaqarnikkut sunniutaasussat taamaallutik immikkut politikkikkut suliarineqartussaassapput akuersissuteqarfigineqartussaassallutillu. Ilassutigalugu oqaatigineqarsinnaavoq, ernialiusat apeqquteqaammi taaneqartut, Kalaallit Airports-ip maannakkorpiaq nunap karsianit qularnaveeqqusiinertaqartumik angusinnaasaattut ilimagineqartariaqartunit, qaffasinnerummata.

Apeqquut 15: Qaqortumi mittarfik imminut akilersinnaasut naatsorsuutigineqanngilaq. Ukiumut tapiis-sutissat qanoq amerlatigisut pisariaqassappat?

ISERTUUSSASSAQ Akissut:

Apeqquut 16: Nunanit tamalaanit mittarfiit sananeqarnerat nunatta karsianut qanoq akeqassava?


Akissut ISERTUUSSASSAQ:

Apeqquut 17: Nunanit tamalaanit mittarfiliorerup inuiaqatigiit aningaasaqarnerannut kingunerisassai qanoq issappat?

Akissut: Kalaallit Airports A/S-ip akisussaaffiini mittarfissanut suliassat tamarmiusut Ilulissani, Nuummi aamma Qaqortumi mittarfissat pillugit inuiaqatigiit aningaasaqarnerannut sunniutissaannut nalilersuineq Ineqarnermut Attaveqatigiinnermullu Naalakkersuisoqarfiup ataani suliarineqarpoq. Inuiaqatigiit aningaasaqarneranni misissueqqissaarnermi periarfissatut ilusiliat assigiinngitsut pingasut aallaavigineqarput:

- *periarfissatut ilusiliaq tunngaviusoq* Kangerlussuarmi aamma Narsarsuarmi imarpik qulaallugu timmisartunut mittarfeqarluni, aammalu Ilulissani aamma Nuummi najukkani mittarfeqarluni, maannakkut ilusiliineq attatiinnarneqarpoq.
- *periarfissatut ilusiliaq alla 1* Ilulissani aamma Nuummi mittarfiit 2.200 meterimik imarpik qulaallugu timmisartunut mittarfinngorlugit allilerneqarlutik, aammalu Qaqortumi 1500 meterimik mittarfitalimmik nutaamik mittarfiliortoqarluni. Kangerlussuarmi aamma Narsarsuarmi mittarfiit qulimiguulinnut mittarfinngorlugit allanngortinneqarlutik.
- *periarfissatut ilusiliaq alla 2* Ilulissani aamma Nuummi mittarfiit 2.200 meterimik imarpik qulaallugu timmisartunut mittarfinngorlugit allilerneqarlutik, aammalu Qaqortumi 1500 meterimik mittarfitalimmik nutaamik mittarfiliortoqarluni. Kangerlussuarmi mittarfik 1.500 meteriutillugu nunap immikkoortuani mittarfinngorlugu allanngortinneqarluni. Narsarsuarmi mittarfik qulimiguulinnut mittarfinngorlugu allanngortinneqarluni.

Periarfissatut ilusiliani assigiinngitsuni taakkunani inuiaqatigiit aningaasaqarnerannut sunniutaasussat ilusiliani matumani paasinarsarneqarput.



Najoqqutarisaq: Aningaasaqarnermut Akileraartarnermullu Naalakkersuisoqarfik, Sweco, Rambøll, MIT, KAIR

Periarfissatut ilusiliaq inuiaqatigiit aningaasaqarnerannut iluaqutissartaqarnerpaasoq taamaalilluni tassaavoq Periarfissatut ilusiliaq alla 1, tassani sinneqartoorfiusumik maannakkut naliusoq 280 mio. koruuniulluni.

Apeqquut 18: Qaqortup mittarfissaa qanoq akilernerqartussatut eqqarsaatigineqarpa. Qaqortup mittarfia KAIR-ip naatsorsuutaanut ilaassava imaluunniit immikkoortisimaneqassava?

Akissut: Takuuk apeqquummut 1-imut aamma 2-imut akissuteqaat.

Siunnersuummi § 3, imm. 2-imi, kingusinnerusukkut tamanna naleqquttoq paasinarsissagaluarp, Qaqortumi mittarfiup aqqissuussaaniikkut piginnittoqarnikkullu inissisimatinnissaata naleqqussarneqarsinnaanissaanut periarfissamik ammaassisoqarpoq. Periarfissaq taanna Qaqortumi mittarfiup 100 %-imik nammineq aningaasalersorneqartussaananeranut, taamaalillunilu taassuma taarsigassarsianit aningaasalersuineri ilaatinneqartussaanninneranut, attuumassuteqartutut isigineqassaaq. Tamanna naleqquttoq naapertuuttorlu kingusinnerusukkut paasinarsissagaluarp, taamatut avissaartitsinerup kingunerisaanik Qaqortumi mittarfik Kalaallit Airports A/S-ip naatsorsuutaanniikkunnaartussaavoq.

Tamatuma saniatigut inatsisissatut siunnersuummi § 1 malillugu, Qaqortumi mittarfik ingerlatseqatigiiffimmut immikkoortortaqaarfiusumut avissaartinneqarluni, Kalaallit Airports A/S-ip iluani aqqissuusseqqittoqarsinnaavoq. Taamaattoqassappat mittarfik suli Kalaallit Airports A/S-ip naatsorsuutaanniinnassaaq. Tassunga tunngatillugu Namminersorlutik Oqartussat aamma ingerlatseqatigiiffimik piginnittuusussamik imaluunniit suleqatigineqartussamik 100 %-imik pigineqartumik pilersitsisinnaavoq, aammalu tassani Qaqortumi mittarfiup sanaartorneqarnera, aningaasalersorneqarnera ingerlanneqarneralu aqqissuussinnaallugu.

Qaqortumi mittarfiup qanoq Kalaallit Airports A/S-ip naatsorsuutaanniissanersoq, taassuma aqqissuussaaniikkut inissitsinneqarnera taamaalilluni aalajangiisuusussavaq. Kisiannili maannakkorpiaq Qaqortumi mittarfiup Kalaallit Airports A/S-imit avissaartinneqarnissaanut aalajangersimasunik pilersaaruteqanngilaq.

Periarfissat pineqartut Kalaallit Airports A/S-ip naatsorsuutaannut atassuteqarnerannut tunngatillugu akissuteqaat imatut takussutissiivigineqarsinnaavoq:

Aqqissuus-saaneq	Kalaallit Airports A/S	Ingerlatseqatigiiffik immikkoortortaqaarfiu-soq	Ingerlatseqatigiiffik suleqatigi-saq/piginnittuusussaq	Mittarfe-qarfiit	KAIR piginnittoq/Mittarfeqarfiit ingerlatsisoq
KAIR-ip naatsorsuu-tai	Aap	Aap	Naamik	Naamik	Aap
Inatsimmi tunngavis-saq	§ 3, imm. 1	§ 1, imm. 2	§ 1, imm. 2	§ 3, imm. 2	§ 14, imm. 2
Aalajangiisussaq	Inatsisissa-tut siunnersuut	Kalaallit Airports A/S	Namminersorlutik Oqartussat	Namminersorlutik Oqartussat	KAIR/Namminersorlutik Oqartussat/Mittarfeqarfiit

Apeqquut 19: Mittarfiit sananissaannut taarsigassarsiassat qanoq amerlatigissappat qanorlu taarsersuineq ingerlanneqassava?

Akissut: Naalakkersuisut akissuteqaammut Kalaallit Airports A/S-imit ilanngussassanik piniarput. Tulliuttut tamatuminnga tigulaagaapput. Aammattaaq tamatuminnga itisiliisunik akissuteqarnissamut ilanngussaq 1 innersuussutigineqarpoq.

Mittarfinni pingasuni taakkunani aningaasaliineq tamarmiusoq, C- taamatullu B-naatsorsukkat malillugit kr. 3,6 mia. koruunit missaannut missingersorneqarpoq.

Kalaallit Airports A/S-ip Ingerlatsinissamut aamma aningaasalersuinermit pilersaarutaani naatsorsuutigineqarpoq ataatsimut katillugu 1,5 mia. koruunit missaannut sivisuumik akilersugassamik taarsigassarsisoqassasoq.

Ukiut 20 – 30-it angullugit sivisuumik akilersuiffiusussat, aammalu piffissami sanaartorfiusumi, mittarfiit atorneqalereernerisa kingorna ukiut marluk pingasulluunniit ilassutigalugit, piffissanik akilersuiffiusussaangitsut, ingerlatseqatigiiffiup siunnerfigai.

Taarsigassarsiat ilusaannik aamma taarsigassarsianut atugassarititaasunik pitsaanerulersitsinissaq eqqarsaatigalugu, taarsigassarsiat assigiinngitsut 2 – 4 assigiinngitsunik akilersorneqarfissaat piffissalernerqartut aammalu assigiinngitsunik akilersuiffiusussat, ataqatigiissinneqarnissaat ilimanaateqarpoq.

Ungasissumut aningaasalersuinissap taassuma saniatigut naatsorsuutigineqarpoq, 450 mio. koruunit missaannik ukiuni marlunni piffissat akornanni aningaasalersuinissaq pisariaqartinneqassasoq, taakkua Namminersorlutik Oqartussat nammineq aningaasaatinut akiliutissanut kingullernut akiliisarnerat ilutigalugu utertillugit akilerneqartussanik.

Ilimasaarutaasut tiguneqareersut aallaavigalugit, Namminersorlutik Oqartussat taarsigassarsianut qularnaveeqqusiissappata, qanittumi akiligassanik piffissat akornanni aningaasalersuutissat pisariaqartut pissarsiarinissaat ajornakusuussanngitsoq ingerlatseqatigiiffiup naatsorsuutigaa.

Apeqquut 20: Isertitat aningaasartuutillu nikingassutaat akileraarutininik qaffaanikkut akilerneqassava?

Akissut: Inatsisissatut siunnersuutip nunamut akileraarutip qaffanneqarnissaanut pisariaqartitsinermik malitseqassasoq Naalakkersuisut naatsorsuutiginnilaat, takuuk missingersuutini aningaasaqarneq pillugu immikkoortoq matuma kingulianiittoq.

Kalaallit Airports A/S-imi mittarfiit matuma siuliani nassuiarneqartut, nammineq aningaasaatinut akiliuteqarneq aammalu taarsigassarsianik aningaasalersuineq ataqatigiissinneqarnerisigut, aningaasalersorneqassapput. Matuma siuliani nassuiarneqartut inuiaqatigiit aningaasaqarnerannut sunniutaasussanik nalilersuineq ingerlanneqareerpoq, tassani aammattaaq missingersuutini aningaasaqarnikkut nalilersuinermit itisiliisoqarluni. Tamatuma saniatigut Kalaallit Airports A/S ingerlatsinissamut aningaasalersuiner nullu pilersaarummik, ingerlatsinermit aningaasaqarnermut tunngasunik erseqqinnerusumik paasinarsitsisumik, suliaqartitsivoq.

Inuiaqatigiit aningaasaqarneranni suliassat misissorneqartut piviusunngortinneqarneranni sunniutaasussat tamarmiusut takuneqarsinnaapput. Tassa imaappoq, suliassat inuiaqatigiinnut tamarmiusunut aningaasaqarnikkut sunniutissai misissorneqarput. Assersuutitut taaneqarsinnaavoq, mittarfiit nutaat malitsigisaannik assartuussinermik suliaqarnermi sipaarutissanut aningaasaqarnikkut sunniutaasussat, ilaasunut billetsit akikinnerulerneranni aammalu timmisartumik angallassinermut ingerlatseqatigiiffinni isertitaqarnerulernermit takuneqarsinnaassapput.

Ataatsimut isigalugu inuiaqatigiinnut iluaqutaasussamik sipaaruteqarsinnaaneq, inuiaqatigiit aningaasaqarneranni aalajangiisuulluinnartumik pingaaruteqarpoq. Inuiaqatigiit aningaasaqarnerannut sunniutaasussanik nalilersuinermi paasinarsisinneqarpoq, Periarfissatut ilusiliaq alla 1-ip piviusunngortinneqarnerani sunniutaasussat pitsaasuusut. Kisianni periarfissatut ilusiliat sinnerisa sunniutissai pitsaasuunngillat, aammalu maannakkut ilusiliinerup attatiinnarneqarnerani angusat ajornerpaasussaapput.

Missingersuutini aningaasaqarnermi Nunap karsianut suliassat sunniinissaat takuneqarsinnaapput. Tassa imaappoq, mittarfiup nutaamik ilusiligaanera pisortat aningaasaataannut qanoq sunniissanersoq nalilersuisoqarpoq. Tassani pisortanut sipaarutaasussat taamatullu isertitassat aningaasartuutissallu misissueqqissaarneqarput. Misissueqqissaarnerup takutippaa, sipaarutaasussat soorlu isertitat taamatullu aningaasartuutit naatsorsuinermi ilaatinneqarneranni, Periarfissatut ilusiliaq alla 1-ip piviusunngortinneqarnerani pisortat aningaasaataannut ingerlatsinermi ataatsimut isigalugu sinneqartooruteqartussaasoq. Apeqqummut tunngatillugu tamanna isumaqarpoq, isertitat (sipaarutaasussat ilanngullugit) aningaasartuutinit qaffasinnerusut. Taamaalluni Periarfissatut ilusiliaq alla 1-ip piviusunngortinneqarnerani nunap karsiata aningaasartuutissai qaffasinnerusussaasut, tunngavigineqartuni malunnartoqanngilaq. Taamaattumik akileraarutitik qaffaasoqartariaqartussaannngilaq, aammalu Kalaallit Airports-imi aningaasaatinut akiliuteqarnerit annertunerpaatigut aningaasanit Siunissamut ungasinnerusumut aningaasaliinissanut aningaasaateqarfimmiittunit aammalu tassani katersorneqartunit aningaasalersorneqarsinnaassapput.

Oqaatigineqassaaq missingersuutini aningaasaqarnikkut misissueqqissaarnermi Kalaallit Airports A/S-imit pissarsiassanik akiliuteqarsinnaaneq naatsorsuinermi ilaatinneqanngimmat. Pissarsiassanik akiliuteqarnerit taamaattut, taakkua agguanneqarnerisigut pissappat, missingersuutini aningaasaqarnermi angusat nunap karsiani pitsaanerulersinneqartussaapput.

Matuma siuliani missingersuutini aningaasaqarnikkut isiginninnerit saniatigut Namminersorlutik Oqartussat suliassanut toqqarneqartunut taakkununngalu akiliutaat kiisalu taakkununnga aningaasalersuisussat, tassunga ilaapput. Inatsisissatut siunnersuummi matumani taamatullu kontumut pingaarnermut 10.13.11 Aktiaateqarluni ingerlatseqatigiiffinnut toqqaannartumik aningaasartuutit, oqaasertaliussaq nr. 1-imi nassuiarneqartutut, ilaatigut Missingersuusiornermut inatsit malillugu isertitat immikkut ittut arlallit Kalaallit Airports A/S-imi akiliutigineqartussaapput. Pissarsiatut, tunniussinertut assigisaattullu immikkut ittutut isigineqarput isertitat aningaasanut inatsimmi isertitanut aningaasaliissutinik qaangiisut.

Missingersuusiornermut aamma Naatsorsuutitut inatsimmut naapertuuttumik immikkut ittumik isertitanik taamaattunik atuisinnaanissamut, suliassat aningaasaqarnermut politikkikkut attassisinnaanerup pitsanngortinneqarnissaanut iluaqusiissanersut, erseqqinnerusumik nalilersorneqartussaavoq. Tassalu ungasinnerusoq isigalugu toqqiissimanartumik isumannaatsuutitsinissaq, sapinngisamik annertunerpaamik pissarsiqaarnissaq anguneqassanersut aammalu sapinngisamik pitsaanerpaanik inuiaqatigiit aningaasaqarnerannut sunniuteqassanersut, nalilersorneqarlutik.

Inuiaqatigiit aningaasaqarnerannut sunniutaasussanik nalilersuineq tunngavigalugu naliliisoqarpoq Nuummi, Ilulissani aamma Qaqortumi mittarfissat ataasiakkaat tamarmik immikkut aammalu ataatsimoorlutik, aningaasaqarnermut politikkikkut attassinissamut iluaqutaasussaasut.

Kisiannili Kangerlussuarmi aningaasaleeqqinnerit taamaaqataanik aningaasaqarnermut politikikkut attassinerup pitsanngortinneqarnissaanut iluaqutaasussaangillat. Taamaattumik periarfissatut ilusiliamik toqqaaneq apeqqutaalluni aningaasaleeqqinnerit taamaattut siunissamut ungasinnerusumut aningaasaliinissanut aningaasaateqarfimmit aningaasalersorneqarsinnaasussaangillat. Taakkua taamaattoqassappat aningaasanut inatsisini nalinginnaasumik aningaasaliissutit atorlugit aningasalersorneqartussaassapput. Aningaasassanik taamaattunik 2018-imut Aningaasanut inatsimmi immikkoortitsisoqanngilaq, taamaalillunilu taamaattoqassappat pingaarnersuisoqartussaassaaq, isertitassanik nutaanik nassaarniartoqartussaassaaq, mittarfinni aningaasaleeqqinnissamut annertuunik aningaasaliisoqarluni.

Ingerlatsinermi aningaasaqarnermi Kalaallit Airports A/S-imi aningaasanik ingerlaartitsineq takuneqarsinnaavoq. Tamanna isumaqarpoq, ingerlatseqatigiiffiup ataatsimut katillugit isertitanut tunngavissai, aningaasartuutissanut mittarfinnik sanaartornermut ingerlatsinermullu tunngassuteqartunut, sanilliullugit misissoqjissaarneqartut. Taamatuttaaq tassani taarsigassarsiat erniaannut aningaasartuutit taamatullu nalikilliliinerit aammalu siunissami mittarfinni aningaasaleeqqinnerit naatsorsuinermi ilaatinneqarput. Tassani Kalaallit Airports A/S-imi erniortitsineq tamarmiusoq nalilersorneqarpoq – tassalu amigartooruteqarnersoq imaluunniit sinneqartooruteqarnersoq. Amigartooruteqarneq naggataatigut piginnittunit, tassalu Namminersorlutik Oqartussanit, matussuserneqartussaassaaq. Sinneqartoorutit assersuutigalugu pissarsiassanik akiliuteqarnertut ilusilerlugit, tunniunneqartussaassapput. Kalaallit Airports A/S-ip ingerlatsinissamut aningaasalersuinerimullu pilersaarutaata takutippaa, tunngavigisat pilersaarummi allassimasut atuutsillugit sinneqartooruteqartoqartussaasoq, Namminersorlutik Oqartussanut tunniunneqarsinnaasunik.

Matuma siuliani nassuiarneqartutut sunniutaasussanik nalilersuinerup takutippaa periarfissatut ilusiliaq alla 1 ataatsimut isigalugu inuiaqatigiit aningaasaqarnerannut, missingersuutini aningaasaqarnermut aamma ingerlatsinermut aningaasaqarnermut neriulluarnarnerpaajusoq. Taamaalilluni akileraarutininik qaffaanikkut amigartoorutininik matussusiinissamut pisariaqalartussaasoq naatsorsuutigineqanngilaq.

Periarfissatut ilusiliaq alla 2 aammalu pingaartumik periarfissatut ilusiliaq tunngaviusoq inuiaqatigiit aningaasaqarnerannut imaluunniit missingersuutini aningaasaqarnermut neriulluarnaateqanngillat. Taamaattumik allatut periarfissat taakkua piviusunngortinneqarneranni, allatut iliorluni amigartoorutininik matussusiinissaq aammalu aningaasaleeqqinnissaq pisariaqartinneqalartussaavoq.

Apeqqut 21: Namminersorlutik Oqartussat suliffeqarfiutaasa sinneqartoorutaat aqqutigalugit KAIRS-ip aningaasalersorneqarnissaa suliffeqarfiit pineqartut ineriartornissamut periarfissaannut qanoq sunniuteqassava?

Akissut: Apeqqummut matumunnga akissuteqaammut atugassamik Naalakkersuisut Siulittaasuata Naalakkersuisoqarfiani Ingerlatseqatigiiffinnut Allattoqarfimmit akissutinut ilassutissanik piniartoqarpoq.

Suliffeqarfiit Namminersorlutik Oqartussanit pigineqartut pillugit apeqqutinut tunngatillugu, akissuteqaammi naatsorsuutigineqarpoq taakkua aktiaatileqatigiiffinnut Namminersorlutik Oqartussanit pigineqartunut tunngassuteqartuusut.

Tamanna ukiorpassuit ingerlaneranni politikkiusimavoq, taamatullu aktiaatileqatigiiffimmi aqutsineq, aktiaatileqatigiiffimmi siulersuisut aamma pisortaatitat ingerlatseqatigiiffimmi ataasiakkaami ulluinnarni ingerlatsinermut tamakkiisumik aqutsinnaatitaasut pillugit ingerlatseqatigiiffinnut inatsimmi aalajangersakkat malillugit pisussaalluni. Suliffiup iluani susassaqaarfittut, kiisalu aqutsisuusut akisussaafeqarfigisaattut aalajangiisinnaatitaaffigisaattullu isigineqartunut "pisortanut attuumassuteqanngitsumik tunngaviusoq" tunngaviulluinnartoq taanna Naalackersuisut attatiinnarniarpaat. Ingerlatseqatigiiffinnut inatsit innersuussutigalugu aqutsisuusut suliassaannut akisussaaffiinullu tunngatillugu § 115 imm. 5, siulersuisut suliassaasa (taamatuttaa pisortaatitanut § 118 imm. 2) ataanni makkua erseqqissarneqarsinnaapput:

"Ingerlatseqatigiiffinni aningaasaliiffiusuni siulersuisoqartuni pingaarnertigut periusissatigullu aqutsinerup aamma ingerlatseqatigiiffiup aningaasaliiffiusup sulineranik illersorneqarsinnaasumik aaqqissuunnerata qulakkeernerata saniatigut nakkutigissavaa ... ingerlatseqatigiiffiup aningaasaliiffiusup aningaasaatitigut upalungaarsimanera qaqugukkulluunniit illersorneqarsinnaalluni, tassunga ilanngullugu aningaasaatitigut ingerlatseqatigiiffiup maannakkut siunissamilu pisussaaffii naammassiniarlugit, taakku akiligassanngortarnera naapertorlugit, naammattunik akissaqarluni, aamma siulersuisut taamaalillutik aningaasaqarnikkut inissisimaneq qaqugukkulluunniit nalilersorsinnaallugu aamma aningaasaatitigut upalungaarsimaneq atuuttup illersorsinnaanera qulakkeerlugu."

Ingerlatseqatigiiffiit sinneqartoorutaat atorlugit KAIR-ip aningaasalersorneqarnissaanut tunngatillugu apeqqutinut erseqqissarneqassaaq, mittarfissanut suliassat aningaasalersorneqarsinnaanerat, ingerlatseqatigiiffiit Namminersorlutik Oqartussanit pigineqartut ataatsimut katillugu sinneqartoorutaat atorlugit pisussaannngitsoq, kisiannili pissarsiassat pineqartut, tassani aningaasaatinik tunniussineq taamaattoq ingerlatseqatigiiffimmi aqutsisuut isumaqatigippassuk akuerippassullu tamanna pissalluni. Ingerlatseqatigiiffinnut inatsimmi kapitali 11 aningaasaatinik tunniussineq, § 179 imm. 2-ip ataani aningaasaatinik tunniussinermut makkua allassimapput:

"...ingerlatseqatigiiffiup, aamma ingerlatseqatigiiffinni piginnittuni suliffeqarfissuup aningaasatigut inissisimanera sillimaffigalugu illersorneqarsinnaasumik sippuinngitsumik tunniussisoqarnissaanut ingerlatseqatigiiffiup qitiusumik aqutsisui akisussaapput, aamma ingerlatseqatigiiffimmut imaluunniit taassuma akiligassaqaarfiinut ajoqusiinngitsumik, § 115, nr. 5, aamma § 116, nr. 5 tak. Qitiusumik aqutsisut aamma akisussaafigivaat tunniusereernerup kingorna ingerlatseqatigiiffiup aningaasaataanut aamma inatsisit imaluunniit malittarisassat naapertorlugit pituttorneqarsimasunut sillimmatinut matussutissaqarnissaa."

Pissarsiassanik tunniussineq aqqutigalugu aningaasaatinik tunniussineq taamaattoq ataatsimeersuarnermit, taamaalillunilu ingerlatseqatigiiffiup piginnittuinit, akuerineqartussaassaaq. Ingerlatseqatigiiffinnut inatsimmi § 180, Pissarsiassanik nalinginnaasunik tunniussineq, kiisalu § 182, Pissarsiassanik immikkut ittunik tunniussineq, makkua itisilerneqarput:

“...iluanaarutitik tunniussinermit, ukiumoortumik naatsorsuutit kingorna aningaasat pissarsiffiusinnaasut agguarnissaat pillugu ataatsimeersuartut aalajangiissapput. Ingerlatseqatigiiffiup qitiusumik aqutsisuinit siunnersuutigineqartunit imaluunniit akuerineqartunit qaffasinnerusunik iluanaarutitik tunniussisoqarnissaanik ataatsimeersuartut aalajangiisinnaanngillat.”

Pissarsiassanik tunniussinerit pillugit aalajangiineq aammalu tamatuma ingerlatseqatigiiffimmi ingerlatsinermit qanoq sunniisinaaneranut isummernissaq, aqutsisuusut akisussaaffeqarfiini aalajangiisinnaatitaaffiinu ilaasut erseqqissarneqarnissaa, ingerlatseqatigiiffinnut inatsimmut matuma siuliani innersuussinerni kissaatigineqarpoq. Taamaattumik pissarsiassanik akiliuteqarnerit aamma ingerlatseqatigiiffiit ataasiakkaat akigititaasa ilusaasa imminnut ataqatigiinnerannik nalilersuineq, pisuni ataasiakkaani pisussaavoq aammalu ingerlatseqatigiiffimmi aqutsisuusunit nalilersorneqartussaalluni.

Assersuutigalugu RG-p sinneqartoorutai aqutigalugit aningaasalersuineq aalisakkanut tunisinermi akinut pitsaanngitsumik sunniuteqassava?

Akissut: Apeqqummut tassunga akissuteqaatit, matuma siuliani akissuteqaat innersuussutigineqarpoq.

Taamatutaaq TELE A/S-ip sinneqartoorutai aqutigalugit aningaasalersuineq pisisartut atuinermut aningaasartuutaannut pitsaanngitsumik sunniuteqassava?

Akissut: Apeqqummut matumunnga akissuteqaatit, akissuteqaat matuma siulianiittoq innersuussutigineqarpoq.

Apeqqut 22: Nunatta karsiata qulanaveeqqusiinera aqutigalugu KAIRS-imut annertuallaamik akuliunneq nunatta sinnerani ineriartornermut killiliisinnaava?

Akissut: Inatsisissatut siunnersuummi qulanaveeqqusiinnaaneq Kalaallit Airports A/S-imi annertuallaamik akuutitsilissasoq, Naalakkersuisut isumaqanngillat. Qulanaveeqqusiinnaanerup aaqjissuunneqarnera, qulanaveeqqusiinerup tamakkiisumik ilaannaasumilluunniit tunniunneqarnissaanut aarlerinaataasut sapinngisamik annertunerpaamik killilersimaarneqartussanngorlugit pisussaavoq.

Qulanaveeqqusiinerup nunatsinni ineriartortitsinermit killiliisunngornissaa Naalakkersuisut soorunami soqutigisarinngilaat. Kalaallit Airports A/S-imut qulanaveeqqusiinerup ilusaa, taarsigassarsianut Namminersorlutik Oqartussat aammalu ingerlatseqatigiiffiit Namminersorlutik Oqartussanit pigineqartut allat siunissami taarsigassarsisarnissaannut atugassarititaasunik ajornerulersitsisussatut naliliiffigineqanngilaq.

Tamanna pissutigalugu Naalakkersuisut allanngortitsinngitsunik tunngaveqartumik sunniutaasussanik nalilersuinerit aaqjissuuppaat. Naalakkersuisut assersuutigalugu inuiaqatigiit aningaasaqarneranni misissueqqissaarnerni taakkunani ilaasunut

tunngavissat ullumikkut piusut, annikitsumik amerlilaartillugit, aallaavigineqarnissaat kissaatigisimavaat. Taamaaqataanik sunniinerit malittaasussat/ineriartortuartussat, soorlu assersuutigalugu takornariat amerlineranni isertitat, naatsorsuinermi ilanngunneqanngillat.

Naalackersuisut mittarfissanut suliassat aningaasalersorneqarnissaat nalilersorpaat, aammalu takuuk Apeqqummut 16-imut akissuteqaat, isumaqarlutik mittarfiliassanut suliassat naleqqunnerpaamik aningaasalersorneqarnissaat, nammineq aningaasaatinut akiliuteqarneq aamma taarsigassarsineq ataqatigiissillugit pissasoq, aammalu taarsigassarsinissaq Ilulissani aamma Nuummi aningaasaliinernut niuernikkut ingerlatsinermik tunngavilersuuteqartumik killilerneqassalluni. Taamaaliordermi taarsigassarsinissamut qularnaveeqqusiinissamullu oqimaatigiissitsinissaq anguneqassaaq.

Taamaalillutik Naalackersuisut isumaqarput Kalaallit Airports A/S-imi aammalu qularnaveeqqusiinissami pilersaarutiginartumi akuliunneq, paarlattuanik missingersuutini aamma inuiaqatigiinni aningaasaqarnikkut sunniuteqartitsissasoq, nunatsinni ungasissumut ineriartortitsinissamut iluaqutaasinnaasumik.

Apeqqut 23: KAIRS 2029-imit sinneqartoortalerumaartoq naatsorsuutigineqarpoq. 2029 tikillugu amigartoorutit kiap matussusissavai amigartoorutillu qanoq matussuserneqassappat?

Amigartoorutit atuisunit, takornarianit matuneqassappat imaluunniit sumit matussuserneqarnissaat naatsorsuutigineqarpa?

Akissut: Kalaallit Airports A/S apeqqummut matumunnga akissuteqaammut ilassuteqarpoq.

Suliffeqarfiit imaluunniit ingerlataq nutaaq, sinneqartoortutit pilersitsilernissaq sioqqullugu ukialuit ingerlaqqaartussaasarnera takornartaanngilaq. Tamanna Kalaallit Airports A/S-ip Ingerlatsinissamut Aningaasalersuinerimullu pilersaarutaani ilaatinneqarpoq.

Qaqortumi mittarfissamut tunngatillugu apeqqummut 15-imut akissuteqaat innersuussutigineqarpoq.

Nuummi aamma Ilulissani mittarfissanut tunngatillugu, atuilereernerup kingorna ukiuni marlunni siullerni ingerlatsinikkut annikitsumik amigartooruteqartoqassasoq naatsorsuutigineqarpoq. Tamatuma kingorna mittarfiit ataatsimut isigalugu naatsorsuutitigut aamma akiliinnaassuseqarnikkut sinneqartoorteqarfiulissapput.

Ukiuni marlunni siullerni taakkunani naatsorsuutitigut amigartooruteqarnerit taakkua, tamatuma kingorna ukiuni naatsorsuusiorfiusuni ingerlatseqatigiiffiup sinneqartoorteqarneranit iserteqqinneqassasut naatsorsuutigineqarpoq. Ingerlatseqatigiiffiup isertitai pingarnerit tassaasussaapput ilaasunut aamma timmisartunut akitsuutit (ataatsimut katillugit mittarfimmut akitsuutit), mittarfimmut akitsuutit iluseqartillugit timmisartuutileqatigiiffinnit aammalu ilaasunit akilerneqartussat. Tassunga ilanngutissapput sinneqartoortutit allat soorlu pingaartumik akitsuuteqanngitsunut pisiniarfiit pilersitassaat.

Akitsuuteqanngitsunut pisiniarfinnut tunngatillugu, taakkua isertitassaat taamaallaat Kalaallit Airports A/S-ip Ingerlatsinissamut Aningaasalersuinerimullu pilersaarutaani ilanngunneqarput, mianersortorujussuarmik missiliuisoqarluni. Ilaatigut Reykjavik-imi

aamma Savalimmiuni mittarfimmi pisiniarfinit taamaaqataannit misilittakkat tunngavigalugit Kalaallit Airports A/S naliliivoq, akitsuuteqanngitsunut pisiniarfiit Ingerlatsinissamut Aningaasalersuinissamullu pilersaarummi ilanngunneqartunit annertunerujussuarmik aningaasartaqarlutik ingerlatsinermut iluaqutaasinnaasut.

Apeqqut 24: Kangerlussuaq matuneqassagaluarpat aningaasaqarnermut innuttaasunullu kingunerisassai tamarmiusut pillugit nalunaarusiortoqarsimava?

Sunniutaasussat taakkua pillugit nalunaarusiamik immikkut suliaqartoqanngilaq. Nunaqarfimmut Kangerlussuarmut sunniutaasinnaasut pillugit pissutsit attuumassuteqartut inuiaqatigiit aningaasaqarnerannut sunniutaasussanik nalilersuineri, alloriarneq 2-mi ilaatinneqarput.

Taamaattoq aallarniutigalugu erseqqissarneqassaaq, Kangerlussuarmi nunaqarfik imaluunniit mittarfik matuneqassasoq inatsisissatut siunnersuummi saqqummiunneqartumi naatsorsuutigineqanngimmat. Naalakkersuisut isumaqarput Kangerlussuarmi mittarfik aningaasaqarnikkut akisussaassuseqarnissaq aallaavigalugu ilaasunut tunngavissanut, Imarpik qulaallugu timmisartunut mittarfiit nutaat Ilulissani aamma Nuummi ammarpata, Kangerlussuarmiittussanut, naleqqussarneqassasut. Periarfissatut ilusiliaq alla 1-ip aamma periarfissatut ilusiliaq alla 2-ip assigiinngissutigaa, Kangerlussuarmi mittarfimmi ingerlatsinermut aningaasaleeqinnissamullu aningaasartuutissat.

Ilaasunik missiliuinerit takutippaat Kangerlussuarmut mittarfinnut nutaanut ilaasut tunngaviusussat amerlasoorpassuit nuutsinneqartussaasut nuutinneqartussaasut. Kangerlussuarmi ilaasut tunngaviusussat sinneruttut qulimiguulimmik sullinneqarsinnaassapput, takuuk periarfissatut ilusiliaq alla 1. Imaluunniit Kangerlussuaq assersuutigalugu Dash 8 Q200-imik imaluunniit timmisartumik taamaaqataanik sullissivigineqarsinnaassaaq, takuuk periarfissatut ilusiliaq alla 2.

Kangerlussuaq nunaqarfiuinnassaaq. Kisianni soorunami siunissami nunanit tamalaanit angallaviit Ilulissanut aamma Nuummumut toqqaannartumik ingerlasussaanagerat, taamaallillunilu Kangerlussuarmi Mittarfimmi ingerlatat annertussusaasa annertuumik annikillisinneqarnerat nunaqarfimmi innuttaasunut, inuussutissarsiortunut aamma kommunimut annertooujussuarmik pingaaruteqartussaavoq.

Ilaatigut tamatuma kingunerissavaa, sulisut amerlasuut mittarfimmi aamma timmisartuutiqatigiiffimmi il.il. sullissinermut atatinneqartut mittarfinnut nutaanut nuuttussaanagerat, taakkunani piginnaasaqarfiit aamma sulisut ullumikkut Kangerlussuarmiittut amerlanerpaartaat pisariaqartinneqalertussaammat. Taamaattumik ilimagineqartariaqarpoq, Kangerlussuarmi najugaqartut ilai illoqarfinnut nunanit tamalaanit mittarfilinnut nuunnissaq toqqassagaat.

Tassunga atatillugu paasissutissiissutigineqarsinnaavoq Mittarfeqarfiit maannangaaq Kangerlussuarmi sulisussarsiniartarnermi aammalu ilinniarsimasunik sulisoqaannarnissami anigorniagassaqaareemata. Taamaattumik atorfiit ataasiakkaat mittarfinnit allaneersunik sulisoqarlutik uteqattaartartunik aaqqissuussinerit atorlugit inuttaqartinneqarput.

Inatsisissatut siunnersuut manna aammalu aningaasaqarnikkut sunniutaasussanik nalilersuinerit tunuliaqutaasut, Kangerlussuaq pillugu politikikkut aalajangersimasumik aalajangiinissamut innersuussinngillat. Inatsisissatut siunnersuut taamaallaat Nuummi,

Ilulissani aamma Nuummi mittarfinnik sanaartornissamut taamaallaat tunngassuteqarpoq, misissueqqissaarnerni tunuliaqutaasuni nunatsinni mittarfinnik ilusiliinerup sinnera pillugu malittaasumik aalajangiinissamut atugassatut naatsorsuinernut ilusilianik arlalinnik neqerooruteqartoqarluni.

Apeqqut 25: KAIRS-ip sanaartugassai taarsigassarsarisassaalu taarsigassarsiaareersullu katikkaanni nunatsinni BNP-p 41 %-ianik akiliisussanngussaagut.

Akissut: Apeqqummut matumunnga akissuteqaammut atugassamik Aningaasaqarnermut Naalakkersuisoqarfimmit ilassutissanik piniartoqarpoq.

Aallarniutugalugu oqaatigineqassaaq, mittarfinnanut taarsigassarsineq aallaaviatigut Kalaallit Airports A/S-imi pisussaammat. Tassunga atatillugu erseqqissassallugu pingaaruteqarpoq, taarsigassarsiat aamma suliassaq Kalaallit Airports A/S-ip aningaasaqarnermut siunnersortaanit taamatullu taarsigassarsititsisuiunit akiliisinnaassuseqarnissamut, businesscase-nut il.il. piumasaqaatit nalinginnaasut aallaavigalugit sukumiisumik aningaasaqarnikkut nalilersorneqartussaammata. Tassunga atatillugu taarsigassarsinissaq ingerlatseqatigiiffiup atuisut akiliutaat atorlugit taarsigassarsiarineqartunut erniat akilersuutillu akilersinnaanissaannut piginnaaneqarnera nalilersorneqartussaavoq. Namminersorlutik Oqartussani aamma ingerlatseqatigiiffinni Namminersorlutik Oqartussanit pigineqartuni taarsigassarsinerni allani pisartutorluinnaq.

Aningaasaqarnermut Akileraartarnermullu Ataatsimiititaliamit apeqqummi eqqaaneqarpoq, KAIR-imi suliassat tamatumalu malitsigisaanik taarsigassarsineq taarsigassarsianut pioreersunut aammalu akiitsut ineriartornissaannut naatsorsuutigineqartunut ataqatigiissikkaanni, Kalaallit Nunaat BNP-imut sanilliullugu 41 %-imik akiitsoqalertussaasoq.

Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnerannut aningaasalersorneqarnissaannullu sinaakkutissatut piumasaqaatit pillugit Inatsisartut inatsisaat nr. xx, xx. xxx 2018-imeersumut siunnersuummi, nassuiaatini nalinginnaasuni qupperneq 15-imi, makkua allassimanerat innersuussutugalugu tamanna pisoq Naalakkersuisut ilimagaat:

"... Nunap karsiata aamma aktiaatileqatigiiffiit Namminersorlutik Oqartussanit pigineqartut akiitsunut qularnaveeqquusiinernullu pisussaaffii tamarmiusut 2017-imi 4,1 mia.kr.-init 2022-imi 6 mia.kr.-inut qaffassasut naatsorsuutigineqarpoq, tamannalu BNP-ip 41 %-iata missaannik annertussuseqarpoq, tamanna nunanut tamalaanut tunngatillugu appasilluni."

Naatsorsuinermi nassuiaatinut nalinginnaasunut atugassatut atorneqartumi ilanngaasiinnginnermi akiitsut aamma qularnaveeqquusiinissamut pisussaaffiit 2018-imi akigititani akiusunut ingerlaavartunut uuttorlugu, BNP-imut 2016-imut Naatsorsueqqissaartarfimmit naatsorsorneqartumut uuttorlugu, atorneqarpoq, taannalu naatsorsorneqarsimasuni ukioq kingulliuvoq. Piffissami 2017-22-imi annertusisinaanera sillimaffigineqanngilaq. Kisiannili tamanna BNP-imut tunngatillugu akiitsunik naatsorsuinermut naleqqunnerpaajunngilaq.


BNP-imut tunngatillugu akiitsut procentiannut naatsorsuutigineqartumut naatsorsuineq naleqqunnerpaaq tassaavoq, ilanngaaseereermermi akiitsorisassatut erniaqartussatut naatsorsuutigineqartut, taakkua annerpaamiilernerat naatsorsuutigineqarluni (2022-imi ilimanarluni) aammalu 2022-imi BNP-ip annertussusissaatut naatsorsuutigineqartumut sanilliullugu, aallaavigineqarnissaa.

BNP-imut tunngatillugu ilanngaseereerluni akiitsorisassatut naatsorsuutigineqartup naatsorsorneqarnera, nunap karsiani aningaasaqarnikkut sunniinissap nalilersorneqarnissaanut sakkussatut pingaartumik naleqquttuussaaq. Kisiannili BNP-imut tunngatillugu ilanngaasiinnginnermi akiitsorisassatut naatsorsuutigineqartup naatsorsorneqarnera, nunani tamalaani sanilliussinernut tunngatillugu naleqqunnerussalluni. Tamatuma itisilerneqarneranut assersuutigalugu innersuussutigineqarsinnaavoq "Naalagaaffimmi taarsigassarsineq aamma akiitsut 2017", quppernerit 2-3.

Tamatuma naleqqunnerusoq, aammalu taamatut pisoqarnerani BNP-imut tunngatillugu akiitsoqarneq appasinnerusoq takutissavaa aammalu allatigut Naalakkersuisunit aningaasaqarnikkut nassuiaasiani pisussani akiitsut ineriartornerannut naatsorsuinermi atorneqassasoq naatsorsuutigineqarsinnaalluni.

Tamanna imatut takussutissinneqarsinnaavoq:

- Nunap karsiani, kommunini aamma aktiaatileqatigiiffinni Namminersorlutik Oqartussanit pigineqartuni ilanngaaseereermermi akiitsut erniallit 2022-imi 3,6 mia. kr. missaanniissasut maannakkorpiaq naliliisoqarpoq, ilanngaasiinnginnermi akiitsut erniallit 6 mia. kr. missaanniissasut naatsorsuutigineqarluni. Tassani BNP-imut tunngatillugu akiitsut procentiat annertuumik annikinneruvoq.
- Inatsisissatut siunnersuummi BNP-imut tunngatillugu akiitsut procentiannik naatsorsuinermi, tamanna BNP i 2016-imi BNP-mut, Naatsorsueqqissaartarfik malillugu 15,5 mia. kr. missaanniittumut, sanilliullugu uuttoqarpoq. Taamaalilluni piffissami 2016-22-imi BNP-ip annertusinissaanut naatsorsuutigineqartut sillimaffigineqangillat. Piffissami annertusisimappat, tamannami oqaluttuarisaanermi paasissutissat aammalu Naalakkersuisut aningaasaqarnikkut attassisinnaanermut ilusiliaanni naatsorsuutigineqartut aallaavigalugit naatsorsuutigineqartariaqarmat, BNP-imut tunngatillugu akiitsut procentiat nassuiaatini nalinginnaasuni naatsorsorneqartunit taamaalilluni appasinnerussaaq.
- Ilusiliami matuma kingulianiittumi piffissamut 2022 tikillugu BNP-imut tunngatillugu ilanngaaseereermermi akiitsorisassat erniallit naatsorsuutigineqartut, inatsisissatut siunnersuummi naatsorsuutigineqartutut mittarfiliassanut suliassani taarsigassarsinissamik naatsorsuutigisaqarneq ilanngullugu, takutinneqarput. Soorunami erseqqissarneqassaaq, tunngavigisat BNP-imi ineriartornermut tunngavigineqartut aammalu ilanngaaseereermermi akiitsut erniallit annertussusaat, nalorninartortaqaarmata, pingaartumik siunissaq ungasinnerusoq isigineqartillugu.
- Ataatsimut isigalugu pisortani akiitsoqarneq annikitsuinnaavoq, tassami 2022-imi BNP-p 15 %-ia sinnilaaginnarlugu annertussuseqalissasoq naatsorsuutigineqarmat.



BNP-imut nassuiaat

2016 tikillugu BNP-imi kisitsisit Naatsorsueqqissaartarfimmit oqaluttuarisaanermi kisitsisaapput, 2017-2018-imut tunngasut Nationalbanken-imit BNP-imut missiliugaapput, BNP 2019-imiit 2022-imut Aningaasaqarnermut Naalakkersuisoqarfiup attassisinnaanermut ilusiliaanit pissarsiarineqarlutik, tassani ilaatigut ilimagineqarluni ukiumut aningaasat naleerukkiartornerat 1,75 %-iusoq aammalu ukiumut tunisassiorsinnaanerup annertusiartornera 1,25 %-iusoq.

Takussutissiaq 1.

Ilangaasiinnginner mi akiitsut erniaqartut	2015	2016	2017	2018	2019	2020	2021	2022
Ingerlatseqatigiiffiit	3.841	3.758	3.659	3.242	3.618	4.070	4.700	5.176
Kommunit	166	166	147	175	144	129	63	66
Namminersorlutik Oqartussat	574	521	468	615	562	709	656	643
Katillugit	4.580	4.445	4.274	4.032	4.323	4.908	5.419	5.885
Ilangaaseereerner mi akiitsut erniaqartut								
Ingerlatseqatigiiffiit	2.586	2.506	2.698	2.510	3.450	3.859	4.540	5.015
Kommunit	-117	-202	-168	-322	-327	-293	-420	-257
Namminersorlutik Oqartussat	-719	-837	-1.347	-1.080	-1.057	-1.053	-1.050	-1.050
Katillugit	1.750	1.467	1.183	1.108	2.067	2.513	3.070	3.708

Apeqqu 25-1: Mittarfiit naatsorsuutiginnisamik assersuutigalugu 2 mia. kr.-inik akisunerulissagaluarpata nunatsinnit nammanneqarsinnaassava imaluunniit tamanna pisortat, namminersortut allallu taarsigassarsisinnaanerannut killiliissava?

Akissut: Inuiaqatigiit aningaasaqarnerannut sunniutaasussanik nalilersuinerni malussarissutsimut misissueqqissaarnerit arlallit suliareqarput, taakkunani missingersuutini sippuinerit sunniutissaat isummerfigineqarlutik.

Tassunga atatillugu oqaatigineqassaaq Kalaallit Airports A/S-ip ingerlatsinissamut aningaasalersuinerimullu pilersaarutaani sanaartornermut suliassani aningaasartuutissanut naatsorsuutigineqariingitsunut sillimatissat naatsorsuinerimi ilanngunneqareermata.

Aningaasaqarnikkut tunngavigineqartut 2018-imut Aningaasanut inatsimmi kontumut pingaarnermut 10.13.11-imut oqaasertaliussami aamma inatsisissatut siunnersuummi matumani nassuiarneqartut naammassineqarsinnaanngippata, Namminersorlutik Oqartussat aalajangersimasumik nalilersuineq aallaavigalugu, suliassaq tamarmiusoq imaluunniit suliassap ilaa naleqqussartussaassavaat imaluunniit suliap ingerlanera taamaatilluinnartussaassallugu.

Taarsigassarsianik annertusititsisoqassappat, qanoq pisoqaraluarpalluunniit Missingersuusiornermut naatsorsuutinullu inatsimmi § 6 ataqqineqartussaassaaq, takukkit apeqqummut 12-imut akissuteqaatini tamanna pillugu allassimasut.

Apeqqut 25-2: Taamaassappat tamanna suliffeqarfiit namminersortut suliffeqarfiillu Namminersorlutik Oqartussanit pigineqartut ineriartorsinnaanerannut qanoq sunniuteqassava?

Akissut: Apeqqummut 25-1-imut akissuteqaat takuuk.

Apeqqut 28: Siunnersortitut atorineqartut nalunaarusiaminni assigiinngitsunik oqariartuuteqarput.

Taakku soorunami imminnut aallaavigalutik imminnullu pitsaanerususaaq pitsaanerususaaq tunngavigalugu nalunaarusiorput. Kiisalu Aningaasaqarnermut Siunnersuisoqatigiit oqaatigaat nalunaarutit amigaaqartut.

Taamaattumillu apererusunnarpoq kisitsisit saqqummersut assigiinngitsut mittarfiliornissat akisunerujussuannorsinnaanerannik kinguneqarsinnaanersut? Tamanna Naalackersuisunit eqqunnginnerarneqarsinnaava eqqornerarluniluunniit eqqornerarneqarlunilluunniit?

Akissut: Aallarniutigalugu siunnersuisussanik toqqaaneq, mittarfissanut suliassat akisunerujussuannorsinnaanerannik imminermi malitseqartussaasoq, Naalackersuisut ilumuunnginnerarsinnaavaat, aammalu misissueqqissaarnerit qanoq inerneqarnissaannut siunnersuisartut qanoq iluanaaruteqassanersoq paasisinnaanngilara.

Sanaartornermut aningaasassanut inaarutaasussanut Kalaallit Airports A/S-ip suliariumannittussarsiuussinerup inerniliussai, apeqqutaasussaapput. Misissueqqissaarnernut suliareqartunut sanaartornermut missingersuutit Kalaallit Airports A/S-imit taassumalu siunnersortaannit tiguneqartut, aallaavigineqarput.

Inuiaqatigiit aningaasaqarneranni misissueqqissaarnerit aalajangiinissamut tunngavissanut tamarmiusunut, Inatsisartut maannakkut isummerfigisinnaasaannut, ilassutaapput pingaaruteqartut. Siunnersuisussanik allanik toqqaanermi annikitsumik nikingasumik inerneqarsinnaasimagaluarnera Naalackersuisut akerlilersinnaanngilaat, taamatullu allatut periaaseqarnermik atuinerimi allanik

angusaqartoqarsinnaasimagaluarnera qularnaatsumik akerlilernerqarsinnaanani. Kisiannili siunnersuisartunik allanik aammattaarlu periaatsinik allanik toqqaaneq taamatut nikingasumik naatsorsuinerit inerneqarnerannik malitseqarsinnaasimagaluartoq, inuiaqatigiit aningaasaqarnerannut sunniutaasussanik nalilersuineri inerniliussat tamarmiusut allarluinnaallutik allartuinnaallutik, ilimanaateqanngilluinnartutut isigineqarpoq.

Siunnersuisartunik toqqaaneq apeqqutaatinnagu, naatsorsuinerit suliarineqartut paasissutissanut tunngavigisanullu najoqqutassat, mittarfissanut suliassanik suliaqarnerup ingerlanerani pissarsiarineqartut, tunngavigalugit ingerlanneqarnissaat pingaaruteqarsimasoq erseqqissassallugu, ilaatigut Naalackersuisut pingaartissimavaat.

Ilaatigut naatsorsuineri tunngavissatut atorineqartut allanngortitsinani missiliuinermik tunngaveqarnissaat pingaaruteqarsimavoq, tassani siuariarnermut tunngavigisat ilimanaateqanngitsut piviusorsuunngitsullu naatsorsuineri ilanngullugit, naatsorsuinerit inernerit piviusorsuunngitsumik neriulluarnartuunerat uparuarneqarsinnaassanani.

Kiisalu takuuk apeqqummut 30-imut akissuteqaat, inuiaqatigiit aningaasaqarnerannut sunniutaasussanik nalilersuineri ilitsersuutini tunngaviusut pingarnerit malinneqarnissaat, aalajangiisuulluinnartumik pingaaruteqarsimavoq.

Siunnersuisartunik toqqaaneri aalajangersimasuni, nunani tamalaani piginnaasaqartunik akuerisaasunik qulakkeerinissaq, taamatullu Kalaallit Nunaanni timmisartumik angallannermut aamma attaveqarnermut naleqquttunik paasisimasalinnik piginnaasaqartunik qulakkeerinissaq, aalajangiisuusimavoq. Naalackersuisut siunnersuisartut pineqartut innersuussiviinut taamaallaat innersuussisinnaapput aammalu piginnaasaqarnerisa naleqqunnerisa imaluunniit suliassanut pineqartunut tunngatillugu naammannerisa qularinissaanut pissutissaqaratik.

Aningaasaqarnermut Siunnersuisooqatigiinnit isornartorsuinerimut taaneqartunut tunngatillugu, apeqqummut 10-imut akissuteqaat innersuussutigineqarpoq.

Apeqqut 29: Inuiaqatigiinnut kingunerusinnaasut tamarmik misissorneqarsimappat?

Akissut: Naamik. Suliassami inuiaqatigiinnut sunniutaasinnaasut ilimagisinnaasallu tamarmik misissorneqarsinnaanngillat. Tamatigut apeqqutiniq peqartassaaq inuit imaluunniit eqimattat erseqqinnerusumik misissorneqartussatut kissaatigisaannik. Aalajangiisuusoq tassaavoq, apeqqutit pingaaruteqartut tamarmik paasinarsisinneqarsimanerat aammalu Inatsisartut pineqartunut tunngatillugu aalajangiinissamat periarfissaqarnissaannut, sunniutaasussanik nalilersuineri ingerlanneqartuni peqqissaartumik tamakkiisumillu tunngavissaqalersitsisoqarsimanera.

Inuiaqatigiit aningaasaqarnerannut sunniutaasussanik nalilersuinerit taakkua Aningaasaqarnermut Naalackersuisoqarfiup *"Inuiaqatigiit aningaasaqarnerannut sunniutaasussanik nalilersuineri suliaqarnermi ilitsersuutaani"* tunngaviusut pingarnerit naapertorlugit suliarineqarput. Taassuma imarisai Danmarkimi Finansministeriet-mit ilitsersuummut taamaaqataanut naapertuupput.

Naggasiutigalugu maluginiaqquneqarpoq, suliariumannittussarsiuussinerup inenera ilisimaneqalerpat, taarsigassarsianut qularnaveeqqusiinissaq Naalakkersuisunit aamma Inatsisartut Aningaasaqarnermut Akileraartarnermullu Ataatsimiititaliamit akuersissuteqarfigineqartussaavoq. Tamanna aalajangersimasumik isumaqarpoq, aningaasassanut killissaliussanut immikkoortinneqartunut tunngatillugu tunngavigisat eqquutissanngippata, Inatsisartut nutaamik suliassanut isummertussaassammata.

Apeqqut 30: Rambøllip nalunaarusiaani, naatsorsuinermit tunngaviusumi, tunngavissaatinneqarpoq Kangerlussuup taarserneqarnissaa/matunissaa, taamaalillunilu DKK 1 mia. sinnerlugit sipaaruteqarnissaq. Taanna naatsorsuinermit ilanngunneqarpa?

Akissut: Aallarniutigalugu apeqqummut nr. 24-imut akissuteqaammi immikkoortut siullit marluk innersuusutigineqassapput.

Inuiaqatigiit aningaasaqarnerannut sunniutaasussanik nalilersuinermit, 2018-imi suliareneqartumut aallaaviusoq, aammalu inatsisissatut siunnersuummut matumunnga tunngavigineqartoq, ilusiliami matumani takussutissiivigineqarpoq:



Kangerlussuaq pillugu naatsorsuinermit tunngavigisanut tunngatillugu misissueqqissaarneq "Kangerlussuarmi Mittarfiup siunissaa pillugu periarfissatut ilusiliat tallimat", Rambøll 2018, ilaatinneqarpoq. Misissueqqissaarnermi tassani, Ilulissani aamma Nuummi imarpik qulaallugu timmisartunut mittarfiit nutaat atorneqalernerani ilaasut tunngavissat allangornerisa malitsigisaanik, Kangerlussuarmi aningaasaleeqqinnissamut pisariaqartitsineq aamma ingerlatsinermi tunngavigisat erseqqinnerusumik misissoqqissaarneqarnerat suliareneqarpoq. Misissueqqissaarnermi periarfissatut ilusiliat arlallit aammalu tamatuma aningaasaqarnikkut sunniutissai nassuiarneqarput. Taakkua inuiaqatigiit aningaasaqarneranni nalilersuinerit ilaatinneqarput, periarfissatut ilusiliami tunngaviusumi Kangerlussuarmi 747 mio. koruuninik aningaasaleeqqinnissamut pisariaqartitsisoqarnera ilaatinneqarluni, periarfissatut ilusiliaq alla 1-imi aamma 2-imi 75 aamma 475 mio. koruunit ilaatinneqarlutik.

Periarfissatut ilusiliap tunngaviusup aamma periarfissatut ilusiliap alla 1-ip assigiinngissutaat annertunerpaaq tassaavoq, periarfissatut ilusiliami tunngaviusumi katillugit 747 mio. koruuninik aningaasaleeqqittoqartussaana. Aningaasaleeqqinnerit taakkua periarfissatut ilusiliaq alla 1-ip inuiaqatigiit aningaasaqarneranni periarfissatut ilusiliamit tunngaviusumit iluaqutissartaqarnerunanut pissutaapput. Kangerlussuarmi aningaasaleeqqittoqassapat, tamanna ullumikkut inissisimanermut saniliullugu angallannermut akiusunik akikinnerulersitsinissamut iluaqutaasussaangilaq.

Apeqqummut 24-imut akissuteqaat aammattaaq innersuussutigineqarpoq.

Apeqqut 31: Nuummi Ilulissanilu mittarfiit 1199 meterinut tallineri, Qaqortumi Tasiilamilu 1199 meterimik asfaltimik mittarfiliorneq kiisalu Ittoqqortoormiuni ujaraaqqanik 1499 meterimik mittarfiliorneq (illoqarfimmuut aqqusinniornani) qanoq akeqassapat?

Akissut: Ittoqqortoormiini aamma Tasiilami mittarfiit inatsisissatut siunnersuummi matumani pineqartunut ilaatinneqanngillat. Maannakkorpiaq Tasiilami aamma Ittoqqortoormiini mittarfinnut aalajangiinissamut tunngavissanik tamakkiisunik suliaqartoqanngilaq. Kingusinnerusukkut aalajangiinissamut tunngavissat taamaalillunilu mittarfiit taakkua pingaarnersiuffigineqarnissaat pillugu isummernissamut tunngavissiaq, saqummiunneqassapat.

Qaqortumi, Ilulissani aamma Nuummi 1.199 meterimik mittarfittaqtunut, mittarfinnut tunngatillugu apeqqummut 53-imut akissuteqaat innersuussutigineqarpoq.

Aammattaaq apeqqummut 35-36-imut akissuteqaatit takukkit.

Apeqqutit aningaasaqarnermut tunngasut allat:

Apeqqut 32: Nunanit tamalaanit mittarfinnut ingerlatseqatigiiffissaq iluanaarutininik qanoq amerlatigisunik tunniussisalissava, tamannalu nunatta karsianut qanoq sunniuteqassava?

ISERTUUSSASSAQ Akissut:

Apeqqut 34: Nunanit tamalaanit mittarfiit nunatta karsianut qanoq amerlatigisunik annaasaqataassapat?

Akissut: Apeqqummi "annaasat" paasineqarpoq tassaasut mittarfissanut suliassani maannakkut naliusoq amigartoorfiussapat. Inuiaqatigiit aningaasaqarnerannut sunniutaasussanik nalilersuinermi allassimavoq, periarfissatut ilusiliaq alla 1 inuiaqatigiit aningaasaqarneranni imminut akilersinnaasoq, periarfissatut ilusiliaq tunngaviusoq taamatullu periarfissatut ilusiliaq alla 2 ataatsimut katillugu amigartooruteqartitsisussaallutik.

Taamaalilluni periarfissatut ilusiliaq alla 1-imi annaasaqarnissaq takussutissaqanngilaq. Paarlattuanik periarfissatut ilusiliaq alla 1 ataatsimut katillugu sinneqartooruteqarfiusumik inernejartitsisussaavoq. Tassunga ilanngutissaaq periarfissatut ilusiliaq alla 1-imi aamma 2-imi assersuutigalugu takornariartitsisarnermik aamma inuussutissarsiornermik ineriartortitsinertut ittumik ineriartortuartsanik/malittaasunik sunniuteqassasoq naatsorsuutigineqarmat, neriulluarnartumik iluaqutaasussamik.

Aamma takuuk apeqqummut nr. 16-imut akissuteqaat.

Apeqqut 35: 1199 meterinik pingasunik mittarfiliorneq qanoq akeqassava, taakkulu malitsigisaanik 1599 meterinut aamma 2200 meterinut tallinerat qanoq akeqassava?

Akissut: Naalackersuisut apeqqut imatut paasivaat, mittarfiit takissusissaat assigiinngitsut pillugit maannamut politikikkut oqallinnermut naapertuuttumik 1.499 malitsigitillugulu 2.200 meterinut tallilerinermi, tallilerinissamut periarfissat taakkunungaluk akigititassat apeqqutigineqartut.

Periarfissatut mittarfiit immikkoortukkaartumik annertusarneqarlutik ilusilianik naatsorsuinernik sukumiisunik soqanngilaq.

Mittarfiit ataasiakkaat immikkoortukkaartumik annertusarneqarneranni, mittarfiit ataasiakkaat ataatsikkut ataatsimoortumik annertusarneqarnissaannut sanilliullugu sanaartornermut aningaasartuutit tamarmiusut akisunerulernissaat, nalinginnaasumik natsorsuutigineqartariaqarpoq. Qanoq pisoqaraluarpalluunniit suliaqarnerit marluk imaluunniit pingasut atornissaannit, ataasiinnarmik suliaqarnermi sanaartornermik suliassamik ingerlatsinissaq soorunami akikinnerusussaavoq.

Maannakkut inissisimaffinni "pisariitsumik" mittarfimmik tallilerinermut aammalu "siunissamut qularnaagaasumik" mittarfimmik tallilerinermut, kingusinnerusukkut tallilerinissaq siunertaralugu aaqqissuunneqartumut, akigititater annertuumik assigiinngissuteqarsinnanerat, tunngaviummik tamatuma saniatigut eqqumaffiginissaa pingaaruteqarpoq.

Tassunga atatillugu Ilulissani aamma Nuummi maannakkut mittarfiusut assersuutigalugu 1.199 imaluunniit 1.499 meterinut pisariitsumik tallilerneqarneranni aningaasartuutissat, kingusinnerusukkut assersuutigalugu 1799 imaluunniit 2200 meterinut tallilerneqarneranni sanaartornermut aningaasartuutit annikinnerunerannik takuneqarsinnaassanersoq, sukumiisorujussuarmik isumaliutersuutigineqartariaqarpoq.

Tamatumunnga pissutaavoq mittarfinnut marlunnut tamaginnut tunngatillugu Kalaallit Airports-ip maannakkut inissisimaffinnut tunngatillugu mittarfissanik nutaanik nikisitsinissamik toqqaasimaneranut, pingaaruteqarluartut tunngaviummata. Taamaalilluni maannakkut 1.199 meterimik mittarfiliornissaq kissaatigineqarpat, aammalu taassuma kingusinnerusukkut 2.200 meterimut tallineqarsinnaanissaat qulakkeerneqarluni, maannakkut inissisimaffinni taakkunani mittarfiit tallineqarnissaannut taarsiullugu, maannangaq inissisimaffissani siunissamut isumannaakkani taakkunani, kingusinnerusukkut 2.200 meterinut tallineqarsinnaaffissaanni, mittarfinnik nutaanik sanaartornermi aningaasaqarnikkut sunniutaasussat isummerfigineqartariaqarput.

Kisianni tamanna mittarfinnut 1.199 meterinut annertunerujussuarmik sanaartornermut aningaasartuuteqarnermik malitseqassasoq ilimanarpoq, tassami taamaalilluni maannakkut piusunik tallilerisoqartussaassanngimmat.

Apeqqutip matuma akissuteqarfiginissaanut Kalaallit Airports A/S-imit ilanngussassanik piniartoqarpoq. Ilanngussaq 1 aamma 2 innersuussutigineqarput.

Apeqquut 36: 1199 meterinik, 1599 meterinik aamma 1799 meterinik Tasiilami mittarfiliorneq qanoq akeqassava?

Akissut: Tasiilami mittarfik inatsisissatut siunnersuummi matumani pineqartunut ilaangilaq. Maannakkorpiaq Tasiilami mittarfimmut tamakkiisunik aalajangiinissamut tunngavissaqalersitsisoqanngilaq. Kingusinnerusukkut aalajangiinissamut tunngavissat, taamaalillunilu mittarfinnut taakkununnga pingaarnersiuiinissaq pillugu isummernissamut tunngavissiaq, saqqummiunneqassaaq.

Apeqquut 37: Kangerlussuarmi mittarfik Qeqqata Kommunianit figuneqassappat kommunimut tapiissutitut aningaasaliissuteqarnermik nassataqassava?

Akissut: Kangerlussuarmi Mittarfiup kommunimut tunniunneqarnissaa imaluunniit tunineqarnissaa imaluunniit taakkua arlaannut aktiaatileqatigiiffimmik tamakkiisumik ilaannaasumilluunniit pigineqartumik pilersitsisoqarnissaa pillugu Qeqqata Kommuniata siunnersuutaa Naalakkersuisut ilisimavaat. Maannakkorpiaq apeqquut taanna isummerfigineqanngilaq, ilanngullugit taamatut tunniussinermit imaluunniit tunisinermit taamaattumik atugassarititaasut suut tunngavigalugit tamanna pisinnaanersoq pissanersorlu.

Piginnittumut tunngasut apeqqutaatinnagit Kangerlussuarmi Mittarfik aamma aningaasaleeqqinnermut ingerlatsinernullu aningaasartuutit mittarfiit ilusiligaanerannut inuiaqatigiit aningaasaqarneranni inerniliussani naatsorsuinermit ilaatinneqarput. (tamanna pillugu annertunerusut apeqqummut 20-imut akissuteqaammi takukkit).

Tamatuma kingunerisaanik, inuiaqatigiit aningaasaqarnerannut sunniutaasussanik nalilersuineq aammalu mittarfik ingerlatseqatigiiffimmut akiliutigineqarnissaa imaluunniit kommunimut tunniunneqarnissaa pillugit periarfissatut ilusiliani inerniliussat, aallaaviatigut sunnerneqassanngillat. Taamaattoq aningasaleeqqinnissamik pisariaqartitsineq annikillisinneqarpat imaluunniit mittarfimmi ingerlatsinermit aningaasaqarneq pitsaanerulersinneqarpat, inernerit pitsaanerulersinneqarsinnaassapput.

Tassunga ilanngutissapput, tunniussinerup Namminersorlutik Oqartussanut aamma kommunimut missingersuutitigut sunniutigisussaasai aammalu kommunip annaasaqaatigisinnaasai, aammalu aningaasanut inatsimmi aamma kommunip missingersuutaanni ilanngunneqanngitsut. Taamaattoq tassani tikkuarneqassaaq, tapiissutinik pisariaqartitsisinnaanerup nalilersornissaa tunngavissaqarsorineqanngimmat.

Kiisalu tassani paasisutissiisutigineqassaaq, Kangerlussuarmi Mittarfik imarpik qulaallugu timmisartunut mittarfittut aalajangiusimaannarneqassappat, Kalaallit Airports A/S-ip pitsaasunik taarsigassarsinissamut tunngavissarititaasunik angusaqarnissamut periarfissai, suut tamaasa nalilersoraanni, annikillisinneqartussaammata. Mittarfiit unammillersinnaasut Kalaallit Airports A/S-ip niuernermit ingerlatsinermit tunngavissaannik ajornerulersitsissanersut, aningaasalersuisuusinnaasut nalilersussagaat ilimagineqarpoq.

Ilaasut ingerlaarnerannik misissueqqissaarnerit ingerlanneqartut Kangerlussuarmi imarpik qulaallugu timmisartunut mittarfiup attatiinnarnissaanut tunngavissiiinngimmata, Kangerlussuarmi Mittarfiup ingerlanneqarnerata naleqqussarneqarnissaa akisussaassusilimmik isumaliutersuutigineqartariaqarpoq. Tamatumunnga, takuuk apeqqummut 24-imut akissuteqaat, immikkut politikkikkut isummernissaq apeqqutaassaaq.

Apeqquut 38: Tamanna Air Greenlandimut qanoq kinguneqassava? Aningaasaqarnikkut?

Akissut: Kangerlussuarmi mittarfiup kommunimut imaluunniit ingerlatseqatigiiffimmut kommunimit pigineqartumut tunniunneqarnera, aallaaviatigut Air Greenland-imut sunniuteqartussaangilaq. Kisianni atugassarititaasut kommunip mittarfimmik ingerlatsinermi malitassai aamma malissinnaasai apeqqutaassapput. Mittarfimmut piginnittoq apeqqutaatinnagu, qanoq annertutigisumik aammalu tamanna pissappat angalavinni suni mittarfiup timmisartuussivigineqartarnera attatiinnarneqassanersoq, timmisartumik angallassisartup nammineq aalajangertussaavaa.

Apeqquut 39: Ilaasussat Nuuk aqqusaarlugu avannaanukartussat 40.000-it missaannik amerlassuseqartussatut tagginneqarpap? Imaluunniit qassit pineqarpap? Taakku toqqaannartumik Ilulissanukarpata Nuummi mittarfimmi isertitassanut tamanna qanoq kinguneqassava?

Akissut: Apeqqutip matuma akissuteqarfiginissaanut atugassamik Kalaallit Airports A/S-imit kiisalu Rambøll-imit ilanngussassanik piniartoqarpoq.

Apeqquut ima paasineqarpoq, imarpik qulaallugu ilaasut, tassalu Danmarkimut aamma Islandimut taakkunanngaaniillu angalasut, Nuuk aqquqigalugu Avannaanut aamma Avannaanit ingerlasussat qassiunersut apeqquutigineqartoq.

Ilaasut angalasut Avannaanukartussat amerlassusaat 2017-imi katillugit 45.311-inik amerlassuseqarput. Taakkunannga 41 %-it nunap iluani angalasuupput, 40 %-it Københavnimi imarpik qulaallugu angalasuupput aammalu 7 %-it Islandimit imarpik qulaallugu angalasuullutik. Tassunga ilanngutissaaq Aasiannut, Qaarsunut aamma Upernavimmut kiisalu angalavinnut allanut mittarfimmit annerusumit minnerusumut angallanneq 12 %-iusoq.



Ilaasut Nuummut aqqusaassanersut imaluunniit toqqaannartumik Avannaanut ingerlaqqinnissamat Ilulissanut timmisartuunneqassanersut, aningaasaqarnikkut pingaaruteqanngilaq.

Kalaallit Airports A/S-ip Ingerlatsinissamut & Aningaasalersuinissamut pilersaarutaani nalinginnaasumik ilaasut aallartussat amerlassusaat aallaavigineqarpoq. Ilaasunut aqqusaartunut (akunnillutik mittut) Ingerlatsinissamut & Aningaasalersuinissamut pilersaarummi mittarfimmut akitsuummik immikkut naatsorsuisoqanngilaq. Taamaattumik Avannaanut ilaasut Ilulissanut toqqaannartumik timmisartussappata, Nuummi mittarfimmut mittarfimmut akitsuutini tamanna sunniinerluttussaannngilaq.

Tamatuma saniatigut mittarfiit marluusut Kalaallit Airports A/S-imit pigineqartussaapput ingerlanneqartussaallutillu, taamaalilluni angallannermi isertitat Nuummi imaluunniit Ilulissani pissarsiarineqarnerat apeqqutaatinnagu ingerlatseqatigiiffimmi ataatsimi ilaatinneqartussaallutik.

Apeqqu 40:

Brexit raajat akii eqqarsaatigalugit nunatta aningaasaqarneranut qanoq kinguneqassava?

Akissut: Apeqqu inatsisissatut siunnersuummut matumunnga killissaliussat avataanniippoq, aammalu matumani erseqqinnerusumik akissuteqarfigineqarsinnaanani. Aammattaaq qulequttat assigiinngitsut arlallit pillugit § 37 naapertorlugu apeqqummut 2018-121-imut akissuteqaat innersuussutigineqarpoq.

Taamaattoq matumani oqaatigineqarsinnaavoq, inatsisissatut siunnersuummi siunnersuutigineqartutut mittarfiit ilusaasa allangortinneqarnissaanut tunngavisoq pingaaruteqartoq tassaamat, takornariartitsisarnermik inuussutissarsiornerup inuussutissarsiutit pingaaruteqartut inissitsinnissaanut killissaliussat pitsaanerulersinneqarnissaat, taamaalillunilu nunatsinni aningaasaqarnerup aalisakkanik avammut nioqquteqarnerup naleqarneranut kiisalu aalisarnermik inuussutissarsiornermi suliffissaqartitsinermit malussarissusaasa annikillisinneqarnissaa.

Apeqqu 41: Kangerlussuup ammatinneqarnissaanut danskit naalagaaffiata nunatsinnut ukiumoortumik ataatsimoortumik tapiissutigisartagai katillugit 64,4 mio. kr.-inik 1992-imit amerlineqassasut 1991-imi isumaqatigiissutigineqarpoq.

Isumaqatigiissutip atuutilerneranit aningaasat qanoq amerlatigisut nunatta pissarsiarai?

Kangerlussuup aningaasaqarnikkut nunatsinnit 2018-imi qanoq amerlatigisunik iluanaarfiua?

Akissut: Ataatsimoortumik tapiissutit pillugit isumaqatigiissut il.il. pillugu

Kangerlussuup 1991-imi tunniunneqarneranut atatillugu ilaatigut Kangerlussuarmi Mittarfiup inuiaqatigiinni timmisartumik angallannertut ingerlanneqartussanngorlugu Kalaallit Nunaannit tiguneqarnissaa pillugu Danskit Naalagaaffiannut isumaqatigiissuteqartoqarsimasoq, eqqortuusoq aallarniutigalugu uppersarnerneqassaaq.

Kangerlussuarmi Mittarfiup il.il. ingerlanneqarnerata tiguneqarnera naalagaaffimmit Namminersornerullutik Oqartussanut ataatsimoortumik tapiissutit qaffanneqarnerat taarsiunneqarpoq. Allatut oqaatigalugu Kalaallit Nunaata mittarfik taassumalu ingerlanneqarnera, naalagaaffimmit suliassanik tigusinertut nalinginnaasutut, tiguua.

Ataatsimoortumik tapiissutit qaffaataat aalajangersimasunut atugassanngortinneqanngillat aammalu naalagaaffimmit ataatsimoortumik tapiissutit tamarmiusut ilaattut ilaatinneqarlutik.

Tamatuma kingorna ataatsimoortumik tapiissutit 2009-imi Namminersornermut inatsisip atuutsinneqalernerani akigititani aalajangersimasuni allanngortinneqarsinnaanatik aalajangersimasunngorput.

Danmarkip aamma Kalaallit Nunaata akornanni akiliisarnernut tunngasunut tunngatillugu, Kangerlussuup ingerlanneqarnerata tiguneqarnera, naalagaaffimmit ataatsimoortumik tapiissutitalimmik suliassanik tiguisarnernit allanit allaassuteqanngilaq. Piffissamit tiguisiffiusumit suliassaq pineqartoq qanoq isumagineqassanersoq Namminersorlutik Oqartussat nammineerlutik aalajangiissapput.

Naalakkersuisut inatsisissatut siunnersuutaat Kangerlussuarmi mittarfiup ingerlanneqarneranik annikillilerinermik malitseqarnissaanik naatsorsuuteqarfigineqartoq, naalagaaffiup ilisimavaa. Taamaattoq siusinnerusukkut ataatsimoortumik tapiissutinut isumaqatigiissutaasimasut assigisaallunniit innersuussutigalugit naalagaaffik suliassamut akerliiniarsimangilaq. Naalakkersuisut taamaalillutik suliassaqarfimmi tassani piviusumik ajornartorsiuteqartutut isiginngilaat.

Isumaqatigiissuteqareernerup kingorna Kalaallit Nunaata aningaasat katillugit qanoq annertussusillit tiguisimavai?

Kangerlussuarmi Mittarfiup 1992-imi inuiaqatigiinni ingerlanneqartussatut tiguneqarnera tunngavigalugu ataatsimoortumik tapiissutit aningaasartai tamarmiusut Naalagaaffimmit tunniunneqartut ataatsimoortumik naatsorsorneqarsimangillat. Kisitsinermi taamaattumi naalagaaffimmit ataatsimoortumik tapiissutit akinut aningaasarsianullu ingerlaavartumik iluarsineqartarnerat sillimaffigineqartussaassaaq, taamaattumik ukiut 25-it sinnerlugit ukiumut akinut aningaasarsianullu iluarsisarnernit annertussusaat pillugit paasissutissat nassaarineqarnissaat pisariaqartussaalluni. Taamatut naatsorsuinernik suliaqarnissaq naleqquttutut Naalakkersuisut isigisimangilaat.

Tassunga atatillugu oqaatigineqassaaq ataatsimoortumik tapiissutit Naalagaaffimmit tiguneqartut, taamaalillunilu aamma Kangerlussuarmi inuiaqatigiinni ingerlatsinissamut akisussaaffiup tiguneqarnera, ukiumoortumik aningaasanut inatsisini, Inatsisartut aamma akuerisimasaanni, isertitatut ilaatinneqarput.

Aningaasaqarnikkut pissarsiassat pillugit

Naatsorsuutigineqarpoq apeqquteqarnermi, Kangerlussuarmi mittarfiup ingerlanneqarneranit isertitai pillugit paasissutissat kissaatigineqartut. Aallarniutigalugu paasissutissiissutigineqassaaq, 2018-imut ukiumut naatsorsuusiorfiusumut naatsorsukkanik taamaattunik suli pissarsisoqanngitsaq. Mittarfeqarfinniit 2016-imut ukiumut naatsorsuusiorfiusumut isertitat aningaasartuutillu aningaasartuutit aallaavigalugit naatsorsorneqarneranni takutinneqarpoq, Mittarfeqarfiit aningaasartuutaannik ataatsimoorussanik agguaassinissaq sioqqullugu Kangerlussuaq 60 mio. koruunit, aammalu aningaasartuutinik ataatsimoorussanik agguaasereernerup kingorna 30 mio. koruunit missaannik pissarsiviusartaq. Aningaasartuutit ataatsimoorussat sumiiffiit pineqartut ataanni isumalluutinut atorineqartunut sanilliullugit agguarneqartarput.

Sinneqartoorutit Kangerlussuarmit pissarsiarineqartut, annertuumik mittarfinnik amigartooruteqarfiusunik tapersiivigeqatigiissitsinermut atorineqartarput. Ilulissani aamma Nuummi imarpik qulaallugu timmisartunut mittarfiit nutaat atulerneranni, taamaalilluni

Mittarfeqarfiit isertitassanut tunngavissaasa ilarujussui atuukkunnaartussaapput. Tamanna inuiaqatigiit aamma missingersuutini aningaasaqarnikkut nalilersuinerni sillimaffigineqarpoq, taakkunani piffissamit mittarfiit nutaat taakkua atorneqalernerannit ingerlatsinermut tapiissutit naatsorsuinerni ilaatinneqarlutik.

Kangerlussuarmi Mittarfimmut aammalu aningaasaqarnikkut pissarsiassaqaarsinnaaneranut tunngatillugu ataatsimoortumik isummersornermi aamma mittarfimmi aningaasaleeqqinnissamut pisariaqartitsineq annertoq pillugu apeqqut ilaavoq. Kangerlussuarmi mittarfimmi aningaasaleeqqinnissamut aningaasassat annertuut qanoq inuiaqatigiinni pitsaanerpaamik atorneqassanersut nalilersorneqartariaqarpoq.

Apeqqut 42: Air Greenland timmisartut angisuut atorlugit Ilulissanut ukiumut qaammatit pingasuinnaat mittassasoq naatsorsuutigineqarpoq. Ukiup sinnerani Nuummut mittoqartariaqartassaq.

Mittoqarsinnaatinnagu aningaasartuutit qanoq matussuserneqartassappat?

Nuummi sila pissutigalugu minngitsoornerit qanoq akeqassappat aammalu assersuutigalugu Islandimut mittariaqalernermi aningaasartuutit kimit matussuserneqassappat?

Akissut: Ilulissani ukiumut qaammatini pingasuinnarni mittoqarsinnaassasoq eqqunngilaq. Air Greenland-ip ukiumut qaammatini pingasuni Københavnimit toqqaannartumik Ilulissanut timmisartuussisarnissaq toqqassaneraa, ingerlatseqatigiiffimmi niuernermit tunngaveqartumik aalajangiiffigineqartussaavoq. Ilimagineqartariaqarpoq Air Greenland-ip Ilulissanut toqqaannartumik timmisartuussisarnerni periarfissaqarfiusut, pisariaqartitsineq aamma aningaasaqarneq ingerlaavartumik nalilersortassagai. Aamma ilimagineqartariaqarpoq ingerlatseqatigiiffiit allat, tamatumunnga aningaasaqarnikkut tunngavissaqartutut isigigunikku, angalavissanik pilersitsiniarsinnaassasut.

Ilulissani mittarfik ukioq tamaat timmisartuussinissamut ammassaaq. Tamanna Ilulissanut aqqutini annertunerusumik inissaqalernissaanut aamma unammilleqatigiittoqarnissaanut periarfissiissaaq.

Aningaasartuutit Ilulissani imaluunniit Nuummi imaluunniit mittarfimmut allamut sumulluunniit piffissamik eqquisannginnermut attuumassuteqartut, ilassut aamma timmisartumik angallassisartut akunnerminni susassaqafigaat. Nunanit tamalaanit aammalu EU-mit timmisartuussinernut maleruagassanik immikkut ittunik atuuttoqarpoq. Tassunga tunngatillugu ilaasut aammattaaq angalanermut sillimmasiinissaq, piffissamik eqquinnginnermut matussusiisusaaq, toqqarsinnaavaat.


Nuummi aamma Ilulissani mittarfiit piffissamik eqquinnginnermi imminnut allatut periarfissaassasut ilimanarpoq. Nuummi mittoqarsinnaanngippat Ilulissani minnissaq toqqarneqarsinnaassasoq, parlattuanillu pisoqarsinnaassasoq, eqqarsaatigineqarsinnaavoq.

**Apeqqut 43: Maanna ilaasorisartakkat amerlassusiat tunngavigalugu maanna periarfissaalersoq aallaavigalugu ilaasussat qanoq amerlatigissappat:
 Ilulissat 2200 meter – Nunanit tamalaanit Ilulissanut/-nit aammalu avannamut ilaasut
 Kangerlussuaq 2830 meter – Nunanit tamalaanit Aasiannut/-nit, Sisimiunut/-nit aamma Maniitsumut/-mit ilaasut
 Nuuk 2200 meter - Nunanit tamalaanit Nuummumut/-mit aamma Paamiunut/-nit ilaasut
 Qaqortoq 1499 meter - Nunanit tamalaanit Qaqortumut/-mit Keflavikimut ilaasut**

Akissut: Periarfissatut ilusiliamut apeqqummi matumani nassuiarneqartumi angallannerup ingerlaarneranut misissueqqissaarnermik suliaqartoqanngilaq.

Timmisartumik angallassisartut angalavimminnik qanoq aqqissuussissanersut Naalakkersuisut, Inatsisartut, Kalaallit Airports A/S-ip imaluunniit Mittarfeqarfiit aalajangersinnaanngilaat. Taamatuttaaq angalavinni ataasiakkaani ilaasut agguataarnissaat Naalakkersuisut, Inatsisartut, Kalaallit Airports A/S-ip imaluunniit Mittarfeqarfiit aalajangersarsinnaanngilaat. Angalaviit qanoq pilersinneqassanersut aammalu ilaasut qanoq agguataarneqassanersut allaaviatigut niuerfimmi (tassa imaappoq timmisartuussisartut aamma ilaasut) aalajangerneqartarpoq. Ilaasut ingerlaarnerannut misissueqqissaarnerit aamma missiliuinerit ingerlanneqartut malillugit, imarpik qulaallugu angallannerup Ilulissani aamma Nuummi mittarfinnut nutaanut nuunnissaa ilimanaateqarnerpaajuvoq.

Ilaasut aamma timmisartumik angallassinert amerlassusaannik missingersuinerni suliarineqartuni 2016-imut aamma 2017-imut angallannermi kisitsisit aallaavigineqarput, tamatuma kingorna tunngavissat arlallit aallaavigalugit siumut missiliorneqarlutik. Ilaasunut kisitsisit ilusiliami matuma kingulianiittumi Kangerlussuarmi, Nuummi, Ilulissani, Narsarsuarmi / Qaqortumi mittarfinnut takutinneqarput. Missingersuinerni taakkunani naatsorsuutigineqarpoq 2022-imi, mittarfiit pingasut nutaat taakkua ammarpata, Kangerlussuaq aamma Narsarsuaq nunanit tamalaanit angalavinnut angallannermut mittarfittut aqqusaartarfittut matuneqassasut.



Imarpik qulaallugu angallannermut angallannermik missiliuinermut ilusiliami matuma siulianiittumi takuneqarsinnaavoq, Ilulissani aamma Nuummi mittarfiit

annertusarneqareersut Imaprikkoorluni angallannermut ammarpata, Kangerlussuarmi angallannerup malunnaatilimmik annikillinissaa naatsorsuutigineqartoq. Taamatuttaaq Qaqortumi mittarfik nutaaq ammarpat, Narsarsuarmi ilaasut malunnaatilimmik ikilisussaapput. Nuummi aamma Ilulissani angallanneq 2022-miit ukiumut 2 %-imik aammalu akigititat appasinnerulernissaat aamma Københavnimut Imaprikkoorluni toqqaannartumik attaveqalernerit annertusissasoq naatsorsuutigineqarnera pissutigalugu ukiuni 3-ini siullerni suli 5 %-imik annertuseqqissasoq, naatsorsuutigineqarpoq.

Matuma siulianiittunut inerniliusaaq tassaasariaqarpoq, imarpik qulaallugu timmisartunut mittarfiit pingasut atuutsillugit ilusiliineq, apeqqummi nassuiarneqartoq, aningaasaqarnikkut piujuaannartitsiviusinnaanaviangitsoq.

Apeqqut 44: Apeqqut 43-mut tunngatillugu nunatsinni angallasserit qanoq ittussatut naatsorsuutigineqarpat?


Akissut: Apeqqummi 43-imi siunnersuutigineqartutut ilusiliinermi angallannerup ingerlaarneranut misissueqqissaarnermik suliaqartoqanngilaq.

Oqaatigineqassaaq mittarfiit nutaamik ilusiligaanerisa malitsigisaanik, ilaasut amerlassusaat uuttutigalugu, assartuussinermik suliaqarneq tamarmiusoq 54 %-imik appartussaammaat. Tamanna assartuusseriaatsimut tamarmiusumut malunnaatilimmik sunniuteqarluarnerulersitsissaaq. Tamatuma malitsigisaanik ilaatigut ilaasut angalanermut aningaasartuutaat annikillisinneqarsinnaapput.

Kangerlussuarmut tassangaaniillu mittarfimmit annermit minnermut aqqudit akulikitsorujussuit atorunnaarnerat pissutigalugu, nunap iluani angallanneq taamaalilluni malunnaatilimmik annikillissaaq. Ilulissani aamma Nuummi imarpik qulaallugu akunninnissamat mittarfimmit annermit minnerusumut ingerlanissamat, nunap iluani aqqudit nutaat aamma/imaluunniit akulikissutsit nutaat pilertussaapput. Tamatuma erseqqinnerusumik naatsorsornissaanut naatsorsueqqissaarikkut tunngavissanik (on-off-inut naatsorsueqqissaarneq) soqanngilaq.

Tamanna aamma Kujataani atuutissaaq, tassani Narsarsuaq aqquutigalugu Nuummumut aamma Islandimut taakkunangaluunniit timmisartumik angallanneq Qaqortumi mittarfimmi nutaamiilissalluni. Nutaamik ilusiliinerup aamma kingunerisaanik Narsarsuup aamma Qaqortup akornanni qulimiguulimmik timmisartuussinerit amerlanersaat atorunnaartussaapput. Nunap iluani angallanneq taamaalilluni Kujataani annertuumik annikillissussaavoq.

Angallannerup nutaamik ilusiligaanera, assartuussinermik suliaqarneq tamarmiusoq taamaalillunilu assartuusseriaatsimi aningaasartuutunik ataatsimoortunik annikillitsissaaq.



Apeqqu 45: Mittarfinnit apeqqu 43-mi taaneqartunit ataasiakkaanit ilaasut qassit aallartarnissaat naatsorsuutigineqarpa?

Akissut: Takuuk apeqqu 44-imut akissuteqaat.

Apeqqu 46: Mittarfinnit apeqqu 43-mi taaneqartunit ataasiakkaanit ilaasut nunanit tamalaaneersut qassit aallartarnissaat naatsorsuutigineqarpa?


Akissut: Takuuk apeqqu 43-imut akissuteqaat.:

Apeqqu 47: Ilaasut agguaqatigiissillugu 81 %-iunissaat naatsorsuutigalugu mittarfinni ataasiakkaani atlantikoq qulaallugu (Europamut/-mit/USA-mut/-mit) ullormut timmisartuussinerit qassiusussatut naatsorsuutigineqarpat?

Transportation & Logistics > Aviation > Commercial airlines worldwide - passenger load factor 2005-2018

PREMIUM

Passenger load factor of commercial airlines worldwide from 2005 to 2018



DOWNLOAD SETTINGS SHARE
 PNG PDF XLS PPT

DESCRIPTION SOURCE MORE INFORMATION

This statistic illustrates the passenger load factor (PLF) of commercial airlines worldwide from 2005 to 2018. In 2017, the passenger load factor amounted to 81.2 percent.

Passenger load factor is an aviation industry metric reflecting the capacity utilization of an aircraft, more precisely the ratio between revenue passenger kilometers (RPK) and available seat kilometers (ASK) expressed as a percentage.

Statista 2018
 Show source

<https://www.statista.com/statistics/658830/passenger-load-factor-of-commercial-airlines-worldwide/>

Akissut: Aallarniutigalugu apequt pillugu oqaatigisariaqarpoq, taassuma aalajangersimasumik akissuteqarfigineqarnissaa ajornakusoortoq, tassami inissanik atorluaanissamut tunngaviusoq pillugu apeqquummi tunngavigisani ilanngunneqartoq, tunngavigisani arlalinnik mittarfinnut nutaanut atuuttussat naatsorsuutigineqarsinnaanngitsunik, tunngaveqartinneqarpassimat. Taamaalilluni nunuarsuarmi agguaqatigiissillugu inissanik atorluaanissamut tunngaviusoq Kalaallit Nunaanni mittarfinni periaatsinut – maannakkut taamatullu siunissami - naleqqutinngilluinnartut Naalakkersuisut isigaat. Soorunami akigititanik aalajangersaanikkut aammalu pitsaassuseqartitsinikkut inissanik atorluaanissamut tunngaviusup qaffasinnerulersinnissaa timmisartuutiqatigiiffiit soqutigissavaat. Kisianni tamatumunnga arlalinnik allatut iliuusissaqarpoq, taamatuttaaq inissanik atorluaanermut tunngaviusumik sunniussanik – assersuutigalugu atortut neqeroortigineqartut ujartuinerpiamut naleqqussarneqarnerisigut, taamaalilluni timmisartunik minnerusunik, assersuutigalugu piffissami angallaviunnginnerpaami, ikinnerusunik inissaqartitsiviusunik atuilernikkut.

Kisiannili inissanik atorluaanissamut tunngaviusoq, angalavissanik nutaanik pilersooqarnissaanut tunngavigisani (arlallit akornanni) aammalu timmisartuutiqatigiiffiit ornigassani timmisartuussivigineqartartuni akulikitsumik angalasarnissamik neqeroorteqarnissaanut, pingaaruteqartoq Naalakkersuisut isumaqatigaat.

Akissuteqaatip ingerlateqqillugu suliarineqarneranut atugassamik Kalaallit Airports A/S-imit kiisalu Rambøll-mit ilanngussassanik piniartoqarpoq.

Kalaallit Airports A/S-ip ilaasunut missingersuinerit aammalu timmisartut mittarfinnut pingasunut taakkununga tikittartussat/aallartartussat amerlassusaannik missiliuinerit tassunga atasut suliarai. Naatsorsuinerni 75 %-imik atorneqartassasut aallaavigineqarpoq. Oqaatigineqassaaq missingersuinerit taakkunani ilaasut ukiumut amerlisarnissaanut mianersortorujussuarmik missingersuinerit aallaavigineqarmata, taakkualu aamma inuiaqatigiit aningaasaqarnerannut sunniutaasussanik nalilersuinerit naatsorsuinerit tunngavigisassatut ilanngunneqarput.

Ingerlateqatigiiffik taarsigassarsititsisartunukartussanngorpat missiliuinerit nutaat piviusorsiornerusullu aammalu annertusillugit iluarsisat tunngavigineqassasut, Kalaallit Airports A/S paasissutissiivoq. Taamaattumik mittarfiit ammarpata timmisartuussinerit ingerlanneqartut maannamut naatsorsuutigineqartunit amerlanerusinnaanerit ilimanaateqarpoq naatsorsuutigineqarlunilu.

Akulikissusissat amerlassusaannut pingaartumik timmisartut suussusaat atorneqartussat angissusaat apeqqutaassapput. Tapiiffigineqanngitsumik ilusililineq qanoq nalilerniarnerlugu, soorunami timmisartuutiqatigiiffiit ataasiakkaat nammineerlutik aalajangertussaavaat. Assersuutigalugu A 320 imaluunniit Boeing 737-800 atorneqassappat, Nuummot ullut tamaasa aqutit 1-2-ssasut aammalu ilulissanut ukiup qanoq ilinera apeqqutaalluni sapaatip akunneranut aqutit 3-4-ssasut ilimanartoq, Rambøll Ineqarnermut Attaveqatigiinnermullu Naalakkersuisoqarfik sinnerlugu nalilivoq. Tassunga ilanngutissaaq timmisartuq Islandimeersoq.

	Tikittut aallartut Ilaasut katillugit	Annertussutsi puuttuataa Ilaasut amerlassusaat (ingerlaarfik ataaseq)	Issiaviit inissat timmisartumut ataatsimut (A320)	inissaq aqquaqatigiisillugu	Ilaasut amerlassusaat timmisartumut ataatsimut	Ukiumut ataatsimut kaaviaar-nerit	Sapaatip akunnera-nut kaaviaar-nerit
Nuuk	100.697	50.348	170	70%	119	423	8
Ilulissat	50.348	25.174	170	70%	119	212	4

Tamatuma saniatigut Canada-mut aamma USA-mut aqquatinik ineriartortitsisoqarnissaa periarfissaqarpoq. Tamanna Kalaallit Airports A/S-ip Ingerlatsinissamut Aningaasalersuinissamullu pilersaarutaani imaluunniit inuiaqatigiit aningaasaqarneranni nalilersuinerimi naatsorsuinerimi ilaatinneqanngilaq. Periarfissaqarfiusoq taanna atorneqassappat, suliasat suli annertunerusumik neriulluarnartuussasut naatsorsuutigineqarsinnaavoq.

Apeqqut 48: KAIRS-ip aningaasalersueriaasissaa imaluunniit Mittarfeqarfiit (taamaalillunilu nunatta karsiata)? (Rambøllip nalunaarussiaa qupperneq 22, immikkoortoq 3.5)

Periarfissatut ilusiliaq 2-mi ilaatinneqarpoq imarpik qulaallugu mittarfiit nutaat marluk Nuummi aamma Ilulissani pilersinneqarnerisa kingunerisaannik, angallannerup ilusaata allanngornerata kingunerisaanik Kangerlussuarmik factolukning. Massakkumut Kangerlussuarmi angalanerup annertussusaa, toqqaannartumik Nuummiit aamma Ilulissaniit angallavinngortussaammat. Nunap iluani Kangerlussuup Nuullu akornani aamma Kangerlussuup Ilulissallu akornani angalaviit atorunnaassapput, taamaasilluni angallassinermut suliat aammalu angalanermut aningaasartuutit najungaqavissunut, inuussutissartiutilinnut minnerunngitsumillu takornarianut sipaarfiungaatsiassalluni.

Akissut: Apeqqut ersarippallaanngilaq, kisianni paasinarpoq sanaartormik suliasat Mittarfeqarfinniitinnagit, mittarfinnik nutaanik sanaartornissaq siunertaralugu Kalaallit Airports-ip pilersinneqarnissaa pillugu aalajangiinerup siusinnerusukkut Aningaasaqarnermut Akileraartarnermullu Ataatsimiititaliamit aalajangiunneqartup akuerineqartullu, isummerfigineqarnissaa kissaatigineqarunartoq. Apeqqutip taamatut paasineqarnera eqqorsimappat, siusinnerusukkut tamanna pillugu apeqqummut akissuteqaat innersuussutigineqassaaq.

Misissueqqissaarnerup "Takornariartitsineq – mittarfiit ilusaasa allanngortinneqarnerani ineriartortitsineq aamma siuariartortitsineq", Rambøll 2015, innersuussivigineqarnera pillugu oqaatigineqassaaq, nalunaarussiaq inuiaqatigiit aningaasaqarneranni misissueqqissaarnermi naatsorsuineritut tunngavigineqanngimmat. Takuuk apeqqummut 30-imut akissuteqaat.

Apeqqut 49: Apeqqut 43-mi mittarfinni taaneqartuni ataasiakkaani aningaasaqarneq qanoq ittussatut naatsorsuutigineqarpa, tak. apeq. 45 & 46?

Akissut: Apeqqummi 43-imi nassuiarneqartutut, periarfissatut ilusiliami naatsorsuinerit, UKA2015/18+167-imi aalajangiinerup avataaniippat kiisalu tamatuma kingorna

aningaasanut inatsisini oqaasertaliussani Inatsisartunit akuerineqartuni piginnaatitsissuteqarnerit avataaniillutik. Taamaalillutik periarfissatut ilusiliamik taamaattumik naatsorsuinerit suliassap Inatsisartunit Naalakkersuisunut suliakkiissutigineqartut avataanniipput. Periarfissatut ilusiliami taamaattumi aningaasaqarnerup sukumiisumik naatsorsorneqarnera, suliassaavoq annertoq aammalu piffissamik atuiffiusariaqarluni.

Kisiannili naatsorsuinerit tamarmiusut inernerit, periarfissatut ilusiliami apeqquumi 43-imi allaaserineqartumi, annertuumik ajornerulersinneqartussaapput. Tamatumunnga pissutaavoq, ilaasut tunngaviusussat amerlanerunissaat piviusorsioortumik naatsorsuutigineqarsinnaanngimmat, aningaasaliinerillu malunnaatilimmik annertunerusussaammata.

Mittarfinni nutaani annertuumik aningaasaliisoqartussaalluni kiisalu attassiinnarnermi aningaasaliinerit annertuujusussaallutik periarfissatut ilusiliaq taamaattoq, inuiaqatigiit aningaasaqarneranni taamatullu missingersuutini aningaasaqarnikkut periarfissatut ilusilianit allanit sularineqartunit taakkunanga, malunnaatilimmik ajornerusussaavoq. Siullertut aningaasaliinerit tamarmiusut allatut periarfissani allani tamaginni pisunit qaffasinnerusussaapput, aammalu aningaasaliinernut taakkunanga suli allanut aningaasalersuutissanik nassaartoqanngilaq. Tamatuma saniatigut maannakkut Mittarfeqarfiiit Kangerlussuarmi sinneqartoorutigisartagai, ingerlatsinermut aningaasartuutit ingerlaannarnerisa, aningaasaleeqqinnerit annertuujunerisa aammalu ilaasussat killeqarnerisa malitsigisaannik annertooujussuarnik amigartooruteqarfiusussanngussasut sutigut tamatigut ilimanarpoq.

Tamanna aammattaaq Kalaallit Airports A/S-imi taarsigassarsinermi atugassarititaasut ajornerulernerannik malitseqariaannaavoq. Ilaasunut tunngatillugu imarpik qulaallugu timmisartunut mittarfik unammillertaasoq, ornigassani ataasiakkaani timmisartut ikinnerunerannik malitseqassaaq aammalu ataatsimoortuni mittarfinni atuisut annertunerusumik akiliuteqassallutik.

Apeqquut 50: Apeqquut 43-mi periarfissaq malillugu Mittarfeqarfinni KAIRS-imilu aningaasaqarneq qanoq ittussatut naatsorsuutigineqarpa?

Akissut: Apeqquummut 49-imut akissuteqaat takuuk.

Ilaasut tunngaviusussat ilai ikinnerusut Kangerlussuarmut tassannganiillu timmisartuunneqartaannassappata, Kalaallit Airports A/S-imi aningaasaqarneq periarfissatut ilusiliaq alla 1-imut aamma 2-imut sanilliullugu ajornerulersinneqassasoq naatsorsuutigineqartariaqarpoq. Taamaattoq tassani angalavimmik pilersitsisoqarsimanissaa apeqqutaavoq, tamannalu ilaasut ingerlaarnerannik misissueqqissaarnermi ingerlanneqartumi tikkuunneqanngilaq.

Tamatuma saniatigut naatsorsuutigineqartariaqarpoq, Kangerlussuarmi mittarfiup tamakkiisumik imarpik qulaallugu mittarfittut atorineqartussatut ingerlanneqarnerata ingerlatiinnarnerani, Mittarfeqarfinni aningaasaqarneq, ullumikkumut sanilliullugu ajornerulingaatsiartussaasoq, tassami ilaasut tunngaviusussat amerlanerpaartai Kalaallit Airports A/S-ip ataani Nuummi aamma Ilulissani mittarfinnut ingerlasalissasut naatsorsuutigineqarmat.

Apeqput 51: Apeqput 43-mi periarfissamik sanaartornermut iluarsaermullu missingersuutit tamarmiusut qanoq annertutigaat? Matumani tunngavissaatinneqarpoq Kangerlussuarmi iluarsaanissaq Namminersorlutik Oqartussanit qulakkeerneqartussaana missingersuutinullu inatsisip eqqutsinneqarnissaata qulakkeerneqarnissaa.

Akissut: Aallarniutigalugu erseqqissarneqassaaq, Apeqput 43-imi nassuiarneqartut, Nuummi aamma Ilulissani mittarfiliornissamut taarsigassarsinissaq suli naatsorsuutigineqarpat, maannakkut nunap karsiata qularnaveeqqusiivigisassaatur naatsorsuutigineqartut annertussuseqartumik, mittarfiit ilusiligaaneranni missingersuusiornermut inatsit malinneqarsinnaassanersoq, qularnartutut isigineqarpoq.

Taamaattumik Kangerlussuup 2.800 meteriusumik imarpik qulaallugu timmisartunut mittarfittut attatiinneqarnerani, mittarfinni attaveqarneq siunnersuutigineqartoq allanngortinneqarluni Kalaallit Airports A/S-imi aningaasaqarnerup ajornerulersinneqarnerani, maannakkut siunnerfigineqartunit annikinnerusumik taarsigassarsinissaq kisimi periarfissaalissasoq ilimanaateqarpoq. Periarfissatut ilusiliani allaanerusumi taamaattumi taarsigassarsiat aningaasartassaasa, Nunap karsianit qularnaveeqqusiivigineqarsinnaasussat, annertussusaannik erseqqinnerusumik naatsorsuisoqanngilaq.

Kangerlussuarmi aningaasaleeqqinnerit annertuut aningaasaqarnermut politikikkut attassisinnaanerit pitsaanerulersinneqarnissaanut iluaqutaasinnaasussaannngillat, aammalu immikkut ittunik isertitaqartoqassappat, taakkua Kangerlussuarmi aningaasaleeqqinnerit aningaasalersornissaannut atorneqarsinnaasussaanaatik. Tamanna pillugu takuuk apeqqummut 20-imut akissuteqaat.

Allatut iliusissamut taamaattumut aningaasaliinissanut naatsorsuutigineqartut Nunap karsiani mittarfissanut aningaasassanit siparneqartunit annertunerujussuusassaapput. Taamaattumik allami sipaarutissanik imaluunniit isertitassanik nassaartoqartussaassaaq imaluunniit akileraarutininik qaffaasoqartussaassalluni.

Tamatuma saniatigut, inuiaqatigiit aningaasaqarnerannut sunniutaasussanik nalilersuineri nassuiarneqartut, mittarfinni pineqartuni sanaartornermut iluarsaassinermullu aningaasaqarneq nassuiarneqartoq, kiisalu periarfissatut ilusiliani pineqartuni taakkunani mittarfinni pineqartuni sanaartornermut aningaasartuutissanik missiliorneqartunik toqqartussanik takussutissiivisoq innersuussutigineqarpoq.

	Periarfissatut ilusiliaq tunngavisoq	Periarfissatut ilusiliaq alla 1	Periarfissatut ilusiliaq alla 2	Periarfissatut ilusiliaq alla 3	Periarfissatut ilusiliaq alla 4	Apeqput 43 naapertorlugu periarfissatut ilusiliaq
Qaqr-toq		680	680	410	410	680
Ilulissat	115	1.400	1.400	189	189	1.400
Nuuk	127	1.500	1.500	248	248	1.500
Kangerlussuaq	747	75	475	747	691	747
Narsarsuaq	175	33	33	33	33	33
Katillugit	1.164	3.688	4.088	1.627	1.571	4.360

Nassuiaat: Matrix-imi matuma siulianiittumi allattukkani toqqartukkani periarfissatut ilusiliani pineqartuni aningaasaleeqqinnissamik aningaasaliinissamillu pisariaqartitsineq missingersorneqartoq takutinneqarpoq.

Apeqqtut 52: Apeqqtut 50-imut akissut pisortat suliniutinut allanut ukiuni tulliuuttuni tallimani aningaasaliinissamut periarfissaannut qanoq kinguneqassava aammalu sanaartornissamut/aningaasaliinissamut aningaasat qanoq amerlatigisut atorineqarsinnaanissaat naatsorsuutigineqarsinnaava?

Akissut: Apeqqtutinut 49-imut, 50-imut aamma 51-imut akissuteqaatit takukkit.

Kangerlussuarmi aningaasaleeqqinnissamut aningaasassanik, Apeqqummi 43-imi periarfissatut ilusiliamut naapertuuttunik, nassaartoqassappat, ataatsimut katillugu allami sipaarutissanik nassaartoqartussaassaaq imaluunniit Kangerlussuarmi 747 mio. koruuninik aningaasaleeqqinnissamik pisariaqartitsinermut naapertuuttumik akilerarutininik qaffaasoqartussaassalluni. Taakkunannga ukiut tallimat siulliit ingerlaneranni ½ mia. kr. sinnerlugit akilerneqartussaassapput, taakkununngalu aningaasalersuutissanik nassaartoqarsimangilaq.

Tassunga aammattaq ilanngutissapput ingerlatsinermut amigartoorutit Mittarfimmi pilersussat, ingerlaavartumik aningaasalersorneqarnissaat.

Apeqqtut 53: I Nuummi Ilulissanilu mittarfiit 1199 meterit sananerat billetsit akiisa 10 %-iinnarmik apparnissaannik kinguneqartussatut Rambøllip nalunaarusiaani naatsorsuutigineqarpoq (qupperneq 79, immikkoortoq 7.3.2). Qaqortumi, Tasiilami Ittoqqortoormiunilu 1199 meterinik mittarfiliorsinnaanermut, taamaalillunilu assersuutigalugu timmisartunik ATR 72-inik atuinnikkut ingerlatsinermi iluaqutissarsinnaanermut tamanna qanoq attuumassuteqarpa? (The ATR 72-600 is the lowest seat per mile cost aircraft on the 70 seat segment, thanks to significantly lower fuel and maintenance costs compared to its competitors. Fra www.atraircraft.com)

Akissut: Nunatsinni mittarfiit ilusiligaanerannut ataqatigiissitsinissamut periarfissarpassuupput. Mittarfiit takissusissaasa ataqatigiissinneqarsinnaasut eqqarsaatigineqarsinnaasut tamarmik itisilerlugit naatsorsorneqarnerinik Naalackersuisut aallartitsisimangillat.

Mittarfiit ataatsimoortut maannakkut ilusissaat amerlanerussuteqartunit taparserneqartumik aalajangiinneqarnissaat sioqqullugu, mittarfiit ataatsimoortut 2015-imi Inatsisartuni aamma Sanaartornermut Ataatsimiititaliami suliarineqarneranni arlalitsigut naleqqussarneqarput. Mittarfiit ataatsimoortut taakkua nunarput qaninnerulersillugu ataqatigiisilertussaavaat aammalu angallasseriaaseq tamarmiusoq malunnaatilimmik pitsaanerulersittussaallugu sunniuteqarluarnerulersittussaallugulu.

Inatsisissatut siunnersuummi matumani Ilulissani, Nuummi aamma Qaqortumi mittarfinnut tunngatillugu aalajangiineq taanna naammassineqarpoq. Naalackersuisut isumaqarluinnarput mittarfissanut suliassanut pingasunut taakkununnga inuiaqatigiit aningaasaqarnerannik nalilersuinermi inerniliussa qarsarissuusoq – mittarfiit taakkua Inatsisartut mittarfiit takissusissaat aalajangiussa atuuksillugit sanaartorneqarnissaat inuiaqatigiit aningaasaqarneranni isumassarsiatialaalluinnartoq.

2015-imi aalajangiinerit mittarfinnik inatsisissatut siunnersuummi sammineqartunit amerlanerusunik imaqartoq Naalackersuisut eqqumaffigaat. Ilanngullugu Ittoqqortoormiini aamma Tasiilami, naak tassani apeqqummi allasimasunit allaanerusunik mittarfiit

takissuseqartussaagaluartut. Naalakkersuisut erseqqissassavaat suliassat Inatsisartunit aalajangiunneqartunik iluseqartillugit aamma mittarfiit takissuseqartillugit, suliarineqarmata.

Nunap immikkoortuini mittarfinnut, Ittoqqortoormiini 650 meterimik aammalu Tasiilami 1.500 meterimik mittarfittaqtumut aalajangiinissanut tunngavissanik piareersaanissamik Naalakkersuisut suliakkerneqarput.

Tasiilamut aamma Ittoqqortoormiinit tunngatillugu, apeqqut mittarfinnut taakkununga tunngatillugu isumaqarluartumik akissuteqarfigisinnaalerlugu, maannakkorpiaq taamaattumik tunngavissamik suliaqartoqanngilaq.

Atortunik anginerusunik atortoqarluni timmisartuussinerup malitsigisaanik angalanermut aningaasartuutit annikillisinneqartut pillugit aammattaaq nalinginnaasumik oqaatigineqarsinnaavoq, timmisartoq anginerutillugu kilometerit timmiffiusut tamaasa aningaasartuutit appasinnerusartut, eqqortuummat. Tamatumani imminermi ilaasut tunngavigineqartut, naammattumik inissanik atorluanaanissamat tunngavissiiinnaq tunngavigineqarpoq.

Nuummut, Ilulissamat aamma Qaqortumut tunngatillugu mittarfiup takissusissai allat pillugit politikikkut oqallinnerup sunniutigisaanik, Naalakkersuisut periarfissatut ilusiliani allani tapiliussassani marlunni inuiaqatigiit aningaasaqarnerannut sunniutaasussanik naatsorsuineq aallartippaat. Tassa imaappoq Nuummi, Ilulissani aamma Qaqortumi 1.199 meterimik mittarfiliormi inuiaqatigiit aningaasaqarnerannut sunniutaasussat.

Periarfissatut ilusiliaq alla 3-imi Kangerlussuarmi annertoorujussuarnik aningaasaleeqqittoqartussaavoq, taamaalillunilu taanna imarpik qulaallugu aqqusaartarfiuinnassalluni, Ilulissat, Nuuk aamma Qaqortoq 1199 meterimik mittarfeqarlutik.

Periarfissatut ilusiliaq alla 4-imi mittarfik 2200 meterimut annikillisinneqarpoq, Ilulissani, Nuummi aamma Qaqortumi mittarfik 1199 meteriulluni. Nalunaarusiaq taanna inaarsarneqaleruttoq, aammalu sapinngisamik piaartumik nassiuinneqassalluni.

Kangerlussuarmi Mittarfik matuneqarluni periarfissatut ilusiliani 1.199 meterimik mittarfittaqtumut taaneqartumut tassani inuiaqatigiit aningaasaqarneranni sunniutaasussanik erseqqinnerusunik misissueqqissaarnermik Naalakkersuisut suliaqartitsinngillat. Periarfissatut ilusiliani taamaattumi Islandimi Keflavik-imi Mittarfik siunissami aqqusaarneqartartussaassaaq.

Naalakkersuisut periarfissatut ilusiliaq taamaattoq misissueqqissaarfigitinngilaat, tassami periarfissatut ilusiliaq taamaattoq, Kalaallit Nunaata nunani allani mittarfimmik nunatsinnut piviusumik iserfissatuaalertussamik pinngitsuuisinnaajunnaarsinneqarnera, pitsaanngitsumik sunniutigisussaammagu.

Tassunga ilanngutissaaq, periarfissatut ilusiliani taamaattumi ineriartortitsinissamat periarfissat, suliffissat aamma siuariartortitsinissamat periarfissaqarfiusut ilarujussuisa Kalaallit Nunaannit avammut nuutinneqarnissaasa ilimanaateqarnera. Takornariartitsinermi ineriartortitsineq periarfissatut ilusiliani taamaattumi killilerneqassasoq aarlerissutigineqarsinnaavoq. Assartuussineq pillugu Isumalioqatigiissitap Keflavik aqqusaarfissatut periarfissatut ilusiliani misissoqqissaarpaa,

kisianni inassutiginaq, ilaatigut takornariartitsisarnermi periarfissaqarfiusut annikillisussaannerat pissutigalugu.

Ilusiliami takutinneqarpoq Periarfissatut ilusiliaq alla 1 periarfissatut ilusiliaq tunngaviusumit taamatullu periarfissatut ilusiliaq alla 3-imit aamma 4-imit inuiaqatigiit aningaasaqarnerannut malunnaatilimmik pitsaannerusut. Ilusiliami takutinneqarpoq, periarfissatut ilusiliamit aallaaviusumit taamatullu periarfissatut ilusiliat allanit nutaanit 3-imit aamma 4-imit, periarfissatut ilusiliaq alla 1 inuiaqatigiit aningaasaqarnerannut malunnaatilimmik pitsaannerusooq. Ilusiliami aammattaq takutinneqarpoq, pingaartumik takornariat amerlinerattut allatullu inuussutissarsiomerup ineriartortinneqarnerani malittaasunik /ineriartortuartsaanik sunniuteqarsinnaanera, periarfissatut ilusiliaq alla 3-imit aamma 4-imit sanilliullugu periarfissatut ilusiliaq alla 1-imi aamma 2-imi malunnaatilimmik annertunerusooq.

Ullumikkut aningaasat nali (mio. kr)	Aningaasaliinerit	Ukiut 25-it sinnerluait inuiaqatigiinnut sipaarutaasut	Ukiut 25-it sinnerluait inuiaqatigiinnut ilanngaaseereemer mi maannakkut naliusut	Sunninerit ineriartortuartsaal arlaqarput amerlassasilerumina atsut		
Periarfissatut ilusiliaq aallaaviusooq	-1.370	+	285	=	-1.085	<input type="radio"/>
Periarfissatut ilusiliaq alla 1	-2.365 ¹	+	2.644	=	280	<input checked="" type="radio"/>
Periarfissatut ilusiliaq alla 2	-2.706 ¹	+	2.464	=	-241	<input checked="" type="radio"/>
Periarfissatut ilusiliaq alla 3	-1.887	+	1.222	=	-666	<input type="radio"/>
Periarfissatut ilusiliaq alla 4	-1.834	+	1.218	=	-616	<input type="radio"/>

1) Nuummi, ilusiliani aamma Oqartumi mittarfiit aningaasalersorneqarnerannut ilaatillugu KAIR tassungaa taarsigassarsissaq. Taarsigassarsianit aningaasalersuneeq KAIR-imi ingerlatsinermut taamaalillunilu Namminersorlutik Oqartussanut pissarsiasanik aqquassinermut sunniuteqarneruttussaavoq. Tamanna ukiut 25-it sinnerluait inuiaqatigiinnut sipaarutissat annikillisinneqarneranni naatsorsuinermut sunniissaq. 2) Ukiutum ingerlatsinermut anqusat. Taanna ukiut 25-it ingerlanranni inuiaqatigiinnut sipaarutissat annikillisinneqarneranni naatsorsuinermut sunniivoq.

Periarfissaqarfii tamakkiiusut Periarfissaqarfiaannallaq

Samfundøkonomisk konsekvensvurdering ved udbygning af lufthavne, Trin 2

Apeqquut 54: Periarfissami apeqquut 43-mi pineqartumi ilaasussat Keflavikimut aqquasaartussat amerlariarnissaat naatsorsuutigineqarpoq:

Tabel 35: Ilaasut ingerlaarneri

	2021	2039
Ilaasut Københavnimit tikittut	67%	35%
Ilaasut Keflavik-imit tikittut	33%	65%

Najoqqutarisaq: Ilaasunut missiliukkat, Rambøll

Siuliani allassimasut Rambøllip nalunaarusiaanit tiguneqarput (qupperneq 67, tabel 35), tassanilu toqqaannartumik timmisartuunneqarnermut taarsiullugu Keflavikimut timmisartuussinerit amerleriarnissaat takutinneqarpoq. Ilaasut amerlanerujussuit Keflavikimik ingerlariaqqiffittut atuilersinnaanerat, taamaalillunilu Nuummi Ilulissanilu atlantikoq qulaallugu timmisartuussinermi mittarfinnik pisariaqartitsisoqarunnaarnissaa aarleqqutigineqarsinnaava? (Rambøllip nalunaarusiaa qupperneq 23, immikkoortoq 3.7)

Akissut: Misissueqqissaarneq eqqartorneqartoq "Takornariaqarneq – mittarfiit ilusiligaanerisa allangortinneqarneratigut ineriartortitsineq siuariartortitsinerlu", Rambøll 2015, suliassami matumani aammalu periarfissatut ilusiliani nassuiarneqartuni naatsorsuinerit tunngavigineqanngilaq. Takuuk apeqqummut 30-imut akissuteqaat. Takussutissiaq taaneqartoq misissueqqissaarnernit Nuummi aamma Ilulissani mittarfissanut atatillugu suliarineqartunit allaanerusunut atatillugu suliarineqarpoq.

Mittarfiit nutaat aamma Nuummi aamma Ilulissani mittarfiit 2.200 meterit, piffissap timmiffiusussap assartuussiviusussallu sivikitsuunera pissutigalugu, Keflavik-imit pinnani assersuutigalugu Danmarkimit Kalaallit Nunaannut tassanngaaniillu toqqaannartumik timmisartuussinissaq pilerinaateqarnerulersittussaavaat. Ilaasut amerlanerpaartaat Nuummi aamma Ilulissani angalanermi siunnerfinnit imaluunniit taakkununga toqqaannartumik timmisartortassapput. Kalaallit Nunaanni mittarfinnut unammilleqatigiinnikkut iluaqutissartaasut, maannakkut pisunut sanilliullugu pitsaanerulertussaavoq. Taamaalilluni amerlanerusut Keflavik akunniffittut atortassagaat annertuumik aarlerinaateqanngitsoq naliliisoqarpoq.

Kisianni mittarfiit nutaat 2.200 meterimik mittarfittaqtut Keflavik-imit Kalaallit Nunaannut timmisartumik sarpeqanngitsumik aamma timmisartumik turbo-nik sarpilinnik (Dash 8-Q400 imaluunniit ATR 72) timmisartuussinissamut periarfissisussaapput, tamannalu billetsit akikinnerulernerannut taamaalillunilu Kalaallit Nunaannut takornariaqarnerulerneranut iluaqutaasinnaavoq. Peqatigisaanik Nuummi aamma Ilulissani mittarfinnit nutaanit timmisartumik aqutissat, kalaallit angalasut Keflavik-imut aqqusaarnermi Europa-mi aamma USA-mi ornigassanut arlalippassuarnut aqutissaqalersinnaanerat periarfissaqalersinneqassaaq. Tamatuma saniatigut takornariatitsisarnerup ineriartornera ilutigalugu timmisartuutileqatigiiffiit Europamut aamma Amerikamut avannarlermut aqutissanik nutaanik pilersitsinissamut periarfissaqalissapput.

Mittarfiit nutaat taamaalillutik maannakkut angalariaatsinik sunniuteqarnerulersitsisinnaapput aammalu Københavnimut aamma Keflavik-imut taakkunangaaniillu angallannerup annertusiartorneranut aqutissiuussisinnaallutik. Peqatigisaanik angallassisartut arlallit akornanni unammilleqatigiinnissaq periarfissaqarnerulissaaq, tamannalu billetsit akiisa appasinnerulernerannut iluaqutaasinnaavoq.

Apeqqu 55: Air Greenland timmisartuussisartut akornanni kisiartaalluni billetsit akiinik appaanissamik naatsorsuutiginningsutut KAIRS-imit saqqummiunneqarpoq. Tamanna Rambøllip nalunaarusiaani billetsit akiisa 20-30 %-imik appariarnissaannik, tassungalu atatillugu akit pissutigalugit ilaasoqarnerulernissaanik naatsorsuutiginninnermut qanoq ataqatigiisinneqarsinnaava? (qupperneq 7, periarfissaq 2-p ataani)

Akissut: Air Greenland siunissami ilaasunik assartuusseriaatsimi angallassisartuni kisiartaassasoq naatsorsuutigineqanngilaq. Paarlattuanik mittarfiit ilusiligaaneranni nutaami timmisartumik angallassisartut akornanni unammilleqatigiinnerulernissaq tunngavissinneqarpoq.

Angallannerup ilusaani nutaami suliaqarnermut aningaasartuutit appasinnerunerat pissutaalluni billetsit akiisa appartinneqarsinnaanerat paasinarsisinneqarpoq. Tamanna qanoq aalajangersimasumik atorneqarsinnaassanersoq angallassisartussat apeqquaaapput. Unammilleqatigiinnerulerneq billetsit akiisa apparteqqinneqarnissaannut periarfissaqalersitsissaaq.

Apeqquut 56: Timmisartuussisartunit mittarfinni nutaani timmisartuussinernik pilersitsiumallutik oqariartuuteqartunik qassinit KAIRS qulakkeerinnippa?

Akissut: Akissuteqaammut matumunnga ilassutissanik Kalaallit Airports A/S-imit piniartoqarpoq.

Mittarfiit naammassippata Kalaallit Nunaannut timmisartuussisarneq pillugu soqutiginnilersitsiniarluni Kalaallit Airports A/S-ip Europami timmisartuutileqatigiiffiit arlallit oqaloqatiginerat aallartippaa, aammalu amerikami avannarlermi timmisartuutileqatigiiffinnut naleqquttunut taamaaqataanik attaveqarnissaq pilersaarutigalugu.

Ingerlatseqatigiiffiup taamaalilluni piffissaq sanaartorfiusoq tamaat timmisartuutileqatigiiffinnut, soorlu Routes Europe aamma Routes World, nuisitsinerni naleqqunnerpaani peqataasarnissaq ingerlatiinnarniarlugu eqqarsaatigaa, taamatullu timmisartuutileqatigiiffinnik attaveqarfigineqalereersunut oqaloqateqarnerit attatiinnarniarlugit.

Europami timmisartuutileqatigiiffinnit 6 – 7-it, ingerlatseqatigiiffiup maannakkorpiaq attaveqarfigisimasaasa neriulluarnartumik soqutiginninnertik oqaatigaat, kisianni ingerlatseqatigiiffiit arlaannaallunniit sioqqutsisumik Kalaallit Nunaannut timmisartuussisarnissat pillugit pisussaafillisumik neriorsuuteqanngillat, ilaatigut timmisartuutileqatigiiffiit angallavissanut pilersaarusionerminni sivisoorujussuarmut (ukiut 3 – 5) suliaqarnerat pissutaalluni, ilaatigullu mittarfiit sananeqassanersut qularnaarneqariinngippat isumalluutiminnik atuinissamik kissaateqannginnerat pissutaalluni, ilaatigullu timmisartuutileqatigiiffiit arlaannaallunniit maannakkorpiaq 2023-imiit siumut Kalaallit Nunaannut timmisartumik aqqutissamik imaluunniit timmisartumik attartormik imaluunniit timmisartuussinermik aallartitsinissamut periarfissaqarfiusunik ingerlatsinikkut nalilersuinissamut periarfissaqarsimanginnerat pissutaalluni.

Oqaloqateqarneq Kalaallit Airports A/S-ip Europami timmisartuutileqatigiiffinnut ingerlateriigaa aallaavigalugu ingerlatseqatigiiffik naliliivoq, mittarfiit naammassereerpata Kalaallit Nunaannut timmisartuussisarnissamut annertuumik soqutiginnitsilertoqarsinnaanera piviusorsiortoq.

Apeqquut 57: Apeqquut 55-imut akissummi ornitassat suut akillu qanoq ittut naatsorsuutigineqarpat?

Akissut: Ataatsimut naliliisoqarpoq mittarfiit nutaamik ilusiligaanerat tamarmiusoq angallavissanik ornigassanullu nutaanut periarfissaqalersitsissasut. Kisianni sullitat kissaatigisaasa pisariaqartitaasalu aammalu niuerfiup ineriartornerata malitsigisaanik aqqutissat ornigassallu aaqquissuunnissaat niuerfimmi angallassisartut nammineerlutik aalajangertussaavaat.

Akigititat pillugit takuuk apeqqummut 55-imut akissuteqaat. Tassunga tunngatillugu oqaatigineqarsinnaavoq, ilaasunut ilusiliinermi nutaami Kangerlussuup aamma ornigassamik akornanni mittarfimmit annerusumit minnerusumut timmisartuunneqartariaaruttunut ataatsimut katillugu 1.000 koruuninik billetsit akikillissasut naatsorsuutigisaqarneq, inuiaqatigiit aningaasaqarnerannut sunniutaasussanik nalilersuinermi naatsorsuinermi ilaatinneqarpoq. Tassa imaappoq, assersuutigalugu Upernaviup aamma Københavnip akornanni siumut utimullu angalanermi billetsimi 2.000 koruunit sipaarneqassasut naatsorsuutigineqarsinnaasoq.

Mittarfimmit annerusumit minnerusumut timmisartuussinerit aamma sipaarutissat pillugit paasissutissanut annertunerusunut innersuussutigineqarpoq "Mittarfiit annertusaavineqarneranni inuiaqatigiit aningaasaqarnerannut sunniutaasussanik nalilersuineq, Alloriarneq 2" immikkoortoq 3.1.

Apeqqut 58: Ilulissanit ilaasut ukiukkut Nuummukaratik Keflavikimut timmisartuunneqassappata KAIRS-ip aningaasaqarneranut qanoq sunniuteqarnissaanut kisitsisit Deloittemit pigineqanngillat. Tamatuma paasinarsisinneqarnissaa naatsorsuutigineqarpa?

Akissut: Apeqqut kalaallisut aamma danskisut assigiinngissuteqarpoq. Kalaallisoortaani paasinarsisitsinissaq naatsorsuutigineqarnerisooq taamaallaat apeqqutigineqarpoq.

Apeqqummut matumunnga akissuteqaammut ilassutissanik Kalaallit Airports A/S-imit piniartoqarpoq.

Kalaallit Airports A/S-ip apeqqut misissorsimangilaa, tassami tamanna ingerlatseqatigiiffimmut suliakkiissutiniinngimmat, taamatullu ingerlatseqatigiiffik tamatuma kingorna pissutsinik taakkuninnga misissuinissamik piunaffigineqarsimanani.

Tamanna oqaatigereerlugu oqaatigineqassaaq, Ilulissat aamma Keflavik-ip akornanni toqqaannartumik timmisartuussinerit ingerlatseqatigiiffimmut sunniuteqarnerlussanngitsut Kalaallit Airports A/S naliliisoq, tassami Ingerlatsinissamut Aningaasalersuinissamullu pilersaarummi naatsorsuutigineqarpoq ukiup annerpaartaani Ilulissanut tassanngaaniillu toqqaannartumik timmisartuussisoqartassasoq.

Kalaallit Airports A/S-iip Nuummi aamma Ilulissani mittarfiit ingerlanneqarnerat akisussaaffigisussaammagu, mittarfiup aappaanit aappaanut ilaasunik aallartussanik nuutitsinerup taamaalliluni ingerlatseqatigiiffiup angusai tamarmiusut allangortitussaangilai, tassami mittarfiup aappaanit imaluunniit aappaanit timmisartuussisoqarnerisooq apeqqutaatinnagu, aammalu taakkua ornigassamut ataatsimut allamulluunniit timmisartortoqarnerisooq apeqqutaatinnagu, ilaasunut aallartunut tamaginnut ilaasunut aamma timmisartumut akitsuutit akilersinneqartartussaammata.

Apeqqut 59: Kangerlussuup Sisimiullu akornanni aqquserniornissaq naalackersuisoqatigiinnit neriorsuutigineqarpoq. Sisimiunit ilaasussat

**Nuummukaratik Ilulissaliaratillu Kangerlussuarmut biilerluni
Kangerlussualiarnissaq toqqassappassuk KAIRS-ip ilaasorisassaasa
amerlassusissaannut qanoq sunniuteqassava?**

Akissut: Angallaviit, akulikissutsit aamma kajumissaarutit pillugit ilaatigut apeqqummut 53-imut akissuteqaat takuuk.

Kangerlussuarmi ilaasut tunngavigineqartut, Sisimiut aamma Kangerlussuup akornanni aqqusinniornissaq apeqqutaatinnagu, Kangerlussuarmi imarpik qulaallugu timmisartuussinerup atorsaasumik akulikissuseqartinnissaanut naammassasut ilimanaateqanngitsoq naliliisoqarpoq. Taamaattumik ilaasut Sisimiuneersut Ilulissat imaluunniit Nuuk aqqusaarfittut atussagaat ilimanaateqarnerpaajuvoq, tassami taakkunani malunnaatilimmik akulikinnerujussuarmik ingerlasoqartussaammat.

Apeqqut 60: Aqqusineq Namminersorlutik Oqartussanit aamma akilerneqassappat missingersuutininut tamanna qanoq sunniuteqassava?

Akissut: Sisimiut aamma Kangerlussuup akornanni aqqusineq inatsisissatut siunnersuutip matuma ataani sammineqanngilaq. Apeqqutip naammattumik akineqarsinnaanissaanut, uppenarsaatinut tunngavissat pitsaassusillit taamaattut suli pissarsiaritinneqanngillat. Aqqusinniassamut suliassaq erseqqinnerusumik misissorneqaleruttorpoq aammalu immikkut sularineqartussatut aalajangiiffigineqartussatullu kingusinnerusukkut saqqummiunneqarsinnaalluni.

Apeqqut 61: Timmisartoqarfittaarnermi aalisakkanik nutaanik avammut tunisaqalernissaq naatsorsuutigineqarpoq, inuussutissanulli oqartussaaffik nunatsinnit suli tiguneqanngilaq, taamaattumillu ilaatigut USA-mut tunisaqarsinnaanissaq qulakkeerneqarnissaanani. Aalisakkanik avammut tunisat sumut tunineqarnissaat naatsorsuutigineqarpa?

Akissut: Akissutissaq inatsisissatut siunnersuummut matumunnga killissaliussat avataanniippoq.

Sunniinerit ineriartortuurtussat pillugit Apeqqummut 62-imut akissuteqaat matuma kingulianiittoq takuuk.

Apeqqut 62: Patajaatsumik pilersuisinnaaneq pissutigalugu Keflavik aalisakkanik nutaanik ullut tamaasa avammut tunisaqartarpoq. Aalisakkanik sorlernik ullormullu qanoq amerlatigisunik Nuummit Ilulissanillu patajaatsumik pilersuisoqarnissaa naatsorsuutigineqarpa?

Akissut: Akissutissaq inatsisissatut siunnersuummut matumunnga killissaliussat avataanniippoq. Aalisakkanik aamma qalerualinnik nutaanik avammut nioqquteqarneq aalisarnermi suliaqartut aamma aalisarnermi suliffissuit susassaqarfigaat. Taamaattoq Naalakkersuisut isumaqarput mittarfiit ilusiligaanerisa sunniuteqarluarnerulersinneqarnerani aamma nassiussanik assartuusseriaatsit sunniuteqarluarnerulernissaat tunngavissinneqassasoq – ilanngullugu aalisakkanik qalerualinnillu nutaanik avammut nioqquteqarnermut tunngatillugu. Nassiussanik, assersuutigalugu aalisakkanik, assartuussinerup sunniuteqarluarnerulersinneqarnerata malitsigisaanik ineriartorneq tassaavoq sunniineq ineriartortuortoq, inuiaqatigiit

anigaasaqarnerannut sunniutaasussanik nalilersuinermi anigaasanngortinneqarsimangitsoq. Sunniinera neriulluarnartuussasoq naliliisoqarpoq, taamaattoqassappallu inuiaqatigiit anigaasaqarneranni angusat tamarmiusut pitsaanerulersinneqassallutik.

Apeqquut 63: Apeqquut 61-imut tunngatillugu ATR 72-it, ilaasoqarlutillu assartuisinnaasut (assartukkat 2 tons kiisalu ilaasut 50-it), atorneqarpata inuiaqatigiit anigaasaqarnerannut qanoq sunniuteqassava?

Akissut: Nuummi, Ilulissani aamma Qaqortumi 1.199 meterimik mittarfiliornerni inuiaqatigiit anigaasaqarnerannut sunniutaasussat naatsorsorneqarnerat, apeqquummut 53-imut akissuteqaammi erseqqinnerusumik nassuiarneqarpoq.

Nassiussanik assartuussinerup ingerlatinnissaata sunniuteqarluarnerulersinneqarnerata inuiaqatigiit anigaasaqarnerannut sunniinera, periarfissatut ilusiliani pineqartuni anigaasanngortinneqanngilaq. Taamatut sunniuteqarluarnerulersitsineq nioqqutissat akiisa appasinnerulernerattut imaluunniit qinigassat amerlanerulernerattut iluseqarluni atuutilersinnaavoq, taamaalillunilu tassaalluni sunniineq ineriartortuartussa.

Kisiannili nassiussanik angallassinerup assersuutigalugu ATR 72 nassatanut matoqartoq atorlugu Dash 8 Q200 atorneqarneranit sunniuteqarluarnerusumik pissasoq eqqorsinnaavoq. Taamaaqataanik periarfissatut ilusiliani allani 1-imi aamma 2-mi nassiussanik assartuussinerup sunniuteqarluarnerulersinneqarnera, taamatuttaaq pitsaasumik iluaqutaassaaq, tassani Ilulissani aamma Nuummi mittarfiit nutaat assersuutigalugu Airbus 330-200, timmisartup 278-inik ilaasoqarnerani nassiussanik 10 - 12 tonsinik annertussusilinnik nassarsinnaasoq, atorlugu timmisartuussisoqarsinnaalluni.

Apeqquut 64: Apeqquut 61-imut tunngatillugu takornarianik Islandimit toqqaannartumik illoqarfiit tikiqqartalerat qanoq sunniuteqassava (ATR 72 imaluunniit Dash 8 Q400)?

Akissut: Apeqquut imatut paasineqarpoq apeqquummut 53-imut innersuussisoqartoq aammalu apeqquummut 61-imut, aalisakkanut tunngassuteqartumut, tunngassuteqanngitsoq.

Illoqarfinnut Ilulissat aamma Nuuk, ullumikkut Islandimit toqqaannartumik takornarianik assartuussisoqartareerpoq. Assersuutigalugu Air Iceland Connect Islandimeersoq Ilulissanut ukiumut qaammatit 7-it missaanni timmisartuussisarpoq.

Naalackersuisut isumaqarput, toqqaannartumik timmisartuussineq – minnerunngitsumik takornariatitsisarnerup iluani ineriartortitsiniarluni- illoqarfinnut annertooujussuarmik iluaqutissartaqartoq. Takornariatitsisarnerup iluani ineriartortitsineq taamaattoq sunniineruvoq ineriartortuartussa anigaasanngortinneqarsimangitsoq, periarfissatut ilusiliani allani pineqartuni pitsaasutut nalilerneqartoq. Takornariatitsisarnermi periarfissaqarfiusut atorneqarnissaannut, Nuummi aamma Ilulissani akunnittarfimmik naammattunik inissaqartitsisumik peqalernissaa pisariaqarpoq.

Apeqquut 65: A321 imaluunniit Air Greenlandimit atorneqartumit Norsamit timmisartut mikinerit allat atorlugit ingerlaarfiup København-Kangerlussuup tamanut neqeroorutigineqarneratigut billetsit qanoq akikinnerulersinneqarsinnaappat?

Akissut: Angallaviit aalajangersimasut tamanut ammasumik suliariumannittussarsiuullugit neqeroortitsinermit sunniutaasussanik nalilersuinernik erseqqinnerusunik Naalakkersuisut suliaqanngillat. Taamaattoqassappat tassani tunngaviatigut Kalaallit Nunaannut aamma Kalaallit Nunaanni niuerfinnut periarfissat ammatinneqarlutik maannamut suleriaatsit allanngortinneqartussaassapput.

Danmarkimi Trafik- Bygge og Boligstyrelsen Namminersorlutik Oqartussanut sioqqutsisumik tusarniaanertaqartumik, ingerlatseqatigiiffinnut teknikkikkut isumannaallisaanikkullu piumasaqaatinik naammassinnissinnaallutik uppersaasannaasunut, akuersissummik tunniussisarpoq.

Naalakkersuisut naliliipput mittarfiup ilusaa unammilleqatigiinnerulersitsisutut aammalu sunniinerit ineriartortuurtussat piviusunngortinneqarnissaannut iluaqutaasusaaq, billetsit akiini, piffissami angalaffiusussami il.il. sipaaruteqarnissamut tunngatillugu sunniuteqarluarnerusussaasoq.

Apeqquut 66: Timmisartut ATR 72-it aamma/imaluunniit dash 8 Q400-t atorlugit Kangerlussuarmiit (Keflavikimiillu) illoqarfinnut apeqquummi 61-imi pineqartunut (mittarfiit angissusissaattut taaneqartut naapertorlugit) tamanut timmisartuussinerit tamanut neqeroorutigineqarnerisigut billetsit qanoq akikitsigilersinnaappat?

Akissut: Apeqquut imatut paasineqarpoq illoqarfiit aamma mittarfiit takissusai Apeqquummi 43-imi allatorneqartut innersuussutigineqartut – aammalu Apeqquummi 61-imut, aalisakkanik avammut nioqquteqarnermut tunngassuteqartumut, apeqquummi allasimasut pineqanngitsut.

Angallaviit tapiiffigineqanngitsumik piujuartitsiviusut tamanut ammasumik suliariumannittussarsiuullugit neqeroortitsiviginissaannik, taamaalillunilu assersuutigalugu billetsit akiini sipaaruteqarnerut, pitsaassuseqarnerulernertut akulikinnerulernertullu aammalu ornigassat amerlanerulersinnissaannut periarfissatut iluseqartunik iluaqutissartaasunik malitseqartussani angallavinni unammilleqatigiittoqarsinnaanerata periarfissaajunnaarsinnissaanik, Naalakkersuisut siunertaqanngillat.

Apeqquummi 65-imut akissuteqaat takuuk.

Apeqquut 67: Mittarfinnik ingerlatsineq kisimi Mittarfeqarfinit ingerlanneqalerpat aammalu assersuutigalugu innaallagissamik imermillu pilersuineq Naalakkersuisoqarfinnut susasaqartunut tunniunneqarpat Mittarfeqarfiit qanoq akikinnerutigisumik ingerlanneqalersinnaappat?

Akissut: Apeqquut inatsisissatut siunnersuummut matumunnga killissaliussat avataanniippoq, taamaattumillu pingaarnertiguinnaq akissuteqarfigineqarluni.

Mittarfeqarfiit aningaasaqarnerata ullumikkut Mittarfeqarfiit suliassanik amigaartooruteqarfiusunik arlalinnik, mittarfimmik ingerlatsinerup toqqaannartumik ataaniinngitsunik, suliaqarneranit atuiffigineqartarnera, eqqorpoq. Tassani assersuutigalugu pineqarput pilersuinermit suliaqarneq, eqqagassalerineq il.il. Sullissinerit

taakkua Mittarfeqarfiit aningaasaqarneranni atuiffiunerisa kingunerisaanik naggataatigut ilaasut Mittarfeqarfinnut aallarnermut ilaasunullu akitsuutit aqutugalugit suliassat taakkua suliarineqarnissaannut akiliisarput. Sunniuteqarluarnerulersitsinikkut imaluunniit allami suliarinnittalernermut suliassanik allannortitsinikkut Mittarfeqarfiit aningaasaqarnera tamatumunnga naapertuuttumik pitsaanerulersinneqassaaq, tamannalu billetsit akiisa annikillisinneqarnerannik malitseqarsinnaavoq, tassami aallarnermut ilaasunullu akitsuut taamaalillutik annikillisinneqassammata.

Suliassanik amigartooruteqarfiusunik taamaattunik nuussinermi, amigartoorutit suliassanik suliarinninnermi pisartut taakkua matussuserneqarnissaat isummerfigineqartussaassaaq. Tamanna isumaqarpoq Mittarfeqarfiit suliassat suliarineqarneranni amigartoorutaasunut naapertuuttumik aningaasartaqartillugit suliassat tunniutsissagaat imaluunniit suliassaqarfiup attuumassuteqartup iluani amigartoorutaasunik aningaasalersuutissarsisoqartussaassasoq.

Kapitali 4-mut – Mittarfinnut neqerooruteqartitsineq kiisalu atorfinitsitsinermut tunngasut:

Apeqquut 68: Mittarfissat nutaat sanaartortitsisunit nunanit allaneersunit aammalu nunanit allaneersunit sulisulinnit kommuninut akileraarutininik akiliisussaanningsunit sanaartorneqarnissaat pisortanit toqqarneqarpat, tamanna sanaartugassanut anginerusunut allanut maligassiuinnaava?

Akissut: Ilusiliani aalajangiunneqartumi ilanngaasiinnginnermi akileraarusiisarnermut aqqissuussinermut tunngatillugu pingaarnersaat ullumikkut suliassanut angisuunut inatsisip iluani atorneqareerput. Aqqissuussinermi taamaattumi immikkuullarilluinnartumik inatsimmi tunngaveqarnissaq pisariaqarpoq, aammalu tamanna tunngavigalugu 2017-imi ukiaanerani ataatsimiinnermi Naalackersuisut aalajangerput, tamanna pillugu inatsisissatut siunnersuummik Inatsisartunut saqqummiussiniarlutik, taakkualu taanna akueraat. Taamaalilluni mittarfilliassanut suliassanut pineqartunut aqqissuussinermik taamaattumik atuutsitsilernissaq pillugu inatsisiliortup aalajangiinerani, maligassiuinnaasunik pilersoaqartussaannngilaq.

Torsaarnissaq eqqarsaatigalugu erseqqissarneqassaaq, ilanngaasiinnginnermi akileraarutit aallaaviatigut aningaasaqarnikkut isigalugu sulisartunut ataasiakkaanut akileraaruseeriaasiunngimmat sukanninnginnerusoq. Ilanngaasiinnginnermi akileraarutip procentia, nalinginnaasumik ataatsimut katillugu akileraarutip procentianit, aallaaviatigut appasinnerugaluarpog, kisianni parlattuanik ilanngaasiisoqartannngilaq. Tamanna pillugu inatsisissatut siunnersuummut nassuiaatit nalinginnaasut, UKA2017-imi imm. 38-itut akuerineqartoq, innersuussutigineqarput.

Apeqquut 69: Nuup tikkineqarsinnaassusiata pitsaannnginnera inuiaqatigiit aningaasaqarnerannut kingunissat pillugit naliliinermi ilanngunneqarsimannngilaq. Aallarnermi saneraanit anori 29 knob sinnerpagu timmisartut sarpeqannngitsut (jetfly) aallarneq sapermassuk aammalu ataatsimut isigalugu nunami anori 50 knob sinnerpagu ingerlasinnaannngimmata uuttuutit taakku ulluni qassini qaangerneqartussatut naatsorsuutigineqarpat.

Akissut: Apeqqummut matumunnga akissuteqaammut Kalaallit Airports A/S-imit ilassutissanik piniartoqarpoq.

Apeqqut imatut paasineqarpoq, anorip sukkassusaanut killissaliussat taaneqartut marluk taakkua piffissami 10 minutsinik sivilissuseqartumi anorsarinneranut anorimut uuttuinnermut attuumassuteqartut.

Nuummi Mittarfimmi maannakkut anorimut uuttuutit marluusut aappaanit paasissutissat suliarineqanngitsut pissarsiarineqarsinnaasut DMI-meersut piffissamut 2007 – 2010-imut ukiunut sisamanut, uuttuutit makkuunnga tunngatillugu misissoqqissaagaapput "Mean wind directions over the 10-minute period preceding the observation" aamma "Mean wind speed over the 10-minute period preceding the observation". Najoqqutarisat: DMI, "Technical Report 11-15, Weather and climate data from Greenland 1958 – 2010, Observation data with description".

Tamanna tunngavigalugu mittarfimmi teqqorissumi anorip sukkassusaata (= anori saneraaneersoq) pisut 0,8 %-it missaanni 29 knob sinnertaraa naatsorsorneqarpoq, tamannalu ukiumut ulloq unnuarlu atuuttussat naatsorsorneqarpoq, ukiumut ullut unnuallu pingasut missaattut annertussuseqarluni.

Taamaaqataannik anorip sukkassusaa 50 knob (sammivia apeqqutaanani) pisut 0,16 %-iini qaangerneqarpoq, tamannalu ukiumut ullut unnuallu 0,6-inut naapertuulluni.

Kisiannili ersarippoq anorlertarneri apeqqummi taaneqartunik killissaliussanik qaangiisut, unnuanilu 3-ni aamma 0,6-ini ataqatigiissuni atuutissanngitsut. Anorimut paasissutissat nalunaarsukkat misissoqqissaarneqarneranni killissaliussat taaneqartut taakkua qaangerlugit anorlertarnerata ukiumut, qaammammut aamma ulloq unnuarlu agguarneqarnera qimerloorneqanngilaq.

Kalaallit Airports timmisartumik angallassisartunit paasissutissinneqarpoq, Nuummi mittarfimmi 2.200 meterimi anorimut tunngasumik piffissamik equisarnermi pitsaangitsumik allanngortoqarnissaa, taakkua naatsorsuutiginnikkaat, ilaatigut ataatsimut isigalugu timmisartumut sarpilimmut sanilliullugu timmisartumik sarpeqanngitsumik atuinnermi saneraaniit anorlertarnerata qaffasinnerunissaa akuerisaanera pissutaalluni, taamatullu aamma timmisartut angissusaa, aamma mittarfiup takissusaa, pingaartumillu silissusaa tamatumunnga pingaaruteqarluni.

Apeqqut 70: Anorimut killissarititaasut tikinneqarsinnaassuserlu apeqqut 69-imi pineqartut eqqarsaatigalugit ilulissani pissutsit qanoq ippat?

Akissut: Apeqqummut matumunnga akissuteqaammut Kalaallit Airports A/S-imit ilassutissanik piniartoqarpoq. Matuma kingulianiittut ilanngussassanit tiguneqartunit tigulaagaapput, tassani taakkua itisilernerneqarnissaannut ilanngussaq 1 innersuussutigineqarluni.

Apeqqutip matuma akissuteqarfiginissaanut tunngaviusut Nuummum tunngatillugu pisunit annikinnerupput, tassami Nuummum tunngatillugu pisut assigalugit mittarfiup anorimut uuttuutaanit paasissutissanik suliarineqanngitsunik misissueqqissaarnermik sukumiinerusumik piffissamillu atuinarnerusumik suliaqartoqanngimmat.

Kisiannili maannakkut mittarfimmit anorimut paasissutissat nalunaarsukkat aallaavigalugit teknikkikkut nalunaarusiat arlallit DMI-ip suliarisimavai, taakkunanga apeqqummut apeqqutigineqartumut attuumassuteqartunik tigusisoqarsinnaalluni.

Nuummi pisutut, aamma tassani piffissap 10 minutsinik sivilissuseqartup ingerlanerani agguaqatigiissillugu sammivia aamma anorip sukkassusaa tassani aamma pineqarpoq.

DMI-ip nalunaarusiaanit paasissutissat tunngavigalugit eqikkaalluni naliliisoqarpoq, saneraanit anorlertarneranut killissaliussat apeqqummi 69-imi taaneqartut, pisut 0,3 – 0,5 %-iini qaangerneqartartussaasut, ukiumut ullunik unnuanillu 1 – 2-inik annertussuseqarlutik, ilanngullugu pingaartumik ukiuunerani. Killissaliussap 50 knob apeqqummi 69-imi taaneqartup qaangerneqartarnerata annertussusaa aalajangersarneqarsinnaasimangilaq.

Kisiannili apeqqummut 69-imut akissuteqaatituulli oqaatigineqassaaq, anorlertarnera apeqqummi 69-imi taaneqartutut killissaliussanik qaangiisusaaq, ullut unnuallu ataqatigiissut 1 – 2 taaneqartut taakkua pisartussaangimmat.

Kalaallit Airports timmisartumik angallassisartunit paasissutissinneqarpoq, Ilulissani mittarfimmi 2.200 meterimi anorimut tunngasumik piffissamik eqquisarnermi pitsaanngitsumik allanngortoqarnissaa, taakkua naatsorsuutiginnikkaat, ilaatigut ataatsimut isigalugu timmisartumut sarpilimmut sanilliullugu timmisartumik sarpeqanngitsumik atuinermi saneraanit anorlertarnerata qaffasinnerunissaa akuerisaanera pissutaalluni, taamatullu aamma timmisartut angissusaaq, aamma mittarfiup takissusaa, pingaartumillu silissusaa tamatumunnga pingaaruteqarluni.

Apeqqut 71: Killiliisut apeqqut 69-imi taaneqartut saniatigut silarlunnera, mittarfiup quasannera il.il. pissutigalugit tikinneqarsinnaaneq ajornerulersinnaasoq naatsorsuutigineqarpa? Tamatumani ullut qassit naatsorsuutigineqarpat?

Akissut: Apeqqummut matumunnga akissuteqaammut Kalaallit Airports A/S-imit ilassutissanik piniartoqarpoq. Matuma kingulianiittut ilanngussassanit tiguneqartunit tigulaagaapput, tassani taakkua itisilernerneqarnissaannut ilanngusaaq 1 innersuussutigineqarluni.

Anorip saniatigut silamik pissuteqartumik piffissamik eqquisarneq taakkuninngalu ataqatigiissitsineq agguarneqarsinnaavoq:

- 1) Isikkiviginnera aamma pujut portussusaaq
- 2) Mittarfimmut tunngasut

Isikkiviginnera aamma pujut portussusaaq pillugu

Kalaallit Airports A/S DMI-imit silap pissusaanut nalunaarsuinerit pigineqartut tunngavigalugit, Nuummi aamma Ilulissani mittarnerit ingerlannissaannut silamik pissuteqartumik ammasarfissanik nalilersuivoq. Nalilersuinerit siunertaavoq mittarfik 2200 m nutaaq taanna minnermut atortut iluaqutaasussat ilanngullugit, maannakkut mittarfimmut sanilliullugu, silamik pissuteqartumik ammasarfinnut, qanoq sunniinissaanik paasinarsitsinissaq.

Eqikkaaneq Nuuk:

"Naliliisoqarpoq minnermut silamik pissuteqartut ammasarfiit, mittarfiup annertusarneqarnissaata pilersaarutigineqartup piviusunngortinneqarnerani, maannakkut mittarfimmut sanilliullugu, 5 %-points sinnilaarlugit sivitsorneqassasut. Mittarfiup annertusarneqarnerani minnissamat atortussat iluaqutaasussat pitsaanerulertussaapput, taamaalilluni minnermut mittarfiup avannamut taamatullu kujammut suussusilerneqarnera maannakkut suussusiliinermi avannaanit "Non-precision approach"-imit aamma kujataanit

"Non-instrument"-imit allanngortinneqassasoq "Precision Approach Category I"-nngorlugu".

Eqikkaaneq Ilulissat:

"Minnerit pisut 80 %-iisa missaanni anorlernerani pisut pissutigalugit kujataanit pisassapput, tassanilu naliliisoqarpoq minnermut silamik pissuteqartumik ammasarfiit, mittarfiup annertusarneqarnissaata pilersaarutigineqartup piviusunngortinneqarnerani, maannakkut mittarfimmut sanilliullugu, 4 %-points missaanni sivitsorneqassasut.

Pisut 20 %-iisa missaanni avannaanit minnerni, naliliisoqarpoq minnissanut silamik pissuteqartumik ammasarfiit 10 %-points-itut annertussusilimmik sivitsorneqassasut.

Mittarfiup annertusarneqarnerani minnissamut atortussat iluaqutaasussat pitsaanerulertussaapput, taamaalilluni minnernut mittarfiup avannamut taamatullu kujammut suussusilerneqarnera maannakkut suussusiliinermi "Non-precision approach"-imit "Precision Approach Category I"-imut allanngortinneqassalluni.

Mittarfimmut tunngasut

Kalaallit Airports A/S-ip apeqqummut tassunga tunngatillugu ilaatigut Air Greenland oqaloqatigaa.

Timmisartut Dash-8-it ullumikkut Nuummi atorineqartut, maannakkut mittarfiusumi mittarfiup quasanneranit il.il. akornuserneqartanngillat. Kisiannili timmisartut siunissami atorineqartussatut naatsorsuutigineqartut, mittarfiup aputeqarnerata sermeqarneratalu malitsigisaannik killilerneqarlutik misigisassavaat, tamannalu uninniarnermi kigaallattarneranik annikillisisusaaavoq. Tamanna piffissamik eqquisarnermut qanoq sunnuteqassanersoq, mittarfissami aputaajaanermut atorineqartussat annertussasat apequtaassaaq, kisianni qanoq pisoqaraluarpuunniit piffissamik eqquisarnermut sunnuteqarnerlussasoq naatsorsuutigineqarluni.

Taamaattoq tassunga atatillugu Kalaallit Airports A/S-ip oqaatigaa, ingerlatseqatigiiffiup mittarfinni aputaajaanermut naammattunik atugassiinissaq siunertarigaa, tamatuma piffissamik eqquisarnermut mittarfimmi pissutsit sunniisarnerat annertuumik annikillissallugu.

Apeqqu 72: Timmisartuussisartut kikkut Nuummi Ilulissanilu timmisartuussimasut oqaloqatigineqarpat aammalu apeqqut 69-imut 70-imullu tunngatillugu nangaassutaat suuppat?

Akissut: Apeqquummut matumunnga akissuteqaammut Kalaallit Airports A/S-imit ilassutissanik piniartoqarpoq. Matuma kingulianiittut ilanngussasanit tiguneqartunit tigulaagaapput, tassani taakkua itisilerneqarnissaannut ilanngussaq 1 innersuussutigineqarluni.

Nuummut aamma Ilulissanut timmisartuussinermi timmisartumik angalanermi teknikki aamma isumannaallisaanermut tunngasut pillugit Kalaallit Airports A/S-ip ilaatigut Air Greenland qanimut oqaloqatigaa, aammalu mittarfissanut suliasat timmisartumik angallannermut oqartussat akuersissuteqarnissaat pillugu Trafik-, Bygge- og Boligstyrelsen-imut qinnuteqaateqarnermut atatillugu sanaartornermut pisussanut

pilersaarutininik aamma najoqqutassanik suliaqarnermut atatillugu aarlerinaataasunik nalilersuinerni piumasagaatigineqartuni aammattaaq Air Greenland-imit aallartitat peqataasimallutik.

Ataatsimut isigalugu timmisartumik angalasartut tungaanniit Nuummi aamma Ilulissani mittarfissanut nutaanut timmisartornermut tunngasunik isumanerluuteqarneq oqariartuutigineqanngilaq. Paarlattuanik naliliisoqarpoq mittarfiit nutaat maannakkornit pitsaanerusunik timmisartornermut tunngasunik malitseqassasut.

Taamaattoq nangaassuteqarnerit, Nuummi aamma Ilulissani aalaruluttarnermut tunngassuteqartut, aammalu teknikkikkut ikkussugassatut naatsorsuutigineqartut pitsaanerulersinneqarsinnaanersut, soorlu assersuutigalugu qaammaqquutit qiterliit kiisalu ingerlaarfinni qaammaqqusiineq, iluaqutaasumik isumaliutersuutigineqarsinnaasoq, taaneqarput.

Kalaallit Airports A/S-ip teknikkikkut mittarfimmi ikkussuinissanut atatillugu oqaatigaa, mittarfimmi ikkussuinissanut tunngatillugu, sanaartorerup taamatullu ingerlatsinerup immikkoortuini, ingerlatseqatigiiffiup maannakkut siunissamilu angallassisartussat aamma ingerlaavartumik oqaloqatigisartussaagai. Aalajangersimalluinnartumik oqaatigineqarsinnaavoq, ingerlaarnermut qaammaqquutit Nuummi aamma Ilulissani suliassani ilaareermata. Qaammaqquutit qiterliit aallarnerni piffissamik eqquisarnermik pitsaanerulersitsinermik taamaallaat malitseqartussat, mittarfiit ukiukkut aserfallatsaaliorneqarnissaannut tunngatillugu ajornartorsiutitaqarneri pissutaalluni, suliassami siusissukkat taamaatinneqarput.

Kapitali 5-imut – Kalaallit Airports A/S-ip suliaqarnera:

Apeqquut 73: § 15, imm. 3 naapertorlugu ingerlatseqatigiiffiup mittarfiinut akit akinullu tunngaviusut taakkununngalu allannguutissat Aningaasaqarnermut Akileraartarnermullu Ataatsimiititaliamit siumoortumik akuersissutigineqareerlutik Naalakkersuisunit akuerineqartarnissaat ataatsimiititaliamit siunnersuutigineqarpoq. Siunnersuutip aappassaaneerseqarnissaanut allannguutissatut siunnersuummik saqqummiusseqqullugit Naalakkersuisut ataatsimiititaliamit qinnuigineqarput.

Akissut: Ingerlatseqatigiiffiup akigititanik aamma akigititanut tunngaviusunik aalajangersaanerani, akigititat aamma akigititanut tunngaviusut ingerlatsinermik aallaaveqartut inuiaqatigiinni mianerisassanut naammattumik nalimmassarneqarnissaat politikikkut nalilersorneqarnissaa pingaaruteqartoq, Naalakkersuisut Ataatsimiititaliaq isumaqatigaat.

Kisiannili atugassarititaasut killissaliussat Kalaallit Airports A/S-imut piumasagaatigineqartut niuernermit ingerlatsinikkut ingerlatsinissamut sapinngisamik annertunerpaamik tunngavissaliinissaa, taamaallunilu taarsigassarsititsisussanut toqqissisimanartumik qularnaarinissai, pingaaruteqarpoq. Akigititat aamma akigititanut tunngaviusut akuerineqarnissaannut suliap ingerlaneranut tunngatillugu pisariussusaasa annertusitinneqarnera, taarsigassarsititsisussanut aamma Kalaallit Airports A/S-ip sapinngisamik taarsigassarsinermut pitsaasunik atugassarititaasunik angusaqarsinnaassusianut tunngatillugu naleqqutinngitsoq, maannakkorpiaq naliliisoqarpoq.

Umiarsualiviit pillugit Inatsisartut inatsisaanni nr. 9, 3. juni 2015-imeersumi, ilaatigut Sikuki Nuuk Harbour-imut tunngatillugu pissutsinik maleruagassiiviusumi, § 16, imm. 3-imi allassimavoq akigititat aamma akigititanut tunngaviusut kiisalu taakkunani allannguuteqartitsinerit Naalakkersuisunit akuerineqartussaasut.

Naalakkersuisut inassutigaat inatsisissatut siunnersuummi maannakkut ilusiliineq attatiinnarneqassasoq,

- akigititat aamma akigititanut tunngaviusut taakkunanilu allannguuteqartitsinerit § 14 malillugu niuernermik ingerlatsinermik tunngaveqartumik tunngavilersorneqartassasut,
- Kalaallit Airports taarsigassarsinissamut sapinngisamik pitsaanerpaanik pitsaasunik tunngavissaqartinneqartariaqartoq aamma
- ingerlatseqatigiiffiit attaveqarnermik ingerlatsisut pillugit inatsisini suleriaatsit malillugit akigititat aamma akigititanut tunngaviusut naalakkersuisunit akuersissutigineqartarmata.

Apeqqu 74: Billetsit akii qanoq sunnerneqassappat, tamanut akikinnerulissappat aammalu tamanna qaqugu naatsorsuutigineqarsinnaava?

Akissut: Assartuussinermik suliaqarnerup sunniuteqarluarnerulersinneqarnerata aamma unammilleqatigiittoqarnerulerenerata malitsigisaannik qaqugu aamma qanoq sipaaruteqartoqarnissaq piviusunnigussanersoq, erseqqissumik aalajangersarneqarsinnaanngilaq. Kisianni erseqqissarneqarsinnaavoq, mittarfiit nutaamik ilusiligaaneranni angalasut amerlanerit billetsit akiini aamma piffissami angalaffiusumi sipaaruteqarnissaat tunngavissinneqartussaasoq. Tamatuma saniatigut timmisartumik angallannermi unammilleqatigiinnerunissamut aammalu takornariartitsinerup inuussutissarsiornerullu ineriartortinneqarneranni malunnaatilimmik ineriartortitsinissamut tunngavissiisoqartussaavoq. Tamanna inuiaqatigiinnut tamakkiisunut iluaqutaasussaavoq.

Kalaallit Airports A/S aammalu attaveqarneq pillugu apeqqu tit allat:

Apeqqu 75: Nunatsinni angallannerup ataqatigiinnginnerujussuanut nunanit tamalaanit mittarfissat nutaat qanoq pitsanngoriartitsisussatut naatsorsuutigineqarpat?

Akissut: Mittarfiit nutaamik ilusiligaanerat nalinginnaasumik aammalu immikkut imarpik qulaallugu angallannerup nutaamik ilusilerneqarnera, takornariartitsisarnerup iluani aamma inuussutissarsiornerup nalinginnaasumik sunniuteqarluarnerulersitsinertut, sipaaruteqarnerit ineriartortitsinertullu iluseqartunik malunnaatilimmik pitsanngorsaanermik malitseqartussaapput. Tassunga ilanngutissapput angallannerup akikinnerulernissaanut annertusitinneqarnissaanullu periarfissaqarfiusut, inuiaqatigiit iluanni ataqatigiinnginnerujussuanut pitsanngorsaanissaat, taamatullu Kalaallit Nunaata ornigassanut pioreersunut nutaanullu attaveqarneranut periarfissaqarfiusut pitsanngorsarneqartussaallutik.

Eqikkarlugu mittarfiit nutaamik ilusiligaaneranni ilaasut sapinngisamik amerlanerpaat ornigassaminnut tassanngaaniillu toqqaannartumik apuuttarnissaat qulakkeerneqartussaavoq, maannakkut mittarfiit ilusiligaaneranni, mittarfiit aqqusaarfiusartut oqaluttuarisaanikkut isigalugu sakkutooqarfik eqqarsaatigalugu sanaartorneqarsimallutik.

Apeqquut 76: Mittarfiit maanna aaqjissuusaanerannut tunngatillugu nunanit tamalaanit mittarfiit Mittarfeqarfinnut qanoq kinguneqassappat?


Akissut: Kalaallit Airports A/S-ip ataani imarpik qulaallugu timmisartunut mittarfiit nutaat taakkua, pingaartumik Kangerlussuarmi isertitassanut tunngavissat annikillisinneqarnerattut ilusilimmik Mittarfeqarfinnut aningaasaqarnikkut annertuumik sunniuteqartussaapput.

Taamaattumik mittarfiit nutaamik ilusiligaanerannik pilersitsinermi mittarfeqarnermi tamarmiusumi aningaasaqarnerup ajoquserneqannginnissaata qulakkeernissaa Naalakkersuisut annertuumik aallussimavaat – tassani ilaalluni mittarfiit aamma qulimiguulinnut mittarfiit akornanni sinneqartooruteqarfiusartut amigartooruteqarfiusartullu akornanni taperseeqatigiissitsisarnermi atuuttumi tunngaviusut.

Misissueqqissaarneq ”Mittarfeqarfiit, Mittarfiit nutaamik ilusiligaanerannut atatillugu ingerlatsinermi aningaasaqarnikkut sunniutaasussanik naatsorsuinerit”, Deloitte 2017, tunngavigalugu mittarfiit nutaamik ilusiligaaneranni Mittarfeqarfiit aningaasaqarnerannut sunniutaasussat misissoqqissaarneqarput. Misissueqqissaarnermi tassani inerniliussat tunngavigalugit inuiaqatigiit aningaasaqarnerannut aamma missingersuutini aningaasaqarnermut sunniutaasussanik nalilersuineri, Periarfissatut ilusiliaq alla 1-imi aamma 2-imi, Mittarfeqarfinnut ukiumut tapiissutinut 60 aamma 75 mio. koruuninik annertussusilinnik allatut agguaanissaq naatsorsuineri ilanngunneqarpoq.

”Mittarfinnik annertusaanermi inuiaqatigiit aningaasaqarnerannut sunniutaasussanik nalilersuineri, Alloriarneq 2” (danskisoortaani), qupperneq 47-imi ilusiliaq 27-imi, mittarfiit nutaamik ilusiligaaneranni tassani nunap karsiani ukiumiit ukiumut periarfissatut ilusiliaq alla 1-imi isertitassat aamma aningaasartuutissat takussutissinneqarput. Tassani ilaatigut ilaatinneqarput Mittarfeqarfinnut tapiissutinut aningaasartuutissat 60 mio. koruuniusut, takukkit matuma siulianiittut.

Ilusiliaq 1: Periarfissatut ilusiliaq alla 1-imi nunap karsianut tunngatillugu ilanngaaseereermermi aningaasat ingerlaanerannut takussutissiaq (mio. kr.)



Ilusiliami matuma siulianiittumi takuneqarsinnaasutut mittarfiit nutaamik ilusiligaaneranni tassani Periarfissatut ilusiliaq alla 1-imi ukiumiit ukiumut nunap karsiani sipaarutaasussat, aningaasartuutissanit annertunerupput, ilanngullugu Mittarfeqarfinnut aningaasartuutit ilaatinneqarlutik.

Apeqquut 77: Tasiilaq aamma Ittoqqortoormiut mittarfissallu mikisut allat qaqugu tullinnguutissappat?

Akissut: Mittarfiit pineqartut inatsisissatut siunnersuummi matumani ilaatinneqanngillat. Paasissutissiissutigineqarsinnaavoq, mittarfinnut taakkununga tunngatillugu aalajangiinissamut tunngavissat pitsaassuseqalersinnissaat Naalakkersuisut sulissutigigaat. Taakkua pigineqalerpata, immikkut politikikkut suliarineqarnissaannut aalajangiiffigineqarnissaannullu saqqummiunneqarsinnaalissapput.

Apeqquut 78: 600 meteriinnarmik takissusilimmik Ittoqqortoormiuni mittarfiliortoqalersaarpa? Imaluunniit mittarfik atorluarneqarsinnaaqqullugu takinerutinniarnearpa?

Mittarfiit pineqartut suliniummut ataatsimut atatinneqarsimmata taakku pillugit aamma paasissutissinneqarnissaq kissaatiginarpoq.

Akissut: Takuuk apeqquummut 77-imut akissuteqaat. Tassunga tunngatillugu paasissutissiissutigineqarsinnaavoq, Naalakkersuisut aallaaviatigut piginnaatitsissuteqarnerup aammalu suliassap UKA2015/18+167-imi aalajangiinerni Naalakkersuisunut suliakkiissutigineqartup killissaasa iluanni, periarfissanik misissuimmata. Tassani Ittoqqortoormiit eqqaanni 650 meterimik illoqarfimmut qanittumi nunap immikkoortuani mittarfiliornissamik piareersaanissamut Naalakkersuisut suliakkerneqarput.

Kisiannili angallassinermut tunngasut Ittoqqortoormiit eqqaanni mittarfiup allatut takissuseqartinnissaanik isumaliutersuuteqarnissamut tunngavilersuutaasinnaasut Naalakkersuisut eqqumaffigaat. Naalakkersuisut maannakkorpiaq tamanna pillugu aalajangiinissamut tunngavissat pitsaassuseqalersinnissaat suliaraat, tamatuma kingorna suliassat tamakkiisumillu Inatsisartuni politikikkut suliarineqartussatut aalajangiiffigineqartussatullu saqqummiunneqarsinnaalissalluni.

Apeqquut 79: Air Greenlandip timmisartuutai ukiukkut naammattumik timmisartuussisinnajaajunnaarsimapput. Taakku taarsersornissaannut mittarfiliornerit sunniuteqassappat?

Akissut: Atortunik toqqaaneq taarsiinissarlunniit timmisartumik angallassisartut aalajangertussaavaat. Kisiannili mittarfiit nutaamik ilusiligaanerat mittarfinni nutaani atortunik allaanerusunik atuilernissamut pilerilersitsisinnaassasoq, taamatullu unammilleqatigiittoqarneruernerani timmisartut allaanerusut atorneqalernerannik kinguneqarsinnaasoq, Naalakkersuisut akerlilersinnaanngilaat.

Apeqquut 80: Nuummi Ilulissanilu mittarfinni atlantikoq qulaallugu timmisartuussinerit unammilleqatigiiffiulissappat?

Akissut: Aallaaviatigut aap, soorlu ullumikkutut aallaaviatigut Kangerlussuarmut aamma Narsarsuarmut imarpik qulaallugu timmisartuussinerimut unammilleqatigiinneq killilersugaanngitsoq. Unammilleqatigiittoqalissanersaq taamaattoqarpallu qaqugu aammalu qanoq tamanna pilissanersaq Naalakkersuisut ersarissumik aalajangersarsinnaanngilaat. Taamaattumik tamatuma aningaasaqarnikkut sunniuteqarnera inuiaqatigiinni aamma missingersuutini aningaasaqarnikkut naatsorsuinerni suliarineqartuni aningaasannngortinneqanngillat.

Imarpik qulaallugu angallavinni/nunanut allanut angallannermi unammilleqatigiinnerup killilersugaannginnerata attatiinnerneqarnissaa Naalakkersuisut kissaatigaat.

Apeqqu 81: Nunanit tamalaanit mittarfiit sananeqarnissaat utaqeqqaarnagu atlantikoq qulaallugu timmisartuussinerit ullumikkut unammilleqatigiiffingortinneqareersinnaanngillat?

Akissut: Ullumikkut imarpik qulaallugu angallavinni unammilleqatigiinneq killilersorneqanngilaq. Kisianni maannakkorpiaq timmisartuutileqatigiiffinnik Københavnimut imarpik qulaallugu angallavimmi Kangerlussuarmut timmisartuussisartunik unammilleqatigiittoqanngilaq.

Air Iceland Connect ukiut marluk missaasa matuma siorna Island-ip aamma Kangerlussuup akornanni angallavimmik pilersitsivoq. Kisianni taanna matuneqarpoq, tassami Air Iceland Connect malillugu angallaviup attatiinnerneqarnissaanut naammattunik ilaasunik tunngavissaqanngimmat.

Apeqqu 82: Ingerlatseqatigiiffimmik pilersitsinikkut Sisimiut Kangerlussuullu akornanni aqquserniornissap tiguneqarnissaanik Qeqqata Kommuniata kissaataa Naalakkersuisunit qanoq tapersersorneqartigaa? Pilersaarutip aningaasalersorneqarnissaani Namminersorlutik Oqartussat peqataasinnaanerit ilimanarpa?

Akissut: Suliaq pineqartoq inatsisissatut siunnersuutip matuma killissaasa avataanniippoq. Kisianni Naalakkersuisut paasissutissiissutigisinnaavaat suliap, periarfissat killiliisullu qulaajaavigineqarnerat maannakkut ingerlasoq.

Pissutsit allat – Ataatsimut isigalugu:

Apeqqu 83: Uffa nunatta karsia qularnaveeqqusiisussaasoq sooq KAIRS-ip niunermut pilersaarutaa tamanit takuneqarsinnaanngila? Niuernikkut immikkut mianerisassat nunatsinni aningaasaliinissamut annertunerpaamut innuttaasut nalinginnaasumik paasissutissinneqarnissamik pisariaqartitsinerannit pingaarnerusinnaanngillat.

Akissut: Innuttaasut aalajangiinerit pingaaruteqartut taakkua, minnerunngitsumillu tamatumunnga tunngaviusut pillugit sukumiisumik ilisimatinneqarnissaannik Ataatsimiititaliap isumaqarnera Naalakkersuisut isumaqatigaat.

Pingaartumik Aningaasaqarnermut Akileraartarnermullu Ataatsimiititaliaq najoqqutassanut attuumassuteqartunut tamaginnut annertusisamik periarfissaqarnissamik pisariaqartitsivoq, taamaattumik Naalakkersuisut isertuussinissamik piumasaaqatitaqartumik najoqqutassat suliaq suliarineqarnissaanut naleqquttut isertuussassat annertooujussuit nassutereerpaat.

Tusagassiorfiit arlallit mittarfinnik annertusaanermi inuiaqatigiit aningaasaqarnerannut sunniutaasussanik nalilersuinermi, Alloriarneq 2-imi ilaalu ilanngullugit, allagaatinik takunninnissaq pillugu qinnuteqarput.

Misissueqqissaarnermi tunngaviusuni paasissutissat aalajangersimasut Kalaallit Airports A/S-imi ingerlatsinermi niuernermillu ingerlatsinermut tunngassuteqarput, Naalakkersuisoqarfiup naliliinera malillugu suliqaarnermut aningaasaqarnikkut annertuumik pingaaruteqarlutik. Taamaattumik paasissutissat taakkua tamanut saqqummersinneqarsinnaanngillat saqqummersinneqartussaanaatillu. Paasissutissat pisortat ingerlatsinerannut inatsimmi § 12, imm. 1, nr. 2 naapertorlugu tunniunneqartussaanngillat.

Assersuutigalugu Kalaallit Airports A/S-imi sinneqartoorutissatut naatsorsuutigineqartut tamanit ilisimaneqalerualarpata, tamatuma ingerlatseqatigiiffiup taarsigassarsititsisorisinnaasaannut isumaqatiginninniarnert ajoqusersinnaassavai. Taamaaliornermi tunngavigineqarpoq, taarsigassarsititsisuusinnaasut taarsigassarsinissamut isumaqatiginninniarnert aalajangersimasut sioqqullugit missingersuinerit ilisimalerpatigit, tamanna Kalaallit Airports A/S-ip isumaqatiginninniarnermi inissisimanerata ajornerulerneranik malitseqartussaavoq imaluunniit malitseqarsinnaavoq.

Periarfissatut ilusiliani allani allattukkat aalajangersimasut tamanit ilisimaneqalerpata, tamanna Kalaallit Airports A/S-imut ajoqusiisinnaavoq, tassami Kalaallit Airports A/S-imi sanaartornermut aningaasaliinissanut missingersorneqartut nassarinissaannut paasissutissanit allassimasunit kingumut ajornartorsiuteqanngitsumik naatsorsuisoqarsinnaalissammat. Taamaaliornermi tunngavigineqarpoq, entreprenørit neqerooruteqartuusinnaasut suliassamut neqerooruteqarnissartik sioqqullugu Kalaallit Airports A/S-ip nammineerluni missingersuineri paasippassuk, tamanna sanaartornermut aningaasartuutit qaffasinnerulernerannik malitseqartumik unammilleqatigiinnerup annikinnerulerneranik malitseqartussaavoq imaluunniit malitseqarsinnaavoq.

Tamanna aamma pissutigalugu, assersuutigalugu Kalaallit Airports A/S-ip Ingerlatsinissamut Aningaasalersuinissamullu pilersaarutaata isertuussaatinneqaannarnissaa, aalajangiisuulluinnartumik pingaaruteqarpoq. Tamanna ingerlatsinermik mianerinninnissaq aallaavigalugu pissaaq. Assersuutigalugu sanaartornermut missingersuinerit atorneqartut nalinginnaasumik suliqartuusussat akornanni ilisimaneqalerpata, tamanna annertoorujussuarnik pitsaanngitsunik akisunerulersitsisunillu sunniuteqartussaavoq. Taamaaliornermi niuerfimmi nalimmassaagaasumik aammalu akigititanik unammilleqatigiittunik angusaqarnissamut periarfissaarutsitsisoqassaaq.

Tamannarpiaq pissutigalugu Namminersorlutik oqartussat nammineerlutik sanaartornermut suliassaanni aningaasaliisarnermut tunngaviusut marlunnet agguagaasut atorneqarput.

Neriuutigalugu matuma siuliani allassimasuni Ataatsimiititaliap apeqquai akissuteqarfigisimassallugit, Ataatsimiititaliap suliassamik suliarinninnerata ingerlaqqinnissaa, tamannalu pillugu Naalakkersuisunik oqaloqateqarnissaa, qilanaaraara.

Inussiarnersumik inuulluaqqusillunga

Simon Simonsen

- Ilanngussaq 1: Kalaallit Airports A/S-imit akissuteqaammut ilassutaasut (kingusinnerusukkut nassiunneqarumaarput)
- Ilanngussaq 2: Apeqquteqaammut 35-mut akissuteqaatip ilassai Kalaallit Airports A/S-imiit (kigusinnerusukkut nassiunneqarumaarput)